

1  
R E G N I  
NEAPOLITANI

E R G A  
PETRI CATHEDRAM  
R E L I G I O

ADVERSUS CALUMNIAS ANONYMI  
VINDICATA.



A N N O MDCCVIII,



*Non aliunde hareses oborta sunt, aut nata sunt schismata, quam quod Sacerdoti Dei non obtemperatur; nec unus in Ecclesia ad tempus Sacerdos, & ad tempus Iudex vice Christi cogitatur. Cui si secundum magisteria divina obtemperaret fraternitas universa, nemo adversum Sacerdotum Collegium quidquam moveret.*

S. Cyprianus epist. 55. ad Corneliunt  
Papam.

Serenissimo, & Catholico  
 HISPANIARUM REGI  
**CAROLO III.**  
 AUSTRIACO

NEAPOLITANA ECCLESIA  
 SEMPITERNAM FELICITATEM.

**C**Um primum Christi auspiciis,  
 & Clementis XI. collatis opi-  
 bus, imperio tuo restituti su-  
 mus, **REX SERENISSIME**,  
 confestim libellis editis Anonymi

cujusdam laici animus in Romanam Ecclesiam intemperantior erupit. Veluti, Te Rege, præsidium, nacta esset licentia, & quæ nunquam alias in Regnum Neapolitanum invasisset, fas esset sub Austriaco Principe impune grassari, & volitare. Quo exultare hostes tui nominis taciti quidem indignabamur, sed futurum sperabamus, ut cum ille exemplis pietatis tuæ consuevisset, ad saniora consilia se aliquando capesseret, & literarum laudem pari sacrarum rerum reverentia cumlaret. Nuper vero cum scriptum alterum emisit, indignis refertum contumeliis in Clericos, probris in Monachos, maledictis in hoc tuum regnum, & calumniis in Regiam Majestatem Tuam, & Apostolicam Sedem, silere nos minime patitur, neque amor patriæ debitus, neque fides Tibi obstricta, neque

religio

religio, quam sacris rebus omnibus,  
 & Apostolicæ potissimum Cathedrae profite-  
 mur. Danda igitur opera est, ut omnes intelligant, quan-  
 tam ille labem inferre conatus sit  
 auctoritati tuæ, cui vindicandam  
 permisit Deus subditorum existima-  
 tionem, & Romanæ Cathedrae di-  
 gnitatem, quarum utramque per  
 auspicia regni tui labefactare cona-  
 tus est, nec veritus ad facinus hor-  
 rendum opem, viresque tuas implo-  
 rare. Simule etiam enitendum, ut  
 sentiant, moliri illum regno tuo per-  
 niciem teterrimam. Etenim sub  
 Austriaco nomine tam rata sunt  
 Sacerdotii, & Imperii fœdera, ut  
 neque possit regnum consistere exci-  
 so religionis fundamento, neque  
 possit Ecclesia concuti, nisi regia  
 potestate plane convulsa. Cum igi-  
 tur, *REX OPTIME*, sanctissi-  
 morum Imperatorum animum, &

vir-

virtutes referas , qui , ut ait Xystus III. epist. 2. *Deo fenerantes sollicitudinem suam , non prius dignati sunt curare terrena , nisi cœlestibus paruissent ;* ita consiliis successum , armis felicitatem , regnisque tuis robur , & præsidia parare perges , si sacra Ecclesiæ jurâ , pro avita Augustissimæ Domus , & singulari animi tui religione , facta tecta tuearis . *Tunc enim Christi dextera imperium defenditur , cum Ecclesiæ status inconcussus servatur .* S. Leo epist. 40. Quo plura de fide , ac patrocinio tuo nobis polliceri licebit , rem potissimum tuam , regnique tui causam acturis : *Pro tui enim imperii salute geritur , quidquid pro quiete Ecclesiæ , vel sanctæ religionis reverentia laboratur .* Cœlestin. epist. ad Theodosium .

*Laico cuicumque nulla ratione de Ecclesiasticis causis disputandi fas esse dico; opus enim hoc Pontificum, & Sacerdotum est. Basilii Imperator in Allocut. ad VIII. Synodum. Act. X.*

**F**Irmissimis christianæ disciplinæ fundamentis subnixa est regula, quam in tribuendis Sacerdotiis, & mandandis honoribus semper tenuit Ecclesia, ut scilicet non conveniat, *Sanctuarium Dei jure hereditario possideri, quia de omni gente, quæ facit justitiam; acceptus est Deo.* Cum enim inter eos, qui renati sunt ex aqua, & Spiritu Sancto, non sit *neque Gentilis, neque Judeus, neque Barbarus, neque Scythæ.* *Ad Coloss. 3.* contineri inter se debent Christi-fideles, non tam charitate patriæ, vel gentis, aut sanguinis vinculo, quam cognatione fidei, & religionis. Neque enim decet, ut sanctiori fœdere coëant animi, qui unius imperii consortio sociantur, quam quibus est unus Dominus, una fides, unum baptisma, unus Deus; quique sunt unum corpus, & unus spiritus in una spe vocationis suæ, ut disputat Apostolus *ad Ephes. 4.* & quos una fides verè facit esse germanos; *major est enim fraternitas Christi, quam sanguinis,* inquit

Am-

Ambrosius *serm.* 90. Itaque Apostolicis hisce institutis imbuta Ecclesia, eos solos habuit exteros, & barbaros, quos vera fides non coagmentasset corpori, cui caput est Christus. Cumque inter filios suos summa ope amoliri satageret animorum divortia, nunquam passa est, ut inter jura sacrorum, atque ad aras ipsas exercerentur nationum diffidia, & populorum simultates. Propterea leges de certo genere hominum à beneficiis arcendo, ac de alienigenis repellendis, non modo nullas condidit Ecclesia, sed eas sæpe definivit, juri communi, & Ecclesiasticis moribus adversari.

Ex Italico Anonymi libello.

(1)

Per omnes ubique Christiani nominis Provincias, beneficia Ecclesiastica soli obtinent indigenæ, præterquam in Regno Neapolitano, miserando, & perpetuo cunctarum deformitatum theatro. Præclare id tradit *Petra ad Rit. M. C. V. 265. n. 150. vol. 3. Beneficia Ecclesiastica exteri obtinere nequeunt, tam jure communi in c. Cum de beneficiis, de præb. in 6. cap. Nullus, cap. Obiitum, 61. dist. Covar. in c. 2. de Testam. nu. 2. Garzia de beneficiis lib. 2. c. 15. nu. 12.*

*Cres-*

(1) Hinc illi ipsi, qui maxima contentione de excludendis alienigenis disputarunt, quique apud Anonymum in ejus sententiæ patrociniū advocantur, professi sunt, id non posse sine Apostolicæ Sedis privilegio constare; facta scilicet juris communis gratia, sive impetrata dispensatione, & assensu Apostolico. Ita *Rebuffus privilegio constare docet loc. cit. apud Anonymum, cujus verba recitat Thomasinus ab eodem relatus nu. 8. ejusdem cap. 103. Barbosa in cap. Ad decorem: de inst. & in cap. Bonæ memoriæ, 4. de postulat. Præl. num. 8. 10. & 12. Gonzalez ad cap. Te nobis: De Cleric. peregrin. Crespi de Valdaura loc. cit. num. 61. Salgado de supplic. ad Sanctissimum*

*num.*



*num part. 1. cap. 10. num. 69. indultis Apostolicis, inquit, prohibitum est extraneis in his Regnis obtinere beneficium, & nu. 111. eam consuetudinem esse ait, Indultis Apostolicis confirmatam. Idem fatetur, Quesada disert. quot. 2. num. 9. & 13. & Cenedo pract. question. Canon. 18. qui, cum late scripsisset contra alienigenas, hæc addidit num. 7. & 8. Quamvis autem hæc ita se habeant; sciendum est, si hujusmodi statuta, & leges non fuerunt approbatae per Sedem Apostolicam, Judices Sæculares eas observantes, & ademptionem possessionis beneficii alienigenis prohibentes, & eos in illa turbantes, peccare; quoniam contra libertatem Ecclesiasticam agunt; ut ex Panormitano, & Capis. pulchrè resolvit Portoles, &c. Tota igitur statutorum, & consuetudinum vis, & auctoritas in privilegio Sedis Apostolicæ posita est; ac proinde rectè decisum refert, Garzia part. 7. cap. 9. num. 4. Quod de jure quilibet potest eligi, & institui, dummodo sit idoneus, cap. Ad decorem: De Institut. & statuta excludentia à beneficiis certum genus personarum dicuntur CONTRA JUS.*

Porro Anonymus noster, ut consuetudinem alienigenarum repellendorum, per omnia Christiani nominis regna latissimè ob-

B

tinen-

*Crespi de Valdura, observ. 6. ex num. 81. Jan. Langlaus in ocio semestr. lib. 7. cap. 10. pag. (mihi) 380. Guilelm. Ant. à Freudenberg de rescript. morat. tit. 9. concl. 69. lit. P. f. 775. Gaspar Klochius de arar. lib. 2. c. 25. nu. 48. Philipp. Knipschildt de jur. & priv. univers. lib. 2. c. 8. à nu. 105. Tum legibus peculiaribus omnium fere regnorum attentis: ut de Polonia, Gallia, Navarra, & Aragonia testes sunt Salzed. ad Bernard. Diaz. cap. 54. in princ. De Regno Castellæ, & Francia Gonzalez de Salzed. ad leg. polit. lib. 2. c. 15. Rebuff. in prax. benef. reg. de idiomat. glos. 1. tit. de rescript. mix. n. 8. R. Valenz. conf. 34. num. 70. & conf. 105. nu. 89. lib. 1. Quibus accedunt Thomassinus, & Petrus de Marca.*

tinentem affirmet, iis insistit exemplis, quæ Christianorum Principum animos ab his cœptis maximè deterreant. Excitos enim tumultus, & scandala oborta, ait, si quando Romani Pontifices morem illum violare suscepissent. Egregiam scilicet tuendæ disciplinæ, & asserendi juris rationem. Certè Novatores memorare possunt tumultus longe luctuosissimos ab se editos, ubi senserunt per Sedem Apostolicam attentari effrænata suam libertatem. Potius igitur eo argumento docemur, quanti exempli res sit, ne Sacerdotia tribuantur pro laicorum libidine, sed jure communi Ecclesiæ; cum Summi Pontifices maluerint quamcumque temporum procellam excipere, quam ea in re ab Apostolico officio decedere, illud *Gregorii homil. 7. in Ezech.* præ oculis habentes: *Si de veritate scandalum sumitur, utilius nasci scandalum permittitur, quam veritas relinquantur.*

Sed jam, quæ historiarum monumenta proferat, videamus, an ea scilicet ob oculos Christianorum Principum ponenda sint, an potius inter exempla perfidiæ, & contumaciæ amandanda, à quibus Christi-fideles avertant oculos, & animos.

(1)  
Regem Galliæ obsti-  
tisse electioni, qua  
Episcopus Bituricen-  
sis creatus erat nepos  
Cancellarii Romani,  
narrat *Matthæus Pa-  
risius an. 1146.*

(2) Agmen ducit Ludovicus VII. Gal-  
liarum Rex, qui jure jurando testatus est,  
nun-

nunquam se passurum, ut Petrus de Castra Bituricensium Episcopus, injussu Regis creatus, & ab Innocentio II. consecratus, eam Ecclesiam obtineret. Id vero quam feliciter Ludovico cesserit, audiamus ex Bernardo; qui illius pertinaciam, jam triennali interdicto à Pontifice percussam, tandem expugnavit. *Is epist. 221. ad Stephanum Episcopum Prænitinum hæc scribit: Putabam me deferre Regi pacifico, & ecce invenior gravissimo Ecclesie hosti assentasse. Conculcantur apud nos sancta; Ecclesia turpiter ancillatur. Nam & electiones Episcoporum prohibentur fieri, & scubi id præsumptum à Clericis fuerit, Electus Episcopari non finitur.* Deinde postquam retulit clamores pauperum, lacrymas viduarum, planctus orphanorum, gemitus compeditorum, sanguinem interfectorum, addidit: *Frequens in omnium auribus vox: Hereditate possideamus Sanctuarium Dei; sic Rex emendat, quod in Bituricensem Ecclesiam HERODIANO JURAMENTO commisit.* Hoc primum exemplum est, quo conatur Anonymus animum Catholici, & Austriaci Regis excitare. Sanè luget Bernardus, rejectas à Ludovico, non solum Bituricensis, sed etiam Parisiensis, & aliorum Episcoporum electiones; vel igitur eas Rex repudiabat, quia exteri electi erant; ergo

lugendum putavit Bernardus, quod alienigenæ repellerentur; vel alio nomine obnitebatur illis electionibus Ludovicus; & jam nihil Anonymo Ludovici temeritas suffragatur.

(3)  
Anno 1346. Rex  
item Galliarum univer-  
sali lege externos à  
beneficiis Regni sui  
excluit, etiam Car-  
dinales.

(3) Philippi Galliarum etiam Regis factum à Clemente VI. rejectum, ac damnatum, nemo jure velit Neapolitanorum rationibus favere; quantum enim abhorreat à canonica disciplina, ipse Clemens graviter conquestus, ostendit: *Utinam*, inquit, *consilarii tui, qui Te induxerunt ad ea, solerti diligentia maturius attendissent gravia pericula, quibus talia facientes, & in eis faciendis consilium, vel favorem præstantes, olim editi à SS. Patribus CANONES evidenter involvunt.* Apud Raynaldum anno 1346. num. 39. Eandem causam egit Clemens cum Alfonso Rege Castellæ, qui gravatè tulerat exterum Cauriensis Ecclesiæ ordinatum Episcopum, ad quem ita scripsit: *Numquid Apostoli Domini, quorum Episcopi sunt successores, extra proprias nationes, & gentes, Provincias alias, atque Regna in sortem prædicationis, disponente Domino, non susceperunt? Numquid B. Jacobus, per quem Hispaniis evangelicæ veritatis lumen resplenduit, & sacri baptismatis innotuit Sacramentum, in Hispaniis ortus est? Quid igitur mirum, si Romanus Pontifex,*  
ad

ad exequendum ministerium servitutis injunctæ, illius, cujus vices gerit in terris, & apud quem non est Judæi, Græcique distinctio, neque acceptio personarum, instructus exemplo, personas idoneas eligit, & quamquam alienigenas, vacantium Ecclesiarum regimini præficit, deputatque Pastores ad Dominici gregis curam? Apud eundem anno 1348. num. 14.

(4) Nihilo probabilius est, quod de Uladislao Rege Poloniæ affert ex Raynaldo ad ann. 1429. num. 13. ubi ita conatus Uladislai excipit Martinus V. *Ut multa sileamus indigna, quæ Tibi, PRÆTER JURIS DISPOSITIONEM, persuadere quotidie moliuntur; nuper vidimus copiam quarundam literarum, per quas Tua Serenitas Prælati, & Canonici Ecclesiæ Gneznensis mandat sub gravi pœna, ne aliquem extraneum in dicta Ecclesia recipiant ad possessionem alicujus beneficii, cum inter Prælatos Regni ita statutum sit, & conclusum; de quo maximam suscepimus admirationem. Primum quidem nunquam antea inter Episcopos Regni tui, qui rectè sunt dicendi Prælati, hanc tam iniquam, & exorbitantem conclusionem, quæ cedit in vilipendium nostrum, & Sedis Apostolicæ, & Regni dedecus, Prælatorumque infamiam,*  
fa-

(4) Uladislau in Regno Poloniæ idem edixit.

factam esse audiimus, &c. Deinde num. 14. subdit ea, quibus cernant universi, quam perpetua, quam constans, quam firma sit consuetudo, quam venditat Anonymus. *Fili charissime, non velis in hoc errore versari, ut putes, Nos non nostro, sed alieno arbitrio, Ecclesiis vacantibus providere. Supplicantes sæpè Reges, & Principes, & Nos eis interdum complacemus, quando præsertim cognoscimus preces eorum, exauditione, & gratia nostra dignas; interdum etiam aliter disponimus, quam ipsi Reges, & Principes supplicarint. Nuper siquidem quinque provisiones in Regno Angliæ fecimus alio modo, quam ipse Rex scripserat; magis enim consideravimus PERSONARUM MERITA, ET COMMODA ECCLESiarUM, quam regiam voluntatem. Hoc similiter fecimus aliàs in Regno Castellæ, & noviter in Regno Franciæ in duabus Ecclesiis; fueruntque provisiones nostræ reverenter, ut dignum erat, à Regibus acceptatæ. Nec Aragonum Rex, licet sua culpa alienatus à Nobis extiterit, unquam adversatus est provisionibus Ecclesiarum, quas arbitrio nostro in Regno suo fecimus. Itaque non existimet Serenitas Tua, quod quasi ex præscripta consuetudine, ad voluntatem Dominorum temporalium, provideamus Ecclesiis, licet aliquando,*

do, cum Nobis videtur, complaceamus eisdem,  
 &c.

(5) Abrogatam legem Henrici Regis Castellæ cum sibi objicere debuisset Anonymus, nescio qua confidentia adsciverit in patrociniū causæ suæ. At enim, inquit, per aulicos Sacerdotis imminentes, ut ea sibi, venia Pontificum impetrarent, victa est lubrica pueri regis ætas. Præclara fanè disputandi ratio, ut, ubi facta pervertere non possis, consilia in pravum trahas. Sed cur non potius legem illam puero Regi aliena cupiditas, & ambitio suggererat? Cum præsertim statutum de excludendis exteris *ambitiosum* definiatur apud *Barbosam d. cap. ad decorem*. Cur autem tanti interesset aulicorum, ut tam studiosè ambi-  
 rent Pontificum veniam, qui adeo apud Regem valerent, ut suo arbitratu illius voluntatem flecterent, & leges refrigerent?

(6) Cum legibus vero Caroli V. Apostolico privilegio suffultis, nihil nobis negotii est. Cætera per Covarruviam tradita, & hic ἀναίρετος ingesta, de Ecclesiastici regiminis utilitate, inferius excutiemus. Interim omnibus ejusmodi Principum statutis, ac legibus, liberam illam Synodi Chalcedonenſis vocem reponimus, in quam Patres, inquit Petrus de Marca in Proleg. ad Concordiam, à Judi-  
 cibus

(5)  
 Id ipsum Henricus Rex Castellæ lata lege statuerat, sed alieno ambitu revocatus ab incæpto est. *Mariana Hist. Hisp. lib. 19. cap. 1.*

(6)  
 Sed flecti animus invictissimi Caroli V. non potuit, cujus leges de excludendis alienigenis vigent, ac semper vigeant. Earum rationem reddit *Covarruvias præf. quæst. cap. 35. num. 5.*

*cibus interpellati, simul omnes eruperunt:*  
**CONTRA CANONES PRAGMATICUM  
 NIHIL VALEBIT, REGULÆ PATRUM  
 TENEANT.** *Act. 4. Conc. Chalc. Quod Synodi decretum Marcianus edicto suo firmavit anno 454. in l. privilegia, Cod. de Sacrosf. Eccl.*

(7)

Consuetudo igitur universalis Ecclesiæ est, ut soli indigenæ ad beneficia admittantur; quam si quis infringere tentaverit, illud Augustini *Ep. 54. alias 118. ad Januarium*, usurpare licebit: *Si quid tota per orbem frequentat Ecclesia, quin ita faciendum sit, disputare, insolentissimæ insanie est.*

(7) Postquam ejusmodi facta, partim à suis auctoribus abrogata, partim Ecclesiæ, & Summorum Pontificum judicio rejecta, recensuit Anonymus, illud Augustini *Epist. 54. alias 118. ad Januarium*, triumphabundus, usurpat: *Siquid tota per orbem frequentat Ecclesia, quin ita faciendum sit, disputare, insolentissimæ insanie est.* Nos potius, post damnatum ab Innocentio Ludovicum, coërcitum à Clemente Philippum, Uladislauum à Martino objurgatum. Henricum latas leges abrogantem, subjiciamus: *Siquid tota per orbem damnat Ecclesia, ut ita faciendum sit, disputare, insolentissimæ insanie est.* Insolentissimæ etiam insanie est, imperium cum Ecclesia confundere; & quod paucissimi Reges Ecclesiæ infensi, legibus contra Ecclesiasticam libertatem editis attentarunt, toti Ecclesiæ tribuere.

(8)

Præsertim cum, exortus aliquando fuerit Rex, qui solemniter testatus sit,  
 velle

(8) Cæterum par erat, ut agmen primum de moribus, & consuetudine populorum, clauderet responsum **Conradi Friderici II. filii;**  
 regis



regis nimirum immanissimi, & odio in Romanam Ecclesiam prorsus exitiali; quem diris malis devotum, & anathemate percussum, paternæ, & avitæ tyrannidis æmulatorem appellat Innocentius IV. *Epist.* 66. ad Nobiles Suevos, apud Raynaldum anno 1251. num. 11. *Herode sublato*, inquit, *qui Christi animam in animabus fidelium impie perdere nitebatur, hæreditario jure paternæ tyrannidis, principatum alter sibi vindicat Archelaus, &c.* En quibus fundamentis disciplinam sacrorum instruxit Anonymus. En quibus duobus contra Romanum Pontificem, navibus, & equis Ecclesiastici canones vindicandi sunt.

(9) Quam ostendimus consuetudinem ab omni Ecclesiastica regula aberrantem, sacris etiam canonibus munire satagit Anonymus, quibus contendit, esse repulsos alienigenas à beneficiis obtinendis. In primis autem producit legem Synodi Generalis VIII. quæ, nisi se *paucarum horarum* exceptione tueatur, illum in rebus hisce tractandis non satis exercitum prodit. Canone enim 13. S. Synodus duo constituit; primum, ut ad majores ordines Cathedralis Ecclesiæ provehantur ii, qui in inferioribus ordinibus in eadem Ecclesia morati fuerint; alterum, ut nunquam inter Clericos

vetle se in Regno Neapolitano eo jure uti, quo cæteri in suis Regnis Principes. Is autem fuit Conradus, qui Romæ accusatus, quod bona Ecclesiastica, invasisset, respondit, se contentum eo jure in Ecclesiis vacantibus, quo utitur Rex Franciæ, & Angliæ in Ecclesiis vacantibus Regni sui.

(9) Id non solum in more Ecclesiæ positum, sed lege etiam cautum est, Can. 13. Conc. Gener. VIII. *Quoniam quidem dicit alicubi divinum eloquium, Dignus est operarius mercede sua, hujus rei gratia, & Nos decernimus, & promulgamus, ut magna Ecclesiæ Clerici* (sensus est de Ecclesia Constantinopolitana, ubi habebatur Concilium) *qui in subiectis ordinibus morati sunt, ad majores gradus ascendant,*

*et si digni claruerint, melioribus perfrui mereantur honoribus. Sed non ex illis, qui foris sunt, aliqui se his innedentes, debitas eis, qui multo tempore laboraverunt, dignitates, vel honores recipiant; ac per hoc inveniuntur Ecclesie Clerici nullo modo posse proficere.*

Cathedralis Ecclesie accenseantur Clerici, qui servitio Laicorum addicti, domestica, aut suburbana illorum negotia gessissent. Alios igitur canon admittit, alios repellit; sed quaparte admittit, non excludit alienigenas; quavero repellit, etiam arcet indigenas. Quod igitur causæ suæ præsidium in eo canone posuit Anonymus? Certe, cum domestici Laicorum nobilium prohibentur aditu Cleri Cathedralis, ipsi quoque indigenæ submoventur, qui non abstinerint ab eo turpi ministerio; cum vero minoribus Clericis magnæ Ecclesie munitur via ad ordines superiores, eadem quoque patet alienigenis, qui in subjectis ordinibus morati fuerint. Nam de excludendis alienigenis à minoribus ordinibus magnæ Ecclesie, in tota illa Synodo neque vola, neque vestigium.

Anonymi autem eruditionem desideramus; tum in eo, quod nomine *Magnæ Ecclesie* intelligit solam Constantinopolitanam, cum tamen eo pacto veteres appellarent Ecclesiam Cathedralem in magnis urbibus, quam hodie vulgò dicunt *Majorem Ecclesiam*; cum etiam in eo, quod putat designari extraneos in illis Concilii verbis: *Sed non ex illis, qui foris sunt*; cum sententia canonis sit, ut excludantur etiam oriundi, qui non sint de

Cano-

Canone magnæ Ecclesiæ; illi enim *forenses* appellabantur; qui etiam Novella 16. Justiniani cap. 1. vocantur *επιστολὶ superflui*; unde Leo IV. in Romana Synodo cap. 39. *Tantam, ait, superfluitatem forensium Presbyterorum.* Licet etiam forenses nuncupentur in collectione Martini Bracarensis Can. 56. Presbyteri Pagenfes.

(10) Ex Thomafino *part. 2. discipl. lib. 1. cap. 103.* pergit Anonymus ea recitare ad adstruendam Ecclesiæ legem, quæ maximè omnium, Ecclesiæ judicio exterminata sunt. Anno. 1408. inquit Thomafinus, *Comitiorum Generalium Cleri Gallicani decreto, extraneis omnibus aditus interclusus est beneficiorum quorumcumque, nisi saltem decennium in publica alicujus Regni Universitatis palestra contrivissent*: quod decretum manasse fatetur inter schismatis Avenionensis procellas. Sed qui Ecclesiasticæ historiæ rationem habuerit, ac temporum illorum conditionem perpexerit, non ignorat, illis Cleri Gallicani Comitii obviam itum esse, malis undique gliscentibus, ne in Galliam incesferent. Regnis enim fœdissimo schismate inter se divulsis, Carolus VI. *neutralitatem* edixit, quoad certus, & legitimus Pontifex Ecclesiæ præficere-  
tur; eaque schismatis calamitate obtinente,

(10)  
Idem statuit Galliana Ecclesia in Comitii Generalibus an. 1408. *Hist. univ. Paris. tom. 5. pag. 155*

tradita ratio conferendi beneficia, *salva debita Sanctæ Sedi Apostolicæ reverentia*, & *Domino Papæ futuro legitimo*, Hæc non aliter Anonymo suffragari possunt, quam si neutralitas illa, & *Αναρχία* revocetur, atque eadem renouentur schismatis procellæ. Illud tamen nos vehementer angit, quod inter sævissimos illos turbines, adhuc *salva* fuerit *debita S. Sedi Apostolicæ reverentia*, quæ tamen per Anonymum nostrum non est satis salva.

(11)

Præclara constitutione S. Ludovici hoc ipsum præcipitur, quæ utpote Sancti Regis, tamquam Ecclesiasticus Canon valere poterit.

(11) Inter Ecclesiasticas leges refert editum S. Ludovici Galliarum Regis, quod religione Sanctissimi Principis, putat, posse sacris Canonibus exæquari. Homo scilicet laicus non reputat ea, quæ Patres prædicant de gratia τῆς χριστορίας ad res sacras ritè definiendas, gerendasque, & quod recitat Crespétius in *summa Ecclesiastica discipline* verbo *Laicus*: ex Gratiano cap. *Clericus*, 3. *quæst.* 4. *Laici, quamvis Religiosi sint, nulli tamen de Ecclesiasticis facultatibus respondendi* (alias *disponendi*) *legitur unquam attributa facultas*. Quodque docet Synodus Moguntina cap. 35. cum gratiam illam, quæ ritè ordinatis confertur ad res sacras, & munera Ecclesiastica rectè obeunda, *esse*, ait, *ordinis*, & *muneris*, *non hominum, aut personarum*. Id autem ma-

xi mè

ximè S. Ludovici exemplo liquidum est, qui licet eximia pietate, & vitæ innocentia clauerit; cum se tamen immiscuit rebus sacris, tales condidit leges contra Ecclesiæ jura; & libertatem, *malorum usus consilio*, inquit Gregorius IX. ut ejusdem minis exterritus, eas statim rescindere coactus fuerit; quo in Sanctam Sedem obsequio religionem suam commendavit. *Rayn. ann. 1236. num. 31. & sequ.* Ita S. Ludovici leges sacris Canonibus exæquatæ sunt.

Quod verò propiùs spectat legem illam S. Regis, quam ex Petro de Marca Romanæ Curiae Anonymus opponit, compertum habemus, Gallis ipsis testibus, illam esse suppositam; ut apud Thomasinum *part. 2. discipl. lib. 2. cap. 33.* Certè quintus articulus, qui est de oneribus pecuniarum, longissimè abest à mente, & pietate Sancti Principis, qui sua illa Constitutione nihil attigit jura Summi Pontificis, ut te statur Carolus Fevretus lib. 2. de abusu cap. 7. num. 3. *sed tantum declarat*, inquit, *beneficia esse ab ordinariis conferenda juxta sancta decreta, & sanctiones Canonicas, quæ etiam potestatem, & superioritatem S. Sedis in spiritualibus adstruunt.* Is verò suspectus Anonymo esse non potest. Mentem autem fuisse S. Ludovici, ut Ecclesiæ liberta-

tem



tem defenderet, non adversus S. Sedem, sed adversus laicorum rapinas, constat ex ipso Petro de Marca lib. 3. c. 1.

(12)  
Nec verò, ut stultè putavit Glossator Pragmaticæ Sæctionis, ullo privilegio nititur ea constitutio, ut verba ipsa S. Ludovici ostendunt: & Pragmatica etiã Sæctio Caroli VII. in qua non solum Carolus nullũ privilegium allegat, qui potius de Pontificum contradictione conqueritur, ut ait Petrus de Marca lib. 4. concord. cap. 9. num. 9.

(12) Sed Pragmatica Sæctione Caroli VII. beneficia solis indigenis attributa sunt; ea vero constitutio iis rationibus munita dicitur, ut stomachetur Petrus de Marca contra Sæctionis interpretem, eique stultitiam more suo occinat Anonymus, quod scribere ausus sit, illam Apostolico privilegio esse nixam. Jam quo Apostolico privilegio, quove humano, aut divino jure Pragmatica Sæctio constet, videamus. Illam vixdum editam Eugenius IV. rejecit, ejus suasores appellans *perturbatores Ecclesiæ*. Deinde Pius II. eandem execratus est, quod illa *vires nostræ Religionis enervarentur, unitasque Ecclesiæ, ac libertas perimeretur*. Monitis Pii II. obsecutus Ludovicus XI. eam ab omni Gallica ditione eliminavit, deque ea ita loquitur ad Sanctissimum Pontificem *Pragmaticam Sæctionem Tibi, tuæque Sedi insensam, utpote quæ in seditione, & schismatis tempore, atque per seditionem, sectionis à tua Sede figuram nata sit; & quæ, dum Tibi, à quo sacræ leges oriuntur, & manant, quantamlibet eripit auctoritatem, omne jus, & omnem legem dissolvit. . . . Te Principem totius Ecclesiæ, Antistitem sacro-*

*sacrorum, Te dominici gregis Pastorem profiteremur, Teque jubentem sequimur, Tibi, & Beatissimi Petri Cathedræ consentimus, & jungimur. Itaque, sicut mandasti, Pragmaticam ipsam à Regno nostro, nostro Viennensi Delphinatu, & omni ditione nostra per presentes pellimus, dejicimus, stirpitusque abrogamus. Eaque abrogatio recitata, & confirmata est sess. 4. Lateranensis V.*

(13) Pragmatica Sanctione perfunctus, eas Ecclesiæ leges versat Anonymus, quibus, non quidem à beneficiis universis, sed ab Episcopatu tanta religione submoti sunt alienigenæ, ut si quando secus usuvenisset, sacrilegii loco posuerint fideles. Eam Domini præceptionem per Apostolos traditam commendasse testimonio suo Athanasium, qui doluit conculcatos apostolicos canones, cum alienigena è Cappadocia, loco quinquaginta mansionibus diffito, sibi sufficeretur in Episcopatu Alexandrino; plebem vero christianam non aliter tolerasse eam vim sibi, & sacris legibus illatam, quam intentato militum, & armorum terrore. Sed quo spectet dolor Athanasii, quidve potissimum indignatus sit in ea electione Gregorii Cappadocis, suis ab originibus breviter repetamus.

Tradita sanè ab Apostolis electionum disci-

(13) In hanc rem afferri solent Canones pleurique, mandantes, ut Ecclesiis è proprio sinu eligatur Episcopus; quam Domini constitutionem per Apostolos traditam appellavit Athanasius, cum exclamavit contra electionem Gregorii in Epist. ad solit. vit. agent. Hic excogitavit, quo pacto legem alteraret, dissolvens Domini constitutionem per Apostolos traditam, & mores Ecclesiæ immutans, novumque excogitans constituendorum Episcoporum modum. Ex aliis quippe locis, & quinquaginta mansionum intervallo diffitis, ad populos nolentes cum militibus Episcopos mittit.

disciplina est, & ab usque antiquo fœdere ducta, ut sacrorum Ministrorum electiones fierent, Episcoporum iudicio, Clericorum suffragio, & populi testimonio. Unde Cyprianus *Epist.* 35. ad Clerum, & plebem, de Aurelio Lectore, usus exemplo Eleazari: *Videmus, inquit, de divina auctoritate descendere, ut Sacerdos plebe præsente sub omnium oculis eligatur . . . ut vel detegantur malorum crimina, vel bonorum merita prædicentur.* Quam consuetudinem Ethnicis ipsis admirationi, & exemplo fuisse legimus apud Lampridium in Alexandro Severo. Id fuisse Patrum regulis sancitum, docet S. Leo *Epist.* 89. *Expectarentur, inquit, vota civium, testimonia populorum, honoratorum arbitrium, electio Clericorum, quæ in Sacerdotum solent ordinationibus, ab his, qui norunt Patrum regulas, custodiri.* Nec alia de causa Concilium Illiberitanum *Can.* 24. constituit, ut quorum incognita vita esset, ii ad Clerum nunquam promoverentur, ut nimirum publico testimonio comperta esse posset vita, moresque eligendorum.

Ea eligendi ratio sensim elanguit inter initia ipsa quoad secundi ordinis Sacerdotes, & Ministros, totaque concessit in potestatem, & conscientiam Episcoporum, ut exemplo Celerini, & Aurelii docet nos Cyprianus



ep. 33. & 34. quoad Episcopos vero diu vi-  
guit; sed ita tamen, ut factiones plebis pas-  
sum coërcerentur Episcoporum, & Concilio-  
rum auctoritate: *Turbis τοῖς ἑχλοῖς non est per-*  
*mittendum, eorum, qui in Sacerdotio sunt*  
*constituendi, electionem facere,* inquit Laodi-  
cenum Can. 13. & Cœlestinus I. in Decret.  
cap. 22. *Docendus est, inquit, populus, non*  
*sequendus.* Ambitione demum petitorum, &  
temeritate plebis deventum est ad mores ho-  
diernos, cum vix alicubi veteris instituti, &  
electionum vestigia supersunt.

Hæc qui sciat, quæ nemo planè nescit;  
videt, eo tempore, cum electiones fierent;  
Populo suffragante, absconum profectò, &  
contra Apostolicas traditiones fuisse, quod Ec-  
clesiis præponerentur ignoti homines, quorum  
nemo nosset mores, vitæque institutum, sine  
ullo scilicet suffragantis Populi testimonio.  
Quod autem Athanasio invisa fuerit ordinatio  
Gregorii non originis, sed testimonii, & ele-  
ctionis defectu, nec quia alienigena, sed quia  
nec ulli notus, nec postulatus fuerat, constat,  
tum ex ipso Athanasio in epist. Encyclica ad  
Episcopos, ubi ait: *Oportuit omnia juxta Ec-*  
*clesiasticas leges disquiri, & peragi, præsentibus*  
*Clericis, & populis, qui illum postula-*  
*rent;* Tum ex Julio I. in Epist. ad Orientales

D                      Epif.

Episcopos apud Athan. in Apol. contra Ari-  
nos : *Neque notum multis , neque postulatum à  
Presbyteris , neque ab Episcopis , neque à plebe.*  
Igitur postulari poterat alienigena , si propte-  
rea non est ritè institutus , quia non fuerat  
postulatus ; idque verba Athanasii aperte in-  
nuunt . Quid , quod ipse Athanasius interdum  
non è sine vacantis Ecclesiæ , sed ex intimo  
eremi recessu Anachoretas sanctissimos arces-  
sit ad Episcopatum , quos ipse recenset in  
epist. ad Dracontium ? Ipsiusque Athanasii  
studiosissimus Nazianzenus etiam è Cappado-  
cia ad Sedem Constantinopolitanam assumptus  
est ; ad quam deinde Chrysostomus ab Ecclesia  
Antiochena transiit ; quorum scilicet non  
originis , sed celeberrimæ virtutis habita ra-  
tio est ?

Tum certè , cum ea ratione procederent  
ordinationes , plurimi intererat , ut Episcopi  
renunciarentur , qui in Ecclesiis vacantibus ,  
aut si minus , proximis educati fuissent , de  
quorum vita , & moribus testimonium dicere  
populus posset . Sed sublatis electionibus , nec  
amplius requisito vacantis Ecclesiæ suffragio ,  
ac testimonio , quid imperitis imponitur ex  
verbis Athanasii , Cœlestini , & Leonis , qui  
spectabant suorum temporum consuetudi-  
nem ? Quibus profecto tam evincitur , violari  
cano-

canones à Pontificibus; qui exteros vocant ad beneficia, quam ex legibus decemviralibus, violatores esse publici juris Romanos Principes, qui non amplius leges ferant centuriatis comitiis, nec populi iudicio mandent honores, & bella indicant. Nimirum sapienter Sex. Cæcilius apud Gellium lib. 20. cap. 1. *Legum opportunitates, atque medelas, ait, pro temporum moribus, & pro rerum publicarum generibus, ac pro utilitatum præsentium rationibus, proque vitiorum, quibus medendum est, servoribus, mutari, & flecti.* Propterea quæ in pace late sunt leges, plerumque bellum abrogat; quæ in bello, pax; ut in navis administratione alia in secunda, alia in adversa tempestate usui sunt, apud Livium lib. 34. Proinde meritò Petrus de Marca, ut iudicemus Anonymo feramus familiarem suum, lib. 3. de Concord. c. 6. ex novis causarum, & negotiorum figuris agnoscens necessitatem novi juris decretalium, subiecit: *Nos veteres laudamus, nostris tamen annis vivendum esse censemus.*

Hæc autem adjecta sunt ex abundanti, cum satis constet, fuisse alienigenas ad Episcopatum vocatos, etiam cum servaretur disciplina electionum, teste ipso Athanasio verbis, factisque. Quod si aliquid momenti in sacris illis electionum institutis ponere velit Anony-

mus, id non Romanorum Pontificum potestatem, quæ semper summa fuit, etiam cum vigerent electiones, sed regias Nominationes petit. Per eas enim sublata esse jura electionum sæpe questus est Clerus Gallicanus, qui de abolendis Concordatis, & restituendis Electionibus iterum, & sæpius egit apud Reges Galliæ. Itaque laicorum potius causam invadit Anonymus, quorum id auribus dare studet.

Antequam autem Athanasium dimittamus, intelligat Anonymus, omnia illa deformatæ disciplinæ vulnera, quæ deflet *loc. cit.* Athanasius, à laicorum licentia fuisse imposita, ob ademptam scilicet Ecclesiæ libertatem, & injectas Magistratuum manus in Episcopis eligendis. Constantio enim curam, & custodiam ecclesiastici canonis simulanti, & obtendenti, ea objicit, quæ ostendunt, illos ipsos interdum, qui præferunt curam servandorum canonum, totam eorum disciplinam subruere, & ecclesiasticæ dignitatis fundamenta convellere: *Quare*, inquit, Athanasius, *dum se simulat Ecclesiasticum curare Canonem, omnia contra Canonem agere molitus est? Quis Canon præcipit, ut è palatio mittatur Episcopus? Quis tradidit Comites, inconsideratosque spadones ecclesiasticis præesse rebus? Aut editto*  
judi-

*judicia eorum; qui Episcopi vocantur, promulgare?*

(14) Nihil præterea, antiquatis electionibus, pertinet ad præsentem disciplinam. locus Cœlestini, qui cum tribuit Clericis Narbonensibus, & Vienenſibus facultatem resistendi Clericis extraneis sibi præpositis, vindicare studet vetera jura electionum, ne ullus scilicet invitis detur Episcopus, ut ait cit. c. 5., ac ne suffragantium minuatur libertas, *qui liberum de eo, qui eos recturus est, debent habere judicium*. Rursus obnitebatur Cœlestinus, sicut alii Romani Pontifices, conatibus Episcoporum Arelatenſium, qui αὐτοκραλίαν sibi arrogabant; quique ex monasterio Lirinensi monachos plerosque alios aliis Ecclesiis præfecerant, quorum voluntati ut Clerici vacantium Ecclesiarum resisterent, permisit Cœlestinus. An ideo permissa potestas à Cœlestino est, resistendi suis ipsius mandatis, & aliorum Romanorum Pontificum? An leges, legumque latores, ut sibi resistatur, mandare solent?

(15) Ad locum Leonis I. præcipientis, ut *ex Presbyteris ejusdem ecclesiæ, vel ex Diaconibus optimus eligatur*, hæc subjicit in notis Pascasius Quesnellus in romanas rationes non optimè animatus: *Ab hac lege discedere majori-*

(14)

Cœlestinus ep. r. cap. 5. ad Epp. Narb. & Vienn. facultatem tribuit resistendi, si extra sinum vacantis Ecclesiæ fuerit electus Episcopus.

(15)

Leo I. Ep. ad Anast. Theſſal. & Ep. 88. Ex Presbyteris, inquit, ejusdem ecclesiæ, vel ex Diaconibus optimus eligatur.

*juribus Sedibus semper fuit. De Romana pluribus exemplis constat. De Carthagenensi testatur Aurelius in Concil. Carthagenensi c. 55.*

(16)

Joannes XXII. Philippo V. Galliarum Regi, de sex Episcopis ab se creatis rationem reddens: Omnes, inquit, de Regno tuo Francia oriundi.

(17)

Canones de solis Episcopis loquuntur; sed cum Clericis per sexcentos Canones interdictum esset ad alias ecclesias transire, per eosdem ipsos interdictum erat obtinere beneficia in alia ecclesia. Conc. Nic. Can. 15. Restituatur propria ecclesia, in qua ordinatus est. Can. 16. cum omni necessitate cogantur, ut redeant ad ecclesiam suam, Concil. Arel. I. an. 314. can. 21. De Presbyteris, aut Diaconibus, qui solent dimittere loca sua, & ad alia se transferunt, placuit, ut iis locis ministerent, quibus prefati sunt. Quod si, relicto loco suo ad alium se locum transferre voluerint, deponantur.

.... Eandem prerogativam sibi assumpsisse videtur in Galliis nostris Arelatenfis Episcopus, qui majores Sedes per omnia emulabatur.

(16) Joannes autem XXII. cum Philippo Regi disertis verbis expressit, sex episcopos ab se creatos, omnes esse ejus regni oriundos, clarissime ostendit, potuisse alienos eligere; nam cur id Regi exprimeret, si aliter nullo pacto fieri potuisset?

(17) Fatetur Anonymus his, aliisque legibus, quæ in eandem sententiam congeri possent, id tantummodo decerni, ut ne cui extraneo conferatur episcopatus; cæterum illis nihil caveri de extero à reliquis beneficiis arcendo. Sed ecce tibi rationem à nemine, ut putat, animadversam, qua exteris ad inferiora beneficia aditus obstructus erat. Clerici olim ita titulis beneficiorum suorum addicti erant, ut non liceret ad alias Ecclesias transire; quotquot igitur leges vetuerant, ne Clerici à suis Ecclesiis recederent, & alteri adhærerent, totidem interdixerant, ne alienis Clericis darentur beneficia.

Prohibuerint sane, quo minus Clerici alic-

alienæ Ecclesiæ obtinerent beneficia, eadem illæ leges, quæ prohibebant Clericis transitum ad aliam Ecclesiam, quid hoc ad alienigenas? Profecto illæ leges non prohibebant, ne Episcopus laico alienigenæ conferret ordines, atque adeo etiam beneficium, quod tum ab ordine non separabatur: *Recense Concilium*, inquit Augustinus Epist. 225. *ibi inveniens de SOLIS CLERICIS fuisse statutum...* *Hic institutum est, ut CLERICUM alienum nemo suscipiat.* Porro licuisse Episcopis, laicos alienigenas Clero adscribere, & Ecclesiæ suæ mancipare, intelligimus ex Can. 9. Arausiaci I. idque exemplo suo docuerunt illustrissimi Patres, quos refert Thomasius part. 2. discipl. lib. 1. cap. 1. atque ordinatione sua Augustinus πολλὰς ἀνέχουσ ἄλλων. Alienigenæ igitur per antiquos Canones ad ordines, & beneficia admissi sunt.

Ad hoc, impunè Clericus ad aliam Ecclesiam transire poterat venia sui Episcopi. *Inferioris gradus Sacerdotes, vel alii Clerici concessione suorum Episcoporum possunt ad alias Ecclesias transmigrare*, inquit Carthaginense IV. Can. 27. Solo igitur Episcopi permisso Clericis alienigenis beneficia conferri possunt. Sed nunquid non legit Anonymus in eodem Carthaginensi assertam Episcopo Cartha-

tha-

thaginesi totius Africæ Primati facultatem, ordinandi, quos vellet, & unde vellet Clericos, atque adeo beneficiis augendi etiam sine inferiorum Episcoporum consensu? Sane Aurelio Primati, ut hoc per Cōcilium sibi liceret, postulanti responsum est Can. 55. *Necesse habet tu omnes ecclesias suffulcire; unde Tibi non potestatem damus, sed tuam assignamus, ut liceat voluntati tuæ semper & tenere, quem voles, ut præpositos plebibus, vel ecclesiis constituas, qui postulati fuerint, & unde voles.* Præterea in sacris ministrorum ecclesiasticorum ordinationibus paria fuisse *τῷ πρῶτῳ* Carthaginensis Episcopi, & Alexandrini, ut observat Justellus ad eum Can. 55. Cur igitur eandem potestatem invidet Anonymus Romano Pontifici; quem Patriarcham saltem totius Occidentis ipsi schismatici agnoscunt, & fatentur; qui necesse habet *omnes ecclesias suffulcire*, ut quos velit, & unde velit Clericos ad sacerdotia destinet? Cur incorrigibilis, & gladio coercendus ab eo dicitur, si jure illo utatur, quo semper alii Primates, & Patriarchæ usi sunt? Postremò non faciunt ad ecclesiasticam id temporis disciplinam obsoletæ illæ consuetudines, & leges, quibus una cum ordinibus beneficia conferebantur. Nunquid enim delenda sunt Tridentini decreta de  
ordi-



ordinibus sine beneficii, sed solius patrimonii titulo interdum conferendis? Quam desperata igitur est causa Anonymi, quæ non potest consistere, nisi revocentur oblitterati mores, immo quæ ex ipsis antiquis moribus convellitur, & profligatur?

(18) Nequa verò linea sit sine mendo, Anastasium, ait, non alii obnoxium crimini fuisse, quàm quod procul ageret à sua Ecclesia. Non ignorant tamen, qui illius temporis monumenta versarunt, quantis ille sceleribus se polluisset, quantàque ambitione fureret, quave potissimum de causa Leo curasset Romanam illum revocare, Cæsaream aulam ambientem, ac sollicitantem, quo sibi ad Pontificatum sterneret viam; quibus deinde stimulis actus schisma conflavit contra Benedictum III. Inter acta ejusdem Synodi Romanæ legitur sententia Adriani II. qua iterum Anastasius damnatur, ejusque immania flagitia memorantur. Binius in notis ad idem Concilium narrat, qua de causa revocatus ille in Urbem fuerit à Leone, cui contumaciter parere detrectans, Synodalem sententiam sustinuit. Non aberat ille modo à propria Ecclesia, sed velut anguis, inquit Leo, per alienas parochias discurrebat, vitiorum suorum caligine perditus.

(18)  
In Concil. Romano ann. 853. sub Leone IV. depositus fuit Anastasius Cardinalis, cujus totum scelus fuit, quod jam quinquennium moratus esset Aquilejæ.

(19) Tridentinum quoque edixit, ut unusquisque in sua Ordinatione Clericus certæ Ecclesiæ affigetur; quod sanctum consilium calamitate nostrorum temporum frustra fuit; vana quadam affixionis cæremonia dumtaxat superstitie.

(19) Deflet corruptam nostrorum temporum conditionem Anonymus, quod, cum vehementer curasset Tridentinum Clericos certæ Ecclesiæ addicere, vix superfit vana quædam cæremonia ex sacrosancto Concilii decreto, cum vetus disciplina longe severior ea de re fuerit. Ut autem severa fuerit vetus Ecclesia, in multis certè vincimus ea tempora quoad vagos Clericos. Nam non solum alienos Clericos, sed etiam laicos; neque modo transmarinos, aut ex alia Provincia, ut ex *can. 24. Illib. & Gregorio lib. 2. ep. 25.* sed ex alia quavis Diœcesi, etiam proxima, sine literis commendatitiis, aut dimissoriis Episcopi fui, nefas est ordinare; pœna proposita per Tridentinum *sess. 23. cap. 8.* Ordinantibus, & Ordinatis, ut hi à susceptis, illi à conferendis ordinibus. per annum suspensi sint. Præterea peregrinis, non solum suscipiendis ordinibus, sed re quoque divina facienda interdictum est decreto ejusdem Tridentini *de Celebrat. Missæ sess. 22.*

Fallitur etiam Anonymus, cum scribit, legem Tridentini de Clericis ecclesiæ affigendis, in vanam quandam cæremoniam evasisse. Siquidem per affixionem illam Clericus *adscribitur, & tanquam servus adscriptitiis, mancipatur servitio Ecclesiæ, pro cujus utilitate ordi-*

*ordinatus est*, inquit Fagnanus in cap. Admonet. De renunciat. *Unde locum deferere non potest inconsulto Episcopo*; num. 37. *Quod si defererit, sacrorum exercitium est ei interdicendum*; num. 11.

(20) Paucis illis horis dandum est, quod prima exempla *absolutæ* ordinationis, hoc est, sine titulo, & cardine, referat ad Hieronymum, & Paulinum quarto sæculo exeunte; cum longe ante Origenes ita fuerit ordinatus presbyter ab Episcopis Theoctisto Cæsariensi, & Alexandro Hierosolymitano, medio sæculo tertio. Sub Constantio Augusto Sozomenus lib. 6. cap. 24. recenset Monachos, *qui creabantur Episcopi, non urbis alicujus, sed honoris causa*. Ipse Augustinus narrat, voluisse Ambrosium presbyteratum sibi conferre, ita ut Ecclesiæ suæ minimè affigeretur. Itaque jam hic morbus latissime manaverat, cui remedium obtulit Synodus Chalcedonenfis *Can. 6.* *cujus vestigiis inhærere professæ est Synodus Tridentina sess. 23. cap. 16.* Miror proinde latuisse Anonymo rem adeo notam, & à Tridentino expressam, & quævisse remedium contra absolutas ordinationes à *Can. 13. VIII. Synodi*, ultra medium sæculum nonum; *cujus verba quid huc conferant, judicent, qui oculos in fronte habent.*

(20)

Sub fine quarti sæculi Paulinus, & Hieronymus absolute ordinati sunt; sed eorum exemplum nullam intulit mutationem disciplinæ. Postea vero illa mutata est; & propterea fortasse sæculo nono prohibitum fuit, ne beneficia darentur exteris *Canone 13. VIII. Synodi supra recitato.*

(21)  
 Mens, & consilium  
 Tridentinæ mille  
 Canonum senten-  
 tiam confirmavit,  
 Licet enim S. Syno-  
 dus hoc non decre-  
 verit; tamen non la-  
 zet, id fuisse in ea  
 decernendum, in-  
 stantibus Gallis: &  
 fortasse nihil aliud  
 obstitit, quam ter-  
 ribile illud *Proponen-  
 tibus Legatis*, quo  
 alia multa præclara  
 decreta impedita  
 fuerunt.

(21) Quanquam fatetur Anonymus, nul-  
 lum decretum editum fuisse à Tridentino, de  
 exteris excludendis à beneficiis, licet pleri-  
 que in eam legem studiosè incumberent, &  
 Gallicani Patres pro se acriter rem urgerent;  
 non tamen despondet ille animum, sed  
 hæc, inquit, mille canonum sententia, à  
 mente saltem ipsa Sacri Concilii confirmata est.

At superi vestram fidem! urgent Galli,  
 nec promovent; plerique instant, nec tamen  
 legem illam Concilio probant; magnis studiis,  
 multorumque sententiis res decernenda jacta-  
 tur, tamen à Concilio rejicitur. Quæ fuit igitur  
 Concilii mens? Anne, ut id decerneret,  
 quod rejecit? At *fortasse*, inquit, in causa  
 fuit terribile illud, *Proponentibus Legatis*, quo  
 pleraque saluberrima decreta interclusa sunt  
 in sacrosancto illo Patrum conventu: Sed quo  
 auctore, quo teste; quibus argumentis, hæc  
 Legatis Apostolicis dica scribitur, & invidia  
 conflatur? *Fortasse*, inquit. O quam præclare  
 Menander:

Οἷς ὁ διαβολαῖσι πάθηται ταχὺ,  
 Ἡὖτε πονηρὸς αὐτὸς ἐστὶ τῶς τρύφης,  
 Ἡὖτε πάντα πᾶσι παιδαρίῃς γνώμην ἔχει.

Quam immeritò autem carpat Anonymus  
 formulam, *Proponentibus Legatis*, dicere pote-  
 rit ex Pallavicino lib. 8. c. 6. Quod si cætera de-

cre-

creta, *Proponētibus Legatis* intercepta, ejusdem generis erant, ac lex Anonymi, nā illi operam Ecclesiæ fidelem, atque utilem navarunt in omnes partes. Nec immeritò *terribilis* formula illa dicetur novarum rerum studiosis.

(22) Non defuisse tamen Ecclesiæ suæ Dei providentiam, subdit Anonymus; nam ea Tridentinum edixit, quæ si minus expressè alienigenas à beneficiis arcerent, certè ad eam disciplinam maximè spectarent. Ejusmodi est, inquit, lex illa, ut Episcopi beneficia suæ Diocesis, vel fructuum portiones Seminario adscribant, etiamsi à Cardinalibus possideantur. Tum altera, ut Clericis in Seminario educatis, & institutis beneficium aliquod conferatur. Quid hic vidit Anonymus? Quid hinc aliud efficitur, quam quod indigenæ non sint ab omnibus beneficiis excludendi? Quis hoc inficiatus est unquam? Quod beneficiorum fructibus Ecclesiæ laborantis inopia relevetur? Cur id præstare non possit alienigena? Nunquid enim nullus est indigena, qui familiæ suæ commodis, plusquam Ecclesiæ necessitatibus studet? An verò omnes alienigenæ canones, Evangelium, religionem ejurarunt? At legimus in Evangelio, unum alienigenam præmultis indigenis fuisse accepti beneficii memorem, & laudem Deo dedisse. Cur autem spectavit

(22) Divino certè consilio factum est, ut huc spectarent pleræque leges Tridentini. Nam decretum de beneficiis, aut fructuum portione Seminario unienda, etiam si à Cardinalibus possideantur, ostendit, mentem Concilii fuisse, ut beneficia in subsidium Ecclesiarum, ubi sita sunt, & Clericorum illarum, impendantur, non verò exterorum. Et rursus illud, ut Episcopus alumnos sui Seminarii ad beneficia deputer

Con-

**Concilium ad externos excludendos**, cum portiones fructuum illis detrahendas, Seminario addixit? Nonne etiam mensæ episcopali, & capitulari, & cunctis indigenarum beneficiis, portio detrahitur, quæ Seminario erigendo, conservandoque tribuatur?

(23)

Quamquā gravissima lex sit admittendi digniores ad beneficia, tamen optimæ notæ Theologi cū S. Thoma, indigenam minus dignum præferunt extero digniori, quia ille, *qui de gremio Ecclesiæ assumitur, ut in pluribus consuevit esse utilior, quantum ad bonum commune, quia magis diligit Ecclesiam, in qua est nutritus. Et propter hoc etiam mādatur Deuter. 17. Non poteris alterius gentis hominem facere Regem, qui non sit frater tuus. Quodlib. 4. quest. 8. art. 4. ad 4.* Necessè est igitur, ut hæc lex sit divina, & naturalis. Huic autem argumento, quid reponi possit, ignoro.

(23)

Quid autem illi argumento reponamus, quod palmare, & invictum prædicat Anonymus, quo conatur ostendere, præceptum de excludendis alienigenis; non à sacris dumtaxat Canonibus, & divinis legibus traditum, sed ab ipsa natura expressum? Enimverò lege omnium gravissima, inquit, ad sacerdotia postulantur digniores; sed lex de admittendis indigenis hos minus dignos præfert exteris dignioribus, ut docet S. Thomas; lex igitur, qua indignæ sunt admittendi, legem illam gravissimam vincit; illam autem vincere non potest, nisi lex divina naturalis; ergo divino naturali jure beneficia indigenis tribuenda sunt.

Sed vindicandi à calumnia sunt cum suo magistro Theologi. Nemo ignorat dignitatem, aut absolutè, aut relativè spectari; & minus dignos absolutè, sed relativè digniores, præferri in sacerdotii petitione, tam humano, quam divino, & naturali jure. Tunc enim humana, & divina jura de eligendis dignioribus,

bus, non vincuntur, & cessant, sed potissimum vincunt, & vigent. Sunt siquidem digniores, qui sunt Ecclesiæ utiliores, & è quibus majora Ecclesiarum commoda existunt. At nonne locus ab Anonymo descriptus, quem tribuit S. Thomæ loc. cit. Clericum assumit de gremio Ecclesiæ, *quia ut plurimum consuevit esse utilior, quantum ad bonum commune?* Igitur quando unquam S. Thomas originem dignitati antetulit? aut quæ unquam pugna inter se humana, divina, & naturalia jura commisit? Audiendus est ipse S. Doctor, 2. 2. quæst. 63. art. 2. *Considerare oportet, quod dignitas alicujus personæ potest attendi dupliciter; uno modo simpliciter, & secundum se, & sic majoris dignitatis est ille, qui magis abundat in spiritualibus gratiæ donis; alio modo per comparisonem ad bonum commune. Contingit enim quandoque, quod ille, qui est minus sanctus, & minus sciens, potest magis conferre ad bonum commune propter potentiam, vel industriam secularem, vel propter aliquid hujusmodi. Et quia dispensationes spiritualium principalius ordinantur ad utilitatem communem, secundum illud 1. Corinth. 12. Unicuique datur manifestatio spiritus ad utilitatem; ideo quandoque absque acceptione personarum in dispensatione spiritualium illi, qui sunt*  
*sim-*

*simpliciter minus boni; melioribus præferuntur.* Lex igitur de admittendis, indigenis; quatenus sint utiliores, est eadem, ac lex de admittendis dignioribus; quæ proinde præcipit etiam, admittendos externos, si futuri sint utiliores. Non igitur per se origo, sed *commoda Ecclesiarum* spectanda sunt, ut ex Martino V. *epist. cit.* Cæterum S. Doctor hac eadem ratione disputat de præferendis consanguineis Episcopi æque dignis extraneis, *quia saltem magis in hoc præeminet, quod de ipsis magis confidere potest, ut unanimiter secum negotia Ecclesiæ tractent*, cit. art. 2. Neque tamen tribuet Anonymus S. Thomæ, universè præferendos esse consanguineos.

Verùm, ut ne tantopere argumento illo triumphet Anonymus; recenscat, amabo, omnium Ecclesiarum fastos, ordinemque ab ipsis Apostolis repetat, profecto in unaquaque inveniet, gravissimam hanc divinam, & naturalem legem passim fuisse violatam. Nam nec Apostoli ipsi eorum, ubi nati sunt, locorum ordinati sunt Episcopi; nec cives tantùm, & indigenas constituerunt Episcopos in iis, quas fundaverunt, Ecclesiis. Marcus enim, Timotheus, Ignatius, Apollinaris, Maximinus, Dionysius exteri suis plebibus erant. Ita & Methodius Confessor illustris, qui Pataren-

sis,



sis, ac deinde Tyri Episcopus fuit. Ita Eustathius egregius defensor Nicænæ fidei, Sydæ in Pamphilia natus primum Beroeæ in Syria; tum Antiochiæ creatus Episcopus. Ita Nazianzenus Zafimorum Episcopus, Constantinopolitanam deinde sedem tenuit. Eandem rexit Chrysostomus Presbyter Antiochenus, qui Constantinopolitanæ Ecclesiæ Diaconum ordinavit Cassianum Scytham. Paulinus patria Burdigalensis, Presbyter ordinatus à Lampio Barcinonensi, Nolanæ Ecclesiæ præfuit. Augustinus Tagastensis, factus est Presbyter, & Episcopus Ecclesiæ Hipponensis. Sed quis erit finis, si omnes numerare velimus pietate, literis, & meritis in Ecclesiam claros, qui sacerdotia affecuti sunt contra legem Anonymi à Pastoribus sanctissimis, *Ecclesiarum commoda, & merita personarum* cogitantibus; iis præsertim sæculis, in quibus canones, & jura maximè colebantur? Non affirmabit, opinor, per hos conculcatam Apostolorum traditionem, & jura humana pariter, ac divina; neque eos violatæ legis naturalis reos peraget; etiam si nulla sæpe illos urgeret Ecclesiæ necessitas. At nunquid ignorantiam invincibilem juris illius in eos cadere potuisse dicet, homo in Probabilistis agitandis acerrimus? Duorum igitur alterum oportet, ut vel san-

ctissimos Ecclesiæ Patres sempiternis flammis addictos, vel se liberiores in procudendis legibus fateatur.

(24)

Bernardus omnes elevat prætextus Romanæ Curie, cum reprehendit epist. 397. alias 387. ad Odonem Ab. num. 2. Monachos beneficii cuiusdam fructus percipere contententes; ostendit enim, solis Clericis in diocesi ministrantibus eos cedere debere. *Quid, quod de altari contenditur, & hoc adversus filios Levi, id est, adversus Clericos... Huc accedit, quod EIDEM ECCLESIE, de qua præsens disputatio est, Clerici soli deserviunt; vosque cum illis partimini beneficium, cum quibus non exhibetis obsequium. Paulus clamat pro Clericis, imo ante ipsum Moyses: Non alligabis os bovi trituranti. Item: Quis plantat vineam, & de fructu ejus non edit? Aut quis pascit gregem, & de lacte gregis non manducat? Vos autem per contrarium convenimus.*

Qua

(24)

Bernardi locus, ad quem desiluit Anonymus, de solis decimis agit, ut ipsa ejus verba ostendunt. *Thomasin. part. 3. discipl. lib. 1. cap. 10. num. 6. ac Mabillon. in notis ad eam epist.* Contendit enim Bernardus, non Monachos, sed solos Clericos, curam animarum gerentes, esse decimis alendos. Nihil hoc ad beneficia, nihil ad indigenas attinet. Nam Monachi, etiam indigenæ, à decimis arcentur; Clerici verò, etiam exteri, si modo verbum prædicent, & sacramenta ministrent, decimas percipiunt. At, inquit, si Monachi, etiam servientes universali Ecclesiæ piis officiis, & institutis, excluduntur à decimis; cur ii, qui Romæ degunt, alienos labores invadent, & inde colligent fructus, ubi minimè laboraverunt? Decimæ igitur solis Clericis pro plebe laborantibus solvantur, per me licet. Sed quid decimis cum beneficiis? Quid origini, de qua disputatur, cum residentia?

Quod autem erit Anonymi consilium, si Monachos ipsos ostenderimus, decimas, & oblationes fidelium percepisse? Non ne agnoscat, licere interdum vinum præsumere de

VI-

vineæ, quam quis non plantavit, & lac de grege, quem quis non pascit? ac recidere in caput suum molem argumentorum suorum? Audiatur igitur Ivonem Carnotensem epist. 107 *Licet decimæ, & oblationes principaliter clericali debeantur militiæ, potest tamen Ecclesia omne, quod habet, cum omnibus pauperibus habere commune; quanto magis cum his pauperibus, qui relictis facultatibus propriis, non in angaria bajulantes Christi crucem, sequuntur pauperem Christum? Sanè permissum est Monachis in Conc. Rom. anno 1078. Can. 8. & in Pictaviensi Can. 6. ut ex Romani Pontificis, aut Episcopi Diocesani consensu, decimas, & primitias perciperent. Id non diffitetur eo loco Bernardus, nam post verba relata ab Anonymo, ait: *Esto tamen; liceat & hoc ex dono Episcopi, nec ulla jam reputetur injuria, cum canonica excusat investitura.* Ac norunt omnes, quod fuerit jus Monachorum Cluniacensium in decimis exigendis, & quam gravatè tulerit S. Abbas Petrus, quod Innocentius II. levaverit Cistercienses onere decimarum Cluniacensibus solvendarum. Et quanquam probra ingererent, & asperius incesserent Cistercienses, quarum Abbas erat Bernardus, jura tamen sui Ordinis Petrus tuebatur Pontificum, & Canonum decretis: Nos,*

*Qua audacia, o Monachi, præsumitis. seu vinum de vinea, quam non plantastis, seu lac de grege, quem non pascitis? Quo pacto ibi exigitis, ubi nihil exhibetis? Certè, si ita vultis, baptizate nascentes, sepelitis morientes, visitate jacentes, copulate nubentes, instruite rudes, corripite delinquentes, excommunicate contemnentes, absolvite resipiscentes, reconciliate penitentes; & in medio denique Ecclesiæ aperiat os suum Monachus, cujus officium est sedere, & tacere. Sic fortasse dignum se probabit mercenarius mercede sua. Alioquin invidiosum admodum est, velle metere, ubi non seminaveris; sed & colligere, quod alius paraverit, etiam injuriosum. Ubi notanda sunt verba eidem Ecclesiæ. Neque enim sufficit si Ecclesiæ in genere serviatur. Nā Monachi illi orantes, & populi peccata lugentes, serviebant ecclesiæ universali. Longe enim præ-*

verterunt corruptis temporibus, è quibus S. P. Benedictus clamare cœpit: *Ma, per salirla, monissun diparte Da terra i piedi; e la regola mia Rimasa è giù per danno delle carte. Le mura, che soleano esser badia, Fatte sono spelonche; e le cocolle Sacca son piene di farina ria. Romani igitur frustra obtendunt ministerium erga universalem Ecclesiam, cum lege divina naturali serviendum sit particularibus ecclesiis, in quibus sita sunt beneficia. Ac doctores id suadentes in sola lege naturali suas disputationes instruit, ut ex Tap. &c.*

inquit, *Ecclesiæ Catholicæ auctoritatem prætendimus*, lib. 1. Epist. 28. Ergo Ecclesiæ auctoritate, non soli Clerici servientes particularibus Ecclesiis admittuntur ad Ecclesiæ fructus. Et hoc quidem in decimis; quid igitur in beneficiis, quæ latius patent?

Duo sunt hic minimè prætermittenda; quorum alterum dedecet Anonymi pietatem; alterum judicii firmitatem. Illud quidem, quod occasionem illudendi Monasticis Ordinibus captaverit recitatis satyricis versiculis: *At pateret quidem locus*, inquit S. Thomas opusc. 19. contra Religiosorum obtrectatores, *multa replicandi contra prædictos detractores, sed eos divino judicio reservamus, cum eorum mequitia possit esse omnibus manifesta ex his, quæ ex corde suo nequissimè protulerunt, secundum sententiam Domini dicentis Matthæi 12. Quomodo potestis bona loqui, cum sitis mali?* Interim Euripidæos versiculos versiculis occentemus:

Ἀχαλίνων σομάτιον,  
 Ἀνόματ' ἀφροσύνας,  
 Τὸ τίλος δυσυχία,

Hoc vero, quod parum sibi constet in usurpatione *Alienigenæ*. Nam in ipso libelli aditu, cum recenset consuetudines locorum, *Alienigena* dicitur, qui toti Regno exterus est; *Indigenæ*

*digene* vero dicuntur, & ad beneficia vocantur, qui de Regno sunt. Mox afferens Canones ecclesiasticos, *indigenarum* nomine eos appellat, qui vel de Canone Ecclesiæ, vel in ipsa baptizati, & educati sunt; quibus Canonum decretis illi ipsi excluduntur, qui antea ab ipso vocati sunt *indigena*. Nunc denique pro *indigenis* illos obtrudit, qui in suis Ecclesiis resident, ac ministrant; quo fit, ut qui antea *alienigena*, dicti fuerant, & à beneficiis repulsi, postrema hac notione *indigena*, ad beneficia adspirent. Ita apud illum nihil ratum, fixumque, nihil constans, atque cohærens, sed *utcumque est ventus, exin velum, vortitur*. Quod sic ubi cordato homine indignum est, certè non est ferendum, in ipsa definitione *indigena*, hoc est, in ipso quæstionis cardine, & summa.

(25) Ex origine beneficiorum repetit Anonymus legem illam, jam satis convulsam, de excludendis alienigenis. Quod autem nomine Beneficii accipiat omnem ecclesiasticam pecuniam, condonamus paucis illis horis, quibus nihil ad vivum refecari potuit. Beneficia, inquit, sunt fidelium oblationes, Clericorum curæ commendatæ, quibus stipendiis ipsi militent, ut Evangelium annunciantes de Evangelio vivant; *aluntur enim, ut prædicent*,

in-

(25)

Excludendos esse alienigenas, constat rursus ex ipsa beneficiorum origine, quæ describitur Act. c. 4. vers. 34. & 35. Neque enim quisque egenus erat inter illos. Quotquot enim possessores agrorum, aut domorum erant, vendentes afferebat pretia eorum, quæ vendebant; & ponebant ante

ante pedes Apostolorum. Dividebatur autem singulis, prout cuique opus erat. Beneficia igitur sunt fidelium oblationes, ex quibus alendi jus habent Clerici, ex Apostolo I. Corinth. c. 9. vers. 4. & seqq. Numquid non habemus potestatem manducandi, & bibendi? Quis militat sui stipendiis unquam? Quis plantat vineam, & de fructu ejus non edit? Quis pascit gregem, & de lacte gregis non manducat? Nunquid secundum hominem hæc dico? An & lex hoc non dicit? Scriptum est enim in lege Moysi: Non alligabis os bovi trituranti. Nunquid de bobus curæ est Deo? An propter nos utique hoc dixit? Si nos vobis spiritualia seminavimus, magnum est si nos carnalia vestra metamus? Nescitis, quoniam qui in sacrario operantur, quæ de sacrario sunt, edunt; & qui altari deserviunt, cum altari participant. Ita & Dominus ordinavit iis, qui Evangelium

inquit Gregorius. Non video quid hoc argumento obstruat alienigenis aditum. Nam militare, & Evangelium annunciare ipsi etiam possunt; ac proinde aliena stipendia merere, & de Evangelio vivere. Porro cum ea scriberet Apostolus, exteri erant fere omnes, quotquot per orbem terrarum Evangelium prædicabant; illi præsertim, quibus Dominus ordinavit, ut Evangelium annuntiarent, & de Evangelio viverent. Debita igitur exteris stipendia vindicabat Apostolus. Rursus eo loco contendit Paulus, licere sibi propter Evangelii laborem, & militiam, Corinthiorum facultatibus sustentari, quibus tamen ipse, quippe Tharsensis, alienigena prorsus erat. An rejicisset Paulum cum sua disputatione Anonymus exceptione originis, & ad Tharsenses illum suos alendum remisisset? Beneficiorum igitur origo exteris favet, & Paulus cum designat primordia beneficiorum, exterorum causam agit, ac pro illis admittendis pugnat.

Accedit, quod perspicientibus illam ipsam originem beneficiorum, quam tradit Anonymus, constat, non solum cum pauperibus alienigenis communicatas fuisse fidelium oblationes, sed etiam pro solis alienigenis interdum fuisse corrogatas. Scribit enim Lucas in Act. cap. 11. fideles Antiochenos per manns

Bar-

Barnabæ , & Sauli pecuniam largiter erogasse Palæstinis Christianis , utique alienigenis . Et Apostolus 1. ad Corinth. cap. 16. *De collectis* , inquit , *quæ sunt in Sanctos* , sicut ordinavi Ecclesiis Galatiæ , ita & vos facite . . . . Quos probaveritis per epistolas , hos mittam perferre gratiam vestram in Jerusalem . Inter tot autem Christianos , nemo unus inventus est , qui indignaretur , bona ecclesiastica exteris erogari , nemo violata jura , nemo exsuctum sibi sanguinem questus est , nemo gladium arripuit .

(26) Infestum cum habeat Apostolum , unde sibi suppetias acciverat , nihilo secius adversum habet canonem 25. quem recitat Concilii Antiocheni ; in quo videmus apertissimis verbis admissos alienigenas ad communionem ecclesiasticorum bonorum . Præcipit enim Canon , ut Episcopus res ecclesiasticas distribuât in omnes egentes ; ipse autem eorum , quibus indiget , si tamen indiget , sit particeps ad usus necessarios , & fratrum , qui apud eum hospitio excipiuntur , καὶ τῶν παρ' αὐτοῦ ἐπιχορευομένων ἀδελφῶν . Ergo interdum alienigenæ non permissu modo , sed jussu etiam sacrorum Canonum , ecclesiastica pecunia alendi sunt . At saltem in ipsa diœcesi piis operibus infumendæ sunt opes Ecclesiæ ex cano-

ne

annunciant, de Evangelio vivere. Quod breviter expressit Gregorius hom. 19. in Job. cap. 10. Aluntur, ut prædicent.

(26)

Eadem conditio beneficiorum, ut iis soli Clerici, & pauperes indigenæ alerentur, sæculis sequentibus retenta est. Legimus enim in Concilio Antiocheno can. 25. & refertur in can. Episcopus 12. quæst. 1. Episcopus ecclesiasticarum rerum habeat potestatem, ad dispensandum erga omnes, qui indigent, cum summa reverentia, & timore Dei. Participet autem & ipse, quibus indiget, (si tamen indiget) tam in suis, quam in fratrum, qui ab eo suscipiuntur, necessariis usibus profuturis; ita ut in nullo qualibet occasione fraudentur, juxta

san-

*Sanctum Apostolum sic dicentem: Habentes victum, & regumentum, his contenti sumus. Bona igitur Ecclesiae in ipsa Diœcesi expendenda sunt.*

(27)

Sexto sæculo inunte, *refrigescere charitate*, ecclesiasticorum bonorum divisio facta est; tributa pars una Episcopo, altera Ecclesiae, reliqua Clericis Diœcesis. At divisio illa naturam bonorum non mutavit. Quare Episcopi adhuc illorum sunt non domini, sed dispensatores: *Episcopus rebus Ecclesiae, tanquam commendatis, non tanquam propriis utatur*, inquit Carthaginense IV. an. 398. can. 31. Itaque etiam nunc Episcopus sumere debet ex sibi tributa parte, quod necessarium fuerit, *si tamen indigeat*, reliquum erogare pauperibus. Clerici vero utantur parte illa attributa Clericis servantibus, quatenus indigent, reliquum pauperibus

410-

ne Antiocheno. Quæ isthæc nova *indigenæ* definitio est? Ita ne advenæ, & peregrini statim *indigenæ* facti sunt? Ita ne tota labes canonicae disciplinæ; totaque divinarum, ac naturalium legum vastitas, solo alienigenarum adventu, præsentiaque reparatur?

(27) Aliena sunt à quæstione subjecta;

quæ disputat de usu ecclesiasticorum proventuum. Quid enim ad *indigenas*, quod partitione bonorum Ecclesiae sexto sæculo instituta, non sit immutata eorum natura? Quod Clerici Ecclesiastica substantia ali possint, si tamen *indigeant*? Nam nihil in hoc melior est *indigenarum* conditio, quam *exteriorum*; ac sicuti damnandi sunt *indigenæ*, si malè utantur, ita commendandi exteri, si rite expendant. Quorsum igitur hæc ingeruntur; nisi forte, ut nulum sit verbum, quo non suo veluti gladio juguletur? Horret animus meminisse, quid ipse Anonymus, altero scripto edito, docuerit de beneficiorum fructibus; interesse scilicet publicæ rei, ut laicorum familiæ bonis ecclesiasticis pinguescant, quo majorem illis pecuniam Reges imperare possint, ac pares sint pendendis amplioribus tributis. Hem virum severioris disciplinæ canones plenis buccis crepantem, & revocandis ethicæ christianæ studiis cœlitus missum! Huc demum evasit

ardor



ardor excludendi alienigenas ab ecclesiasticis bonis, ut laicorum domus de victimis comederent adipēs, & hæreditate possiderent Sanctuarium Dei.

erogaturi. Quid igitur superest, quod possit exteris erogari?

Geometrica mente Anonymi, atque omni arte cogitandi, ac methodo philosophandi prorsus indigna est argumentatio illa, quam instruit ex enumeratis sacræ pecuniæ partibus. Cum enim Ecclesiæ bona, inquit, partim Episcopo, partim Clericis, Ecclesiæ deservientibus, partim pauperibus eroganda sint, nulla pars reliqua est, quæ alienigenis tribuatur. Non equidem abiret, quin exhiberetur, si quis Neapolitanos à beneficiis arcere vellet hac argumentatione Anonymi: Cum Episcopis, Clericis, & pauperibus distribuenda sint bona Ecclesiæ, quæ pars reliqua est, quæ Neapolitanis tribuatur? Profectò illa ipsa, quæ cedit Episcopis, Clericis, & pauperibus, cum ex Neapolitanis sint Episcopi, Clerici, & pauperes. Ita prorsus alienigenæ ad eas bonorum ecclesiasticorum partes vocantur, quæ designatæ sunt Episcopis, Clericis, Ecclesiæ deservientibus, & pauperibus, cum possint ex alienigenis alii episcopatum gerere, alii Ecclesiæ deservire, alii inopia fortunarum conflari.

(28) Hactenus rationum momentis fir-

G

mata

(28)

Siquis autem minus ratione uti velit, & ea tantum credat, quæ oculis subjecta sunt ipso; certè oculorum intuitu cernere potest, etiam post divisionē, naturam beneficiorum hanc esse, ut illis frui nequeat extranei. Legimus enim inter for-

mulas Marculfi hanc instituendi beneficii formulam Capitul. Bened. Lev. lib. 7. c. 132. Capitulari 8. lib. 3. offero Deo, atque dedico omnes res, quæ hac in chartula tenentur insertæ, pro remissione peccatorum meorum, ac parentum, & filiorum, ad serviendum ex his Deo in sacrificiis, Missarumque solemnibus, orationibus, luminariis, pauperum, ac Clericorum alimoniis, & cæteris divinis cultibus, atque illius Ecclesie utilitatibus. Si quis autem eas inde, quod fieri nullatenus credo, abstulerit, sub pœna sacrilegii ex hoc Domino Deo, cui eas offero, atque dedico, districtiſſimas reddet rationes. Voluntas igitur offerentiû excludit externos à beneficiis.

(29)

Idem docet summus Canonici juris magister Gratianus ad can. Nulli Episcopo- rum 29. XII. qu. 1. §. 1. Sicut perfectione charitatis manente, secundum discretionem Ecclesiarum, distribu-

tio

mata sententia; ad ἀνομίαν sese Anonymus vertit; atque oculis ipsis rem subiecturum pollicetur, siqui forte minus ratione valeant. Mirum certè, quod oculos esse cæteris credat. *Quid dignum tanto feret hic promissor biatu?* Ipsa, inquit, offerentium voluntas, ut in formulis Marculfi legimus, excludit alienigenas à bonis ecclesiasticis. Neceſſe est, oculos mihi erutos, aut obtusos credam, qui sententiam tam dilucidè expositam non cernam; sed nec eam cernent, opinor, vel oculatissimi. Quid enim? quod pauperum, & Clericorum alimoniis offerantur res fidelium, propterea exteris nefas est illas attingere? Nunquid nec pauperes illi esse possunt, nec Clerici? An forte repelluntur alienigenæ, quia non licet oblata sine piaculo inde auferre? At cur id non metuendum ab indigenis? Quid erat igitur, quod oculorum intuitu in formula Marculfi cerneremus? *Gerræ germanæ, atque ad pol- lina, lina.*

(29) Summum Canonici juris magistrum

Gratianum contra externos diserte scripsisse ait, cum docuit, debere Episcopum ex bonis Ecclesiæ, *licet omnibus debeant esse communes*, primum sibi, & suæ Ecclesiæ deservientibus necessaria subministrare, reliqua, quæ super- sunt, fidelium usibus ministraturum. Cur hic fide-

fidelium nomine non veniant alienigenæ? Cur non & ipsi deservire possint Ecclesiæ? Cur hæc Gratiani verba non intentantur etiam indigenis non residentibus? Annuit hic Anonymus, cui plerumque alienigena etiam is est, qui, licet in regione natus, ibi tamen non commoratur, & residet. *Quo teneam vultus mutantem Protea nodo?* Sunt igitur exterorum beneficia illa, quæ à non residentibus possidentur; atque adeo cum Tridentinum agnoscit beneficia liberæ residentia, aperte agnoscit beneficia exteris rite collata.

Jam verò, ut Anonymum omni præsidio spoliemus, & omnem S.R.E. Cardinalibus, ac Prælatibus, in Romana Curia degentibus, quos maximè petit, intentam calumniam obteramus; non diffitebitur Anonymus, licuisse interdum Episcopis pietate celeberrimis, in regni ministerium assumptis, sine ulla religione residentia; in aula Principum versari. Nam ut mittamus Leandrum Hispalensem, Gregorium Antiochenum, Ægidium Rhemensem laicorum Principum legationibus functos, S. Cunibertus Colonienfis, & Arnulfus Metensis Episcopi, Dagoberto, & Sigeberto à consiliis fuere, regni que gerendi partes obire, ab Ecclesia quisque sua procul agentes: S. Leodegarius Episcopus Augustodunensis Major

*fit Ecclesiasticarum facultatum, dum alius possessiones hujus Ecclesiæ ad dispensandum committuntur; ex quibus licet res Ecclesiæ omnibus debeant esse communes, primum tamen sibi, & SUÆ ECCLESIAE DESERVIENTIBUS necessaria subministret, reliqua, quæ supersunt, fidelium usibus ministrantur; ita & præbenda Ecclesiarum, eadem charitate manente, pie, & religiose possunt distribui; nec tunc rebus Ecclesiæ, ut propriis, sed ut communibus utilitatibus deservituris; ut ex his, quæ sibi assignata sunt, primum sibi necessaria percipiat, si qua vero suis necessitatibus supersunt, in communes usus Ecclesiæ expendat. Suntque advertenda verba illa: Suae Ecclesiæ deservientibus.*

fuit domus Childerici II. regnique administer. Ipsæ formulæ Marculfi, ut ad suam *anonymam* Anonymum revocemus, fidem faciunt, Galliarum Reges primæ stirpis, non aliter olim jus in palatio dixisse, quam ex Episcoporum consilio; *Nos ergo in Dei nomine in Palatio nostro ad universorum causas recto iudicio terminandas, una cum Domnis, & Patribus nostris Episcopis, vel cum plurimis Optimatibus nostris . . . resideremus.* Sedulam enim, & salutarem operam rei Christianæ, & Ecclesiis suis sese collaturos existimabant Apostolici illi Patres, cum regnorum gubernaculis assiderent; nam tunc potissimum utilitates ecclesiasticas procurabant; atque omni ope aderant Ecclesiis, cum ab Ecclesia sua corpore abessent. Eam ob rem can. 55. Concilii Francofordiensis commendaverunt Patres gratiam residentiarum, per Carolum M. ab Adriano I. impetratam Hildebaldo Archiepiscopo Coloniensi, sicut jam antea Angilramno Metensi, ut assidue in aula versaretur propter *utilitates ecclesiasticas*. Hos increpet, & inlacet Anonymus; oggerat Bernardum, & Gratianum, majusculis literis objiciat *Eidem Ecclesie, & sue Ecclesie deservientibus Clericis* esse fructus beneficiorum percipiendos. Hos multet proventibus Ecclesiarum suarum, ac neget bene-

beneficiis alendos, quos tamen Justinianus insigniter indemnes præstare studuit; nimirum, ne cui Episcopo propter Ecclesiæ, aut Provinciarum, vel regni utilitates à suo cardine abscendenti, fraudi esset absentia, vetuit *Novella 123. cap. 26.* ne creditores, donec ad Ecclesiam suam remeassent, ullam illis molestiam exhiberent. Scilicet, tantum abest, ut suis redditibus privarentur absentes, ut ne ad solvendum quidem æs alienum, tantisper dum redirent, adigi possent.

Quod si laicali in aula impunè versari possunt Clerici illi, qui Cathedralibus, aut Metropolitanis Ecclesiis adnexi sunt; si regnorum negotiis intendentes, & regum consiliis adhibiti, suis beneficiis, eorumque fructibus non exciderunt; cur id non liceat Clericis, qui in Romana Curia versantur propter ecclesiasticas utilitates? Cur non liceat Cardinalibus in Summi Pontificis Senatum cooptatis, præsertim qui nullis Cathedralium titulis affixi sunt, *QUORUM CONSILIO APUD SANCTISSIMUM ROMANUM PONTIFICEM UNIVERSALIS ECCLESIAE ADMINISTRATIO NITITUR*, inquit *Tribentinum sess. 25. cap. 1.* Cur invidetur Civibus, & Patriciis nostris, sive in Romana Curia, sive apud Reges, resque publicas ecclesiasti-

fiasticis muneribus, & legationibus summa cum laude, & Ecclesiæ utilitate fungentibus? Cur eos conatur Anonymus de publica Ecclesiæ luce in angulos titulorum suorum, atque à negotiis gravissimis rei catholicæ ad baptizandos nascentes, & sepeliendos morientes revocare? Non quod ulla sit obscuritas ecclesiastici ministerii; sed quod Deus dederit quosdam quidem Apostolos, quosdam autem Prophetas, alios verò Pastores, & Doctores ad consummationem Sanctorum.

(30)

Legem igitur divinam naturalem, cui nec humana auctoritas, nec consuetudo præscribit, violat Romana Curia, cum beneficia Ecclesiastica exteris largitur; atque adeo statum Ecclesiæ perturbat.

(30) Ex ipsis hætenus Anonymi argumentis, quam explanatissime monstravimus, ecclesiasticas facultates, & beneficia; cunctis, qui virtute, & scientia idonei sint; sua natura, & institutione esse communia; nec magis quidquam adversari humano, divino, & naturali juri, quam disputatio Anonymi de excludendis alienigenis, pro quibus disputat Paulus, tota florentissimorum sæculorum pugnat antiquitas, & resipiscentium Principum exempla, Conciliorum canones, & Primarum Sedium consuetudines conjurant. Quo fit, ut non possit Summus Pontifex istiusmodi perverfis Anonymi legibus non obluetari, ad tuendam Juris Canonici auctoritatem, & disciplinam.

(31)

Hiscæ de causis Princeps oppressis populis opitulari, etiam debet.

(31) Quamobrem Rex Catholicus, cui  
arma

arma Deus induit, ut Ecclesiæ jurā defendat, huc vertere debet aciem auctoritatis suæ, ut scripta procaciora contra Romanæ Ecclesiæ dignitatem, inulta esse non patiatur. Eapropter Regii Magistratus ægerrime tulerunt, ac rejecerunt, pro sua fide, & officio, Anonymi libellum; & ad inauditam hominis confidentiam omnes Civitatis Ordines exhorruerunt. Pudebat etiam in religiosissima urbe, cujus integerrimam fidem Pontificia sæpe oracula commendaverant, debitam Apostolicæ Sedi reverentiam disputationibus, & scriptis esse vindicandam; immo, quod est gravissimum, ex eadem fidelissima urbe scripta prodire, tantis conviciis, & erroribus contra Petri Cathedram redundantia, ut vix è Gebennensibus lacunis aura pestilentior efflari possit. Dolebant, quod Anonymus non solum crimini verteret Clementi XI. quod eo jure uteretur, quo Sanctissimi Pontifices hætenus usi sunt; sed etiam injustitiæ daret Regi nostro, si ea conditione Regnū Neapolitanum gerere vellet, qua superiores Reges Austriaci illud administrarunt. Quod illud tanti Pontificis facinus ferro, & igni expiandum designaret. Quid si novis id legibus, & contra præteritorum temporum consuetudinem Clemens invexisset? Quid si jugum aliquod decreto suo suscep-

pisset imponere? Quam atrociter ille, quantaque verborum acerbitate debaccatus esset? Nunquam tamen christiani homines ita in Vicarium Christi, & Sanctum Domini animati sunt; neque ulla unquam suspicione injuriæ ab amore, & cultu Romanæ Ecclesiæ divelli potuerunt: *In memoriam B. Petri Apostoli* (aurea verba sunt Caroli M. viro Principe, & Catholico digna) *honoremus S. Romanam Ecclesiam, & Apostolicam Sedem; ut quæ nobis Sacerdotalis mater est dignitatis, esse debeat ecclesiasticæ magistræ rationis. Quare servanda est cum mansuetudine humilitas; & licet vix ferendum ab illa S. Sede imponatur jugum, tamen feramus, & pia devotione toleremus.* Concil. Triburien. can. 30. Ita Rex magnus, & Imperator summus de S. Sede loquitur, si jugum imponatur vix ferendum; non ita loquitur Anonymus, cum Apostolicæ traditiones, & vetera instituta servantur.

(32)  
Quare Rex noster, reputās injurias nobis à Curia Romana illatas, eo quod sanguinem nostrum exhauriat, ingentem quotannis pecuniam, ad quindécies centena millia scutatorū exsugens, tantis malis occur-

(32) Deinde ut classicum canat, tragice exaggerat Neapolitanorum calamitates, quibus confici ait, ob ecclesiastica beneficia exterris collata. Summa injuriarum capita sunt; pecuniarum transuersiones, quibus criminatur Romanos fugere sanguinem nostrum; & horrenda Neapolitanorum Clericorum, vel ignorantia, vel in Regem perfidia, unde malorum

om-



omnium colluvies, & Ecclesiæ, sacrarumque rerum neglectus, atque deformitas.

Obstrepuere semper hostes fidei, *et viderem in limo rana cecinere querelam*, cum ipsa ecclesiastica pecunia natam, adversus Romanæ Ecclesiæ divitias. Ita gentiles apud Prudentium in *hymno Laurentii*, obijciunt familias ad egestatem redactas, & sacrorum Antistites, exhaustis civium domibus, locupletatos. Verum, sicuti non mirandum, quod illi nulla Christi religione respersi, sacrarum oblationum conditionem, aut ignorarent, aut contemnerent; ita turpissimum est, inter Ecclesiæ filios de rebus ecclesiasticis non aliter disputari, quam si adhuc humani juris essent; & bona Deo dicata, quæ à Tridentino dicuntur *bona Dei*, & à sacris canonibus, *Patrimonium Christi*, etiam sanguinem laicorum nuncupari; turbasque excitari, atque acrius, quam in prædones, arma corripì, cum pro *commodis Ecclesiarum*. & *meritis personarum* distribuuntur à Christi Vicario, qui est Dispensator fidelis, quem constituit Dominus super familiam suam. Sed qui posset sanius de beneficiis sentire, qui eo sanguine saginandas esse laicorum familias docuerat?

At commodis nostrarum Ecclesiarum consuleretur amplius, si Clericis nostratibus

H                      bene-

rere statuit; neque enim sine labe injustitiæ committere potest, ut subsidiis studiorum destituamur; & obijciamur insidiis domesticorum hostium, qui nec patriam, nec Regem prodere dubitant, ut præmium quodcumque ex ipsis nostris substantiis ab Aula Romana consequantur. Unde fit, ut præter præclara quædam ingenia, quæ solo virtutis amore ducuntur, non alios habeamus Presbyteros, quam aut rudes Mistrarum recitatores, aut patriæ, & Principis proditores; ac proinde vel ligone, vel catena digaos.

beneficiorum fructus provenirent. Istiusmodi homines, suas tantum rationes putantes, nihil de communi salute sollicitos, ad Menenium Agrippam allegare velim, quo suo illo de membris desciscitentibus apologo doceat, eò conferendam esse omnium membrorum opem, unde totius corporis compages fovetur, alitur, & vegetatur. Hoc argumento non modo nihil dolemus, sed certatim pecuniam, & substantiam conferimus ad regiam Caroli aulam transuehendam, apprime intelligentes, inde nobis, & toti regno vitam, & sanguinem derivari. Non decet autem, cum tam præclare de terreno regno sentiamus, tam abjecte de Christi regno sentire; ut velimus rationes subducere, summam inire, & veluti subreptum, aut interversum lugere, quidquid majorum nostrorum liberalitate Deo dicatum, & oblatum Ecclesiæ Matri est. Cum præsertim intelligamus, pecuniam ecclesiasticam, quæ Romam transmittitur, in pias causas, in Ecclesiarum, pauperum, & præcipue Christianorum Principum subsidia largissimè dimanare. Eas autem rationes Anonymo supputandas relinquimus; modo tamen summam expensi non nimis extenuet, sicut summam accepti in immensum auxit.

Cæterum eximix gloriæ loco ponere,  
debe-

deberent, qui Neapolitani nominis studium præferunt, si liberalitate, & munificentia erga Romanam Ecclesiam nullis regibus, nullis populis concederent; de qua virtutis gloria certarunt semper christianæ nationes, quæ Romanam Sedem usque adeo coluerunt, ut se illi ultro vectigales facere, eique tributa pendere, & regna offerre, ab eaque in feudum impetrare gestirent. Ita Hispaniam Gothi, Saxoniam Carolus M., Ungariam Stephanus, Bohemiam Uradislaus, Russiam Demetrius, Lusitaniam Alphonfus, Croatiam, Dalmatiam, Poloniam, Angliam, Duces, & Reges sui Romanæ Ecclesiæ obtulerunt. Ut mittamus ingentes opes, Provinciarum tractus, & ditiones amplissimas, quas suo nomine illa obtinuit, atque etiam obtinet, donantibus optimis Principibus; qui minime quæsti sunt; haustum sibi sanguinem à Romanis Pontificibus; sed potius professi pro sancta illorum Sede libenter cum opibus, & substantiis suis sanguinem, vitamque duros.

Alterum injuriarum caput in insigni calumnia nititur, qua Neapolitanum Clerum lacerat. Non enim dubitat probrosissimis titulis Neapolitanos Presbyteros appellare rudes missarum recitatores, ligone, aut catena dignos, in nervum potius, aut in agrum able-

gandos, quam sui Ordinis insignibus honestandos,

Non hic opus habemus Cleri Neapolitani causam agere, cujus famam, ubique probatissimam nemo ante Anonymum ausus est allatrare; siquidem cognitione sacrarum literarum, potissimum vero moribus, & institutis sanctissimis omnes Ecclesias provocare potest; cujus exempla Innocentius XI. P. M. Episcopis, ad informandam Cleri disciplinam, proponere consueverat; & ex quo amplissimi, & rerum gestarum gloria celeberrimi prodire Præfules, Cardinales, Summi Pontifices, licet Anonymi lex de excludendis alienigenis nulla unquam fuerit. At exceptit Anonymus, non inficior, præclara quædam ingenia, quæ solo virtutis amore ducuntur, nullisque beneficiis illecti sese in ecclesiastico ordine celebraverunt. At si non sunt beneficiis alliciendi, qui solo virtutis amore ducuntur, quibus demum invitandis, & excitandis conferenda erunt beneficia? An, qui alio prorsus, quam virtutis amore tenentur? Quod autem metuat Anonymus, ne Clerici Neapolitani, beneficia captantes à Romana Curia, Regem, & patriam prodant, id malum non ex eo proficiscitur, quod Romanus Pontifex exteris beneficia, sed potius quod indigenis conferat.

An

An verò à solis laicis impetranda sunt beneficia, ut ita Clericos habeamus, minus quidem, si ita placet, agrestibus curis, sed impendio magis aulæ, & castris comparatos; atque adeo destinatos non altaris ministerio, sed laicorum mancipio? Postremò parcius jactet Anonymus contumelias contra ministros Christi, & dispensatores mysteriorum Dei; & Chrysostomo obaudiat monenti, *ne si qui mali videantur Sacerdotes, propterea contemnendos existimet; nunquid enim propter terram vilem pretiosum aurum contemnitur?* hom. 43. in Matth. *Qui enim Christum diligit, cujusmodicumque sit Sacerdos, eum diligit*, hom. 10. in epist. ad Thessal. *Quisquis verò Dei ministrum contempserit vindicta, & supplicio subijcietur; & qui divinam hanc dignitatem contempserit, acerbissimas suæ despicientiæ pœnas luet.* Cyrillus lib. 13. de Adorat. in spirit. & verit. Hæc obsecrat Neapolitanorum Clericorum minimus, ex agro, & ligone ad hoc certamen arcessitus à Domino, qui olim à pascendis gregibus Davidem accivit ad prosterendum audaciam Philistæi, qui exprobrabat agminibus Dei viventis.

Juvabit, opinor, paucis exponere, quam infeliciter cum Clericis Neapolitanis ageretur, & quam multis intercepta esset spes obtinendi

nendi beneficia , adeoque adjumenta colendorum studiorum , ac sublata piorum laborum præmia , si iis legibus res beneficiaria gereretur , quas Anonymus ex divino , & naturali jure deduxit . Primùm , quod spectat episcopatus , nullus posset ex Clericis Neapolitanis ad episcopatum cujuscumque Ecclesiæ , etiam hujus Regni , adspirare , secundum canones ab eo productos . Nam Cœlestinus potestatem facit Clericis Ecclesiæ vacantis resistendi extraneis , qui non sunt de sinu illius Ecclesiæ ; à Leone verò sancitum est , ut ex Presbyteris , & Diaconibus ejusdem Ecclesiæ optimus eligatur . Neapolitani igitur ad amplissimos episcopatus , ad quos secundum hodiernam disciplinam vocantur , ascendere non possent , si Anonymi argumenta valerent . Ex canone autem 13. Constantinopolitani IV. ab Anonymo relati , ad solam Metropolitanam Sedem , sed iis solis , qui sunt de canone Magnæ Ecclesiæ , ascendere liceret . Conducibilior est proinde rationibus Neapolitanorum præsens consuetudo , qua Metropolitanæ Ecclesiæ Neapolitanæ præponitur , non solum civis , sed patrius , & quidem in Cardinalium Collegium allectus ; cæteris verò Ecclesiis totius regni præficiuntur passim probatissimi quique ex Neapolitanis Clericis ; quod ipsis quidem in-

cita-

citamento esse solet, vacantibus autem Ecclesiis maximè salutare. Præstat enim è sinu cultissimæ Civitatis, & Ecclesiæ, Episcopos in sacris rebus exercitos, & subactos dari montanis, & incultis interdum populis, quam Clericos assumi ibidem enutritos, sacra politia, literisque non semper instructos. Itaque nihil infestius Neapolitano Clero accidere potest, neque est, quod magis studiorum subsidia, & alacritatem infringere valeat, quam si conferantur episcopatus ea ratione, quam restituere nititur Anonymus, & dolet esse antiquatam: Neque gravior pœna irrogari posset Neapolitanis Clericis per Romanam Curiam, quam ut hæc Anonymi lex vinceret, & valeret.

Neque lætandum Neapolitanis esset, si lex illa Anonymi fervaretur quoad inferiora sacerdotia. Nam si ex formula Marculfi, ex Bernardo, & Gratiano, necesse est, ut Clericis iis in Ecclesiis deserviant, quarum fructus percipiunt; omnes patricii sanguinis primores, ac cives, sapientia, & laboribus clari, qui ministeriis amplissimis funguntur, revocandi essent ad campestres Ecclesias, quarum proveniunt ingentia munerum, & itinerum impendia substinent, quibus obeūdis etiam patrimonialia suarum familiarum libenter insumunt, & exhau-

exhauriunt, ut pro se quisque Patriæ, Ecclesiæ, & Dei gloriam amplificent. Legibus igitur suis Patriæ, & Cleri nostri decus it perditum Anonymus, cum illius honori maximè velificari videtur. Ε'χθρὰν ἀδύρα, κ' ἔκ' ὀνήσιμα.

Postremo loco unusquisque intelligit, quantum Regi nostro sit profuturum Anonymi opusculum, cum Patriæ, & Ecclesiæ sit adeo infensum. Omnes enim Canones, qui ex Anonymi sententia Romanum Pontificem damnant, exteris largientem beneficia Regni hujus, cumque tanquam incorrigibilem obijciunt armis piorum Principum, rejiciunt, atque proscribunt morem Austriacorum Regum, nominandi ad insignes plerasque Neapolitani Regni Ecclesias Clericos Hispanos. Et quidem eo gravius, quod licet Pontifices beneficia exteris conferant, nunquam tamen interdixerunt, ne darentur indigenis; immo quoad res patitur, potior est indigenarum conditio. At Regibus Hispaniæ, non solum licet nominare alienigenas; quemadmodum etiam in Regnis, ubi ex indulto Apostolico excluduntur exteri; ut de Regno Valentia refert Christophorus Crespi de Valdaura observatione 6. §. 2. num. 69. ex Bulla Xysti V. edita an. 1587. sed etiam cavent, ne quædam Regni Neapolitani Ecclesiæ conferantur indigenis;



genis ; ad quas solenne habent , ut Hispanos mittant Episcopos . Quo nunc cum Apostolicis suis traditionibus , Domini præcepto , & Athanasii verbis Anonymus ? Si adeo ille indignatus dicitur Gregorium missum è Cappadocia , neque aliud illi displicuit , quàm distantia quinquaginta mansionum ; æquo animo ferret evocatos Episcopos ab ultimis terrarum finibus , quorum non solum mores , & vitæ institutum ignoret populus , sed neque linguam intelligat ? Sed uti Athanasius in præpostera illa electione temeritatem Constantii , & indignitatem Gregorii damnaverat , ita nos in Austriacis Nominationibus Regum religionem , & dignitatem electorum suspicimus ; & commendamus ; locorum distantia nihil obstante , & Anonymo cum legibus suis nequicquam obstrepente . Nihil est igitur , quo Anonymus Summo Pontifici , tanquam Ecclesiæ perturbatori , & incorrigibili intentet vim , & arma ; neque ulla injuria est , à qua Neapolitanos debeat Rex Catholicus vindicare , nisi hæc ipsa , quod libellus Neapoli , Regi , Ecclesiæ , & Pontifici injuriosus , *Jura Regni Neapolitani* inscriptus sit . Quo in suspicionem prope adducta fuisset incontaminata illa , & à Petro accepta erga Apostolicam majestatem reverentia Neapolitanorum , nisi privata unius

viri confidentiæ omnes undique reclamassent;  
& Magistratus libellorum vulgandorum cur-  
sum inhibuissent.

(33)

Ivo Carnotensis ad  
Regem recurrit eti-  
am in re, quæ levio-  
ris momenti videri  
posset, veluti cum  
concilium intra eun-  
dem annum coge-  
retur sæpius, quam  
Canones statuissent.

(33) Ut suadeat, justam hanc esse belli  
causam, nec solum posse, sed etiam debere  
Catholicum Regem armis propulsare Neapo-  
litanorum injuriam, ob collata exteris benefi-  
cia, utitur exemplo Ivonis Carnotensis, quem,  
ait, Regis auxilium implorasse, cum Legatus  
Summi Pontificis, duobus celebratis, tertium  
Concilium indixisset intra eundem annum,  
præter canonum præscriptionem. Sed quoad  
oculorum intuitu perspicere, & judicare pos-  
sumus (quod saltem nobis per Anonymum  
licet) non Ivo ad Regem confugit, sed contra  
Rex Philippus Ivonem consuluit, quid facto  
opus esset, cum Legatus ad tertium Conci-  
lium invitasset Prælatos regni sui. Respondet  
Sanctissimus Episcopus epist. quæ nobis est  
61. non se id futurum putare, parendum ta-  
men si fuerit indictum. *Si autem aliquis pro  
culpīs suis, indulto sibi congruo spatio, à Legatis  
Apostolicis vocatus fuerit, non potest subterfu-  
gere, quin ad diem sibi præscriptum occurrat,  
nisi eum legitima causa detineat.* Injustis ve-  
rò oppressiōibus resistendum ait, sed ex Epi-  
scoporum consilio: *Vos, habito cum eis com-  
muni consilio, injustis oppressiōibus pro perso-*

*na vestra resistite*. Quo autem pacto resistendum sit non hic explicat Ivo, sed in *epist.* 183. Quoniam iudicia Romanæ Ecclesiæ à nemine foris retractari posse, eadem Romana Ecclesia docente didicimus; si qui aliquando se pręgravatos ipsius Ecclesiæ auctoritate conqueruntur, hoc eis consilium damus, ut non descendant in Ægyptum propter auxilium, sed ab ipsa ad ipsam confugiant; & inde expetant levamen, unde se conqueruntur accepisse gravamen. Non laicorum opem, & arma contra Ecclesiam imploranda censebat vir ille fortissimus; immo ne contra laicos quidem ea ratione causas ecclesiasticas defendi voluit, cum populo Carnotensi graviter interdixit, ne, se Vicecomitis Carnotensis scelere pręgravatum, & vinculis constrictum, armis liberare vellent: *Nec enim decens est*, inquit, *epist.* 100. *ut qui armis bellicis ad Episcopatum non veni, armis bellicis recuperem, quod non est Pastoris, sed invasoris*. Multo igitur magis est invasoris, velle armis, non tam recuperare, possessa beneficia, quam obtinere, conferenda. Utinam exempla Ivonis relegeret Anonymus; atque utinam non sola ratione, sed oculis etiam aliquando uteretur.

(34) Usurpat deinde nomen, & auctoritatem Abbatis Panormitani, & Francisci Vi-

I 2

ctoriæ

(34)  
Tradunt hoc etiam  
illi doctores, qui  
scri-

scripserunt post magna incrementa Pontificiæ auctoritatis, cum omnes ad nomen Romæ contemiserent, quique illius magnitudinem vehementissime propugnarent. Abbas Panormit. in cap. sicut 29. de iurejur. num. 12. scribit, ad Imperatoris officium pertinere, ut etiam armis succurrat Ecclesiæ, si illam perturbet Pontifex hæresi, hæreticus, vel schismaticus, vel violando leges divinas, aut canonicas, incorrigibilis: Puto etiam, quod ex causa legitima, & notoria posset Imperator indicare bellum contra personam Papæ; non dico contra Ecclesiam; ut si Papa esset hæreticus, & non posset judicari per Ecclesiam; vel schismaticus; vel alias incorrigibilis, & Ecclesia non habeat quid faciat.

Storia. Sed tantum abest, ut Abbas eo loco suffragari videatur Anonymo, ut vehementer obstupuerim, quod locum illum, & illum ipsum numerum 12. indicare voluerit, ac veluti digitum intendere ad legendas eas Abbatum sententias, quibus lætari nullo modo possint detractores Pontificiæ potestatis. Adeat igitur illum Anonymus, & si quidem voluerit, iudicem, arbitrumve libenter habebimus testem suum. Post multa pro potestate Papæ supra Imperatorem, & Reges disputata, ait Abbas: *Puto etiam, quod ex legitima causa, & notoria possit Imperator indicare bellum contra personam Papæ; non didico contra Ecclesiam: ut si Papa esset hæreticus, & non posset judicari per Ecclesiam; vel schismaticus, vel alias incorrigibilis, & Ecclesia non habeat quid faciat.*

Quam longe hæc distent à mente Anonymi patet I. quia docet Abbas, posse ex narratis causis inferri bellum contra personam Papæ, non contra Ecclesiam; loquitur igitur de puniendo scelere personali Papæ; non est autem facinus personale Clementis XI. quod beneficia conferantur extraneis, sed est institutum Romanæ Ecclesiæ; Ecclesiæ igitur arma inferenda essent à Rege Catholico. II. Non violat, sed tuetur Papa sacras leges, cum ad

nor-

normam juris communis distribuit bona Ecclesie . III. Non est incorrigibilis, qui retinet majorum traditiones , & consuetudines ab Apostolis ad nos perpetua canonum disciplina transmissas. IV. si arma contra Clementis Personam, tanquam incorrigibilem ferenda sunt , quo judice , quave sententia ille declaratus est incorrigibilis? Alienum est à Christianis institutis , ut suos Pastores judicent , qui pascendi sunt : Unde orat. 17. Nazianzenus : *Judices ne judicate, nec legislatoribus leges præscribite . . . . Nec obedientie lux , quæ tam terrena , quam cœlestia tuetur , atque conservat , infringatur .* Ac S. Joannes Climacus gradu 4. ait : *Cum Tibi cogitatio suggererit , ut Prælatum tuum dijudices , aut damnes , loquere ad bujusmodi serpentem , ò seductor maligne , non ego ducem meum judicandum suscepi , sed ille me ; non ego illius ; sed ille mei dux est .* Et hæc quidem de Prælati etiam inferioribus . Quid igitur de Principe Pastorum , & Apostolicæ Sedis Antistite ? de quo ait Ennodius in Apologet . *Sedis istius Præsulem suo sine quaestione reservavit arbitrio . Voluit . B. Petri Apostoli successores cœlo tantum debere innocentiam , & subtilissimi discussoris indagini inviolatam exhibere conscientiam .*

Primam Sedem à nẽmine judicari posse ,  
late

late ostendit Petrus de Marca lib. I. Concord. cap. I I. cujus epitomen his verbis adornavit Stephanus Baluzius : *Persona Pontificis à nemine judicatur . . . eadem Ecclesiæ Gallicanæ sententia in causa Symmachi* . Qua igitur lege Anonymo sistitur Sanctissimus Pontifex , cujus judicium terra , cœlumque reveretur ; coque sedente lata sententia , expeditæ securæ ? *Muta fiant labia dolosa* : Verba sunt Stephani Papæ ad Basilium , in calce VIII: Synodi : *que loquuntur adversus Deum iniquitatem , aut adversus justum* . Si è grege Dei ( quod opto ) ovis es , limites Principis Apostolorum ne transilias . Dic age , quis te ita seduxit , ut Oecumenicum Pontificem conviciis , & scommatis lacefferes , Sanctamque Ecclesiam Romanam maledictis lacerares , cui oportet , ut summa te cum veneratione subjicias ? An non intelligis , hanc omnibus Ecclesiis præesse ? Quis te Pontificum judicem constituit , quorum sacris institutis edoctus es ? à quibus ad Deum pro te preces effunduntur ? . . . Quomodo judicas eos , qui uni Dei judicio sunt subiecti ? qui soli potestatem acceperunt ligandi , atque solvendi ? Vide in quod te barathrum præcipitaris . His Stephani literis Leoni Basilii filio redditis , Patres Orientales epistolam ad eum dederunt , cujus hoc est initium ,

tium; quod Anonymi libello subscribimus:  
*CATHOLICA DEI, APOSTOLICAQUE  
 ECCLESIA SEMPER DE SUI OPPUGNATORIBUS TRIUMPHAT.*

(35) Francisco Victorix vis magna inferenda est, ut ad sensum Anonymi flecti possit. Docet enim loco cit. recurrendum ad Principem, & resistendum etiam armis mandatis Papæ, *tendentibus in destructionem Ecclesiæ*; arma sunt igitur vertenda contra eum, qui Ecclesiæ destructionem machinatur, non contra columnam, & firmamentum Ecclesiæ. Rursus in ea ipsa perniciæ, & vastitate Ecclesiæ, quam afferrent mandata Pontificis in assumpta hypothesi, primùm negat, permittendum cuicumque privato, *non parere mandatis Pontificiis, quantumcunque essent contra determinationem Concilii, eo quod esset magna irreverentia, & quasi contemptus summæ auctoritatis*, prop. 31. unde in ipso loco cit. ab Anonymo, Episcopis, vel Concilio provinciali permittit resistere, ac Principes implorare. Deinde quopactò resistendum sit, ita docet ibid. prop. 22. in coroll. *Semper tamen servato moderamine inculpatæ tutelæ, non excedendo reverentiam; NEC NEGANDO ALIQUO PACTO AUCTORITATEM ILLIUS; sed solum allegando, quod hoc est inju-*

(35)

Franciscus Victorix, recurrendum esse ad Principem ait, contra conatus Romanæ Curix adversantes rationi: Possent vel Episcopi, vel Concilium Provinciale per se resistere tali mandato, vel etiam implorare Principes, ut auctoritate eorum resisteret Summo Pontifici, Relect. 4. de potest. Papa prop. 22. Ac rursus vi, & armis ejusmodi mandata posse impediri: Non solum liceret non parere talibus mandatis, sed etiam factò, & vi, si opus esset, resistere illis, & impediri armis executionem illorum mandatorum; & maxima intercedente publice auctoritate, ut Principis. Ibid. prop. 19.

*justum*, & *in detrimentum Ecclesiæ*. Loquitur autem siquando, facta declaratione, aut edito decreto Concilii, Papa contrarium mandaret. Quæ sunt autem Concilii decreta, quibus mandata Sanctissimi Pontificis adversantur? immo quæ Conciliorum decreta sunt, quæ Anonymi sententiam non rejiciant?

(36)

Communi Theologorum sententia, non sæper leges Romani Pontificis justæ sunt; Nam Card. Madruccius in Concil. Trid. ait; *Quemcumque Pontificem in judicanda lege conducibili, vel non conducibili falli posse.*

(36)

Mittimus ea, quæ convertit, ut Apostolicæ Cathedræ contemptum, & invdiam faciat, ejusque judicium in probandis, aut ferendis legibus conducibilibus sæpe infirmum, falsumque traducat. Longe enim alia fuit omnium sæculorum lingua, cum de legibus, judiciis, sententiisque Summi Pontificis loquerentur Christiani. *Judicem vice Christi* appellavit illum Cyprianus epist. 55. *De cujus judicio disceptare nullus auderet, quod Patrum tradito per canones semper, regulasque servavit*, inquit Zosimus epist. 10. *Et cujus terrestre judicium præjudicata auctoritas sit in cælo*, ait Hilarius cap. 16. in Matth. *Interpretem vocis Petri*, Concilium Chalced. epist. ad Leonem. *Linguam cælorum*, S. Petrus Damian. serm. 26. *Legum moderatorem, canonum dispensatorem, Christi Vicarium, Christum Domini, Deum Pharaonis*; S. Bernardus de consid. lib. 4. cap. ult. Huc deceret, ut studia



studia sua conferret Anonymus, & Sanctorum Patrum in Romanis judiciis, ac legibus obsequentissimè suscipiendis, & commendandis, ardorem æmularetur. *Sed quo pacto honore indiget parvuli hominis Romana Ecclesia, quæ laudes, atque præconia ex ipsius ore sortita est Salvatoris?* S. Petrus Damian. opusc. 5.

(37) At quid consilii incundum, inquit, ubi in Romana Curia ita partem Domini tractari contingat, ut Barabbas evadat, & Christus occidatur? Profecto illud ipsum consilium, quod nobis dedere geminæ illæ ecclesiasticæ fortitudinis columnæ Ivo Carnotensis, & Thomas Cantuariensis, quos Romanæ Curia objecit Anonymus. Ut nimirum, *si qui aliquando se prægravatos ipsius Ecclesiæ auctoritate conqueruntur, non descendant in Ægyptum propter auxilium, sed ab ipsa ad ipsam confugiant.* Ita Sanctissimus Martyr Thomas, cum se, partim ob corruptos regio auro quorundam Romanorum animos, partim ob falsos rumores per totam Angliam dissipatos à Joanne de Oxenford, Romana Curia prægravatum quereretur, non descendit in Ægyptum propter auxilium, sed ab ipsa Romana Ecclesia, in qua semper illi patuit perfugium, & portus, levamen expetivit: *Hæc omnia Domino Papæ diligenter insinua, ut re-*

(37) Sanctissimus etiam Episcopus, & Martyr Thomas Cantuariensis, semper in Romana Curia jus conculcari affirmavit in epistola, quam edidit Baronius ad ann. 1170. num. 10. Nescio quo pacto pars Domini semper tractatur in Curia, ut Barabbas evadat, & Christus occidatur. Auctoritate Curia jam in finem sexti anni proscriptio nostra, & Ecclesiæ calamitas protrahita est.

*medium aliquod contra hac mala nobis provideat, sicut petimus, inquit in epist. 165. lib. 2. ad Joannē Cantuariensem suum Romæ Apocrisarium: & in epist. 47. ibid. ad Alexandrum Papam: Non est, ad quem habemus refugium post Deum, nisi ad te. Neque verò quid lævum unquam locutus est de potestate, ac dignitate eorum, quorum avaritiam detestabatur; sed eos ipsos appellabat columnas Ecclesiæ epist. 66. lib. 3. epist. verò 45. lib. 2. ad omnes Cardinales, cum exoptularet de quorundam socordia: Qui Christi vicem, inquit, gerere debetis in terra. Noverat enim ex hominum vitio nihil detrahi muneris amplitudini, & sanctitati. Quam in sententiam præclare Joannes Gersonius tom. 1. col. 188. de statu Summi Pontificis, & Cardinalium verba faciens: Status, inquit, prædictus non ideo perdit jura sibi convenientia, si forte fuerint abusus aliqui personales, olim, vel nunc inventi. Alioquin sic argueretur adversus omnem statum, nedum ecclesiasticum, sed temporalem, quòd dissipandus est, deferendus, & perdendus; quoniam in multis offendimus omnes. Quo autem sensu damnaretur Christus in Curia, & Barabbas dimitteretur ab iis, quos Regis aurum excæcaverat; explicat idem Thomas epist. 33. lib. 2. Permittunt enim, &*  
*præ-*

*præstant auctoritatem persecutoribus Ecclesiæ concutere, spoliare, & deprædari patrimonium Crucifixi. Qui proinde viderentur consentire dicentibus: Crucifige, Crucifige Pontificem, epist. 36. lib. 2. Ille igitur cum Judæis petit dimitti Barabbam, & Christum occidi, qui contra Summum Pontificem ad arma conclamat, ut cedat in laicorum commoda patrimonium Crucifixi.*

(38) Superest, ut eos canones huc transferamus, quos Anonymus, ad ciendum nostri Regis animum, recitat in postrema acie argumentorum suorum; ut illis ipsis Rex optimus intelligat, quorsum adhibere debeat vim auctoritatis suæ, contra Apostolicam ne Sedem, quam à Christo tuendam suscepit, an verò contra eos, qui sacrosancta jura Sedis Apostolicæ pessumdare moliuntur: *Principes sæculi nonnunquam intra Ecclesiam potestatis adeptæ culmina tenent, ut per eandem potestatem disciplinam ecclesiasticam muniant. Cæterum intra Ecclesiam potestates necessariae non essent, nisi, ut quod non prævalet Sacerdos efficere per doctrinæ sermonem, potestas hoc impleat per disciplinæ terrorem. Sæpe per regnum terrenum cœleste regnum proficit; UT QUI, INTRA ECCLESIAM POSITI, CONTRA FIDEM, ET DISCIPLINAM EC-*

(38)

His in casibus Principes opemferre debent Ecclesiæ. Par igitur, æquumque fuit, ut Rex noster hoc facinus Romanæ Curiz omnium iniquissimum inhiheret. Principes enim tutelam, & patrocinium canonum pro se gerere debent: *Principes sæculi nonnunquam intra Ecclesiam potestatis adeptæ culmina tenent, ut per eandem potestatem disciplinam ecclesiasticam muniant, &c.*

**CLESIAE AGUNT, RIGORE PRINCIPUM CONTERANTUR**, ipsamque disciplinam, quam Ecclesiae humilitas exercere non praevalet, cervicibus superbiorum potestas principalis imponat; & ut venerationem mereatur, virtutem potestatis impertiat. Cognoscant Principes saeculi, Deo debere se rationem reddere propter Ecclesiam, quam à Christo tuendam suscipiunt. Nam siue augeatur pax, & disciplina Ecclesiae per fideles Principes, siue solvatur; ille ab eis rationem exiget, qui eorum potestati suam Ecclesiam credidit. Can. Principes. 23. quæst. 5. & S. Leo M. epist. 125. ad Leonem Augustum: *Debes incunctanter advertere, regiam potestatem Tibi, non solum ad mundi regimen, sed maxime ad Ecclesiae praesidium esse collatam; UT AUSUS NEFARIOS COMPRIMENDO, & quæ sunt bene statuta defendas, & veram pacem bis, quæ sunt turbata restituas.* Itaque divino consilio datum est, ut Anonymus ipse, qui nobis ad dispellendas calumnias suas argumenta ministraverat, sententiam etiam contra se ipsum ex sacris canonibus pronunciaret; atque esset, ut Paulus ait, *ἀνὴρ ὁμολογῶν*.

(39)  
Supereſt, ut Romanorum argumentis occurramus. Obiiciunt autem potiffi-

(39) Obiicit ſibi Anonymus, quæ pro alienigenis proferri ſolent, præſertim ex Innocentio III. cap. *Ad decorem. De inſtitut.* qui Pa-

Patriarcham Constantinopolitanum reprehendens, quod vellet solos Venetos in Constantinopolitanis Ecclesiis collocare; *Nec attendens*, inquit, *quod in omni gente, quæ facit justitiam, acceptus est Deo; nec Sanctuarium Dei convenit jure hæreditario possideri*. Hujus vim canonis ut elevet Anonymus, ad canones intelligendos, historiæ, & politioris literaturæ necessitatem graviter exaggerat. Ait, igitur, editam ab Innocentio regulam illam, cum Constantinopolitani essent schismatici, ut cognitione illorum temporum constare putat; atque adeo non posse aliter locum habere in admittendis alienigenis, quàm si omnes indigenæ schismatici sint. Numquid igitur nos etiam, inquit, schismatici sumus?

Sed regula per Innocentium tradita universalis est, nec ullis rerum adjunctis definita. Nam quod Sanctuarium Dei non debeat jure hæreditario possideri, semper, & ubique ob-  
tinet. Ergo si hæreditario jure Sanctuarium Dei possidetur ex sententia Innocentii, cum certum genus hominum ad beneficia admittitur, nunquam, & nusquam certo hominum generi addicenda sunt beneficia. Præterea si vim legis metiri liceret ex ea occasione, quæ lata est, vix ulla erit lex universalis: nam fere

omne decretale Innocentii III. cap. *Ad decorem* 3. *De instit.* Sicut nostris auribus est suggestum, Constantinopolitanus Patriarcha, aliarum nationum clericos spernens, Venetos tantum in Constantinopolitanis Ecclesiis satagit collocare; nec attendens, quod in omni gente, quæ facit justitiam, acceptus est Deo; nec Sanctuarium Dei convenit jure hæreditario possideri. Quocirca mandamus, quatenus moneatis eundem, ut viros literatos, & aliâ idoneos, undecunque originem duxerint, in prædictis Ecclesiis, & maxime in majori, instituere non postponat. Qui autem ejus temporis historiam noverit, intelligit, nullum inde contra nostram sententiam peti posse argumentum. Nam Constantinopoli à Latinis subacta, & Latino Patriarcha constituto, alter Constantinopolitanus Patriarcha Nicææ sedebat, cui parebant omnes Græci in schismate

obdurati. Quoniam igitur conferri non poterant beneficia, Græcis obstinatis in schismate, nefas esse duxit Innocentius, ut solis Venetis conferrentur, sed præcepit, ut saltem tribuerentur latinis ex omni natione. Numquid igitur etiam nos schismatici sumus, ut propterea debeant exteri nostra beneficia invadere?

nes ex particulari aliquo eventu natæ sunt, auctoritatem tamen habent latissimè patentem, & universalem. Ita quintus canon Nicænus præcepit, ut hi, qui ab Episcopis suis abjiciuntur, ab aliis non recipiantur, per occasionem Arii recepti ab Eusebio Nicomediensi, cum fuisset ab Alexandro communione multatus. Neque tamen excommunicati, contra eum canonem rite excipient cum Anonymo, neque recipi ab aliis jure contendunt, dicentes, Numquid etiam nos hæreses in Ecclesiam inveximus? Numquid Arianæ perfidiæ auctores sumus?

Sed quibus paulo ante oculorum usum permiserat Anonymus, nescio, quo pacto oculis captos credere potuerit, cum hæc depenu sua promeret. Nam Græcos Constantinopolitanos, & omnes ejus nationis tunc in schismate obduruisse, cum ab Innocentio scripta est epistola illa decretalis, tam falsum est, quam quod falsissimum. Illa enim data est anno 1206. ut apud Raynald. num. 2. non vero (quanquam, & hoc non magni referat) anno 1212. ut scribit Anonymus; etenim Venetus ille Patriarcha Thomas Maurocenus jam fatis concesserat anno 1211. ut apud eundem num. 24. Tunc autem Græci, qui Constantinopoli, & sub ditione latini Principis erant,

erant; ad Romanam communionem redierant; is enim nullum Romanæ Ecclesiæ rebellem in suo imperio patiebatur, ut apud Allatium *lib. 2. cap. 13.* schismatis autem principes Nicæam se ad Theodorum Lascarum receperant.

Ab omni igitur historiarum fide abhorret, Græcos illos fuisse schismaticos, ita ut indigenis beneficia conferri non possent. Id non ignorabat Anonymus, ac propterea ambigua structura verborum ludificare lectores conatus est; non enim est ausus affirmare, omnes Græcos in schismate perstitisse, sed Græco Patriarchæ in Nicæa urbe sedenti adhæsisse *omnes Græcos, qui præfracte in schismate permanserant*; & rursus: *non potuisse beneficia conferri Græcis, qui obstinati perdurabant in schismate*. Sed agamus, quæso, bona fide. Adhæsisse schismatico Patriarchæ eos omnes Græcos, qui obduruerant in schismate, atque adeo non potuisse illis beneficia conferri, non inficior. At obduruisse in eo schismate omnes Græcos, vix utroque lumine captus affirmet, quique monumenta illius temporis nec salutavit.

(40) Alteram quoque ad canonem Innocentii adjecit exceptionem, ut Clericos, præsertim Romæ degentes, excluderet; Vo-

catos

(40)

Præterea decretalis loquitur de latinis Clericis, non qui residerent otiosi in patria sua, sed qui ad ministerium Græcis Ecclesiis exhibendū transirent.

catos quidem ad Græcas Ecclesias Clericos Latinos, non qui in sua patria, aut Romæ otiosi federent, sed qui se ad eas conferrent, eoque pacto è latinis Clericis evaderent Clerici Græcarum Ecclesiarum. Obliviosissimus mortalium sit, oportet, Anonymus, qui cum intra paucas horas libellum suum continenter commentaretur, & exararet, hic non meminerit, quæ paulo superius definivit; iisdem scilicet Patrum ducretis prohibitum esse Clericis extraneis obtinere beneficia, quibus interdictus est transitus Clericorum ad alias Ecclesias; ut proinde æque abhorreat à canonica sua disciplina, Clericum adscribi in alienam Ecclesiam, ac adrepere Clericum alienigenam ad beneficia. Quo igitur jure permittit, imò præcipit, ut Clerici extranei ad alienas Ecclesias transeant, ne videatur licere Clericis alienigenis beneficia obtinere?

(41)

Alterum argumentum est, quod Canones excludentes à beneficiis extraneos intelligi non possint de Clericis Romanis, & præsertim Cardinalibus, qui sunt Clerici totius orbis terrarum. Si autem id verum sit, quo jure damnavi potuisset Anastasius Cardinalis in-

Cen-

(41) Alterum sibi objicit Anonymus ex eo quod Clerici Romanæ Ecclesiæ, & præsertim Cardinales, sint Clerici totius orbis terrarum. Quam in rem ludibundus insultat cæcis, ut ait, & rudibus incultæ Theologiæ temporibus. Non se putare ait, futurum, ut Romana Aula in hoc ævo bonarum artium iis præsidiis sese communiat, quibus in ipsa sequioris ævi barbarie vix se tutam præstare

po-



potuit. Sed videamus, an ipse Anonymus cum tanta literarum, & doctrinarum supellectile, & cum nova sua Theologandi methodo, satis intelligat ea, quæ vel rudibus illis sæculis, grassante barbarie, perspicua fuerunt.

Concilio Romano?  
Versatus enim fuisset  
in propria Diœcesi,  
etiam cum degeret  
Aquilæ, quippe qui  
Clericus esset totius  
orbis terrarum.

Cardinales esse Clericos Romanæ Ecclesiæ, quæ est Mater, & Magistra omnium Ecclesiarum, & eorum consilio apud Sanctissimum Romanum Pontificem Universalis Ecclesiæ administrationem niti; ac proinde omnium Ecclesiarum administrationem gerere in amplissimo Papæ senatu, negare nemo potest, nisi barbarus, & peregrinus à Tridentina fide. Contra verò, Cardinales esse Clericos omnium Ecclesiarum, & ad exercenda in illis munera clericalia singularum titulis adscriptos, atque earum Episcopis subiectos, quo pacto Clerici alii in suis Ecclesiis ordinati sunt, nulla barbaries somniavit. Proinde non poterat impunè ab Ecclesia Romana abesse invito Pontifice Anastasius Cardinalis, qui titulo S. Marcelli affixus erat, quique in Romano Senatu apud Sanctissimum Pontificem gerere curam pro se debebat omnium Ecclesiarum. Ea igitur ipsa ratione, quod universali Ecclesiæ sollicitudinem, & consilium impendere deberet, jure damnatus est à Leone IV. eo

L

quod

quod à suo cardine procul ageret. Utrum autem Cardinales à titulis beneficiorum suorum, quæ simplicia dicuntur, discedere possint, ut Ecclesiæ universali apud Summum Pontificem deserviant, vel barbari judicent; nam Anonymum interiores literæ, & exquisitior eruditio rebus obviis, & vulgaribus fortasse minus idoneum fecerunt; itaut diceret, non sufficere præstitum universali Ecclesiæ ministerium, sed iis Ecclesiis esse serviendum, unde percipiuntur fructus; cum tamen ipse fateatur, servitium universali Ecclesiæ impensum vix divelli posse à commodis singularum Ecclesiarum. Eo igitur sensu Cardinales omnibus Ecclesiis allaborant, ut quarumcunque fructibus sustentari mereantur; non ita tamen omnium Ecclesiarum Clerici sunt, ut à titulo suo, & cardine Romanæ Ecclesiæ, injussu Pontificis abire possint.

(42)  
Si Clerici, qui Romæ versantur omnibus, atque adeo suis etiā ecclesiis deservirent, non essent ullo pacto reprehendendi, quod ecclesias suas relinquerent. At Bernardus lib. 4. de confid. cap. 4. eos ad ambientium gregem rejicit: *Alius pro alio;*  
*alius*

(42) Hanc Romanorum Clericorum sollicitudinem omnibus Ecclesiis intentam agnoscit Bernardus eo ipso loco, ex quo Anonymus verba illa descripsit ad invidiam Romanæ Curiae. Agens enim cum Eugenio suo, qua cura, & studio illos deligere oporteat: *Veniamus, inquit, ad Collaterales, & coadjutores tuos.... Non inconsideratè, ut vides, eligendi quique, aut colligendi sunt in opus mini-*

ministerii hujus. Tuum est undecunque evocare, & asciscere Tibi, exemplo Moysi, senes, non juvenes; sed senes, non tam etate, quàm moribus, quia Tu nosti, quia senes populi sunt. Annon eligendi de toto orbe ORBEM JUDICATURI? Sane huic negotio non se ingerat rogans. Consilio, non prece agendum est. Clericos igitur de toto orbe in opus ministerii à Summo Pontifice evocatos non reprehendit Bernardus, nec damnat Curiam frequentantes, qui de Curia sunt, hoc est, in Curiae muneribus versantur; immo eos fatetur totius Ecclesiae curam gerere, & orbem judicare. Ergo docet Bernardus, ex omnibus Dioccesibus posse Clericos sine piaculo Romanam commeari, non quidem ambitione ductos (nam nihil est, vel sanctum, ac religiosum, quod gerere ex ambitu liceat), sed ad ministerium Ecclesiae universalis vocatos; proindeque Clericos Romanos toti orbi, & omnibus Dioccesibus deservire. Clericos verò, qui de Curia non sunt, quis Clericos totius orbis appellavit? Quæ isthæc disputandi ratio est: Clerici, qui de Curia non sunt, Curiam frequentantes, ad ambientium genus pertinent; Ergo Romani Clerici non deserviunt Ecclesiae universali, & omnibus Dioccesibus?

alius forte; & pro se rogat. Pro qua rogaris, sit suspectus; qui ipse rogat pro se. J. M. JUDICATUS EST. Nec inter est, per se, an per alios, quis roget. Clericum Curiam frequentantem, qui non sit de Curia, AD IDEM noris pertinere ambientium genus.

(43)

Luculentior est autē  
factorum doctrina,  
quam verborum. .  
Ad concilia genera-  
lia extra Romanum  
Patriarchatum, Ro-  
manus Pōtīfex Cle-  
ricum quempiam  
suo nomine legabat;  
Episcopi etiam oc-  
cidentales aliquot ex  
suo numero, qui sen-  
tentiā exponeret Ec-  
clesiæ occidentalis,  
mittebant. Cur au-  
tem has partes nun-  
quā Romanis Cle-  
ricis datas legimus,  
qui eas præ cæteris,  
si Clerici omnium  
Ecclesiarum essent,  
decentius obijissent?  
Quid igitur? nisi ut  
dicamus, nunquam  
hunc verborum lu-  
dum, quo Clerici  
omnium Ecclesiarū  
dicuntur Clerici Ro-  
mani, antiquis nostris  
Patribus subijisse.

(43)

Eo præterea negat Anonymus, Cle-  
ricos Romanos esse Clericos omnium Eccle-  
siarum, quia nunquam in Conciliis Genarali-  
bus extra Romanum Patriarchatum pro Ec-  
clesia Occidentali legati sunt; decuisset autem  
ipsoſ præ cæteris obire legationem pro Episco-  
pis Occidentalibus, si habiti fuissent ab anti-  
quis Patribus pro Clericis totius orbis terra-  
rum.

Sed Ecclesia Occidentalis non alios ha-  
buit legatos in Conciliis Orientalibus præter  
legatos Summi Pontificis. Ita in Nicæno  
Osius Cordubensis, & Vincentius, ac Vitus  
Romanæ Ecclesiæ Presbyteri Pontificis legati  
præfederunt, & primi omnium subscripserunt,  
nec alii ab Occidentali Ecclesia legati sunt.  
In Ephesino Archadius, & Projectus Episco-  
pi, ac Philippus Romanus Presbyter, Cœle-  
stini vices suppleverunt, iidemque fuerunt  
Occidentalis Synodi, & Ecclesiæ legati; ut  
ex relatione Concilii ad Imperatorem post  
Act. 3. *Misit has literas per Archadium, &  
Projectum Sanctissimos Episcopos, & Philip-  
pum religiosissimum Presbyterum Magnæ Ro-  
mæ, qui Cœlestini Sanctissimi, Deoque dile-  
ctissimi Episcopi præsentiam suppleant. Quia  
verò viri isti, qui venerunt, totius Occiden-  
talis Sanctæ Synodi sententiam nostræ huic  
Synodo*

*Synodo per literas exposuerunt, sensumque de fide, & pietate nobis consonum declararunt, & eadem, quæ nos, decreverunt, &c.* Ita quoque in Chalcedonensi Papæ Leonis legati fuere Paschasinus, & Lucentius Episcopi, & Bonifacius Presbyter Romanæ Ecclesiæ, præter quos nullos legimus Occidentis legatos. Habet igitur Anonymus passim legatos pro Occidentali Ecclesia Clericos Romanos. An verò de singulis, & particularibus Occidentis Ecclesiis urget argumentum? At hæ quidem nunquam legarunt suo nomine Clericos Romanos, quia non sunt constituti in cardine singularum Ecclesiarum. Immo hoc ipso non decebat, ut particularium Ecclesiarum vices sustinerent Clerici Romani, quia omnibus Ecclesiis in commune consulere deberent. Et sanè imminuta potius videretur amplitudo, & universitas Romanorum Clericorum, si pro uno aliquo particulari Episcopo interfuisent Conciliis.

(44) Alia ratione urget Anonymus Romanos Clericos, petita à conditione Ecclesiæ, & Episcopi, cujus sunt Clerici. Si enim jure dici possent Clerici totius orbis, etiam Romanus Episcopus appellandus esset Episcopus universalis; id autem blasphemix loco habet, fretus auctoritate Gregorii M. Ipse Anonymus

(44) Præterea cum eadē sit Clericorum, & Episcoporum conditio, quæ est suæ Ecclesiæ, si Clerici Romani essent Clerici omnium Ecclesiarum, etiam Episcopus omnium Ecclesiarum Romanus Pontifex esse

esse deberet ; quod falsissimum ostendit antiquitas, inmo horrenda blasphemia est, si fides habeatur Gregorio M. qui Joannem Jejunatorem Episcopum Constantinopolitanum, graviter objurgavit, quod se universalem Episcopum vocaret ; eumque titulum sibi delatum respuit ad Eulogium Alexandrinum lib. 7. ind. 1. ep. 30. .... Sed absit à cordibus Christianorum nomen istud blasphemia, in quo omnium Sacerdotum honor adimitur, dum ab uno sibi dementer arrogatur, &c.

mus viderit, qua spe, fiduciaque congregari vo-  
luerit tam iniquo loco ; atque huc referre summam totius causæ, ut beneficia exteris rite conferantur, & præsertim Romanis Clericis, si Romanus Pontifex merito nuncupatur Episcopus universalis. Profecto eas in angustias sciens, prudensque, se conjecit, ut nunquam ab adversariis in majores redigi potuisset: adeo ut, absque loquendi acerbitate fuisset, dubitari non immerito potuerit, an fortasse composito causam Romanæ Curie agere voluerit, inducta adversarii persona ; ita nimirum sola illa argumenta versat, & ἀναίρεσις ἀναίρεσις ingerit, quibus nulla sibi metuere posset infestiora.

Jam vero titulus Episcopi Universalis, quo sensu repudiatur à Gregorio, nihil officit Romanis Clericis, quo minus recte dicantur pro officio sui Clericatus transigere negotia totius orbis ; quo vero sensu ab omni Ecclesia usurpatur, Anonymi sententiam proruit. Nam quod Romanus Episcopus, sicut Romanæ Ecclesiæ, ita etiam aliarum sit Episcopus Cardinalis, & Titularis ; atque eo jure cunctas Ecclesias administret, quo plerique Pontifices regendas retinuerunt quasdam Ecclesias, etiâ postquam ad Pontificale fastigium evecti sunt, ut Leo IX. Tullensem, Alexander II. Lucensem,

fem, & Neapolitanam aliquamdiu Paulus IV. & nuper Innocentius XII. nunquam nobis sine laude memorandus; in quibus Ecclesiis non alium Episcopum suffecerunt, sed solos Vicarios; hoc, inquam, sensu, Papam esse universalem Episcopum, negat Cardinalis Cusanus, negat Gregorius, negant Pontifices, negat Ecclesia; id enim *sine aliorum imminutione* fieri non posset. Neque ad alium sensum spectant verba Gregorii: *Si enim universalem me Papam vestra Sanctitas dicit, negat se hoc esse, quod me fatetur universum*. Esto igitur eadem conditio Clericorum Romanorum: neque ipsi dicantur Clerici universales omnium Ecclesiarum eo jure, quo Clerici singuli Ecclesiis mancipati, & ut Gregorius loquitur, incardinati.

Quo autem sensu universalis Episcopus ab Ecclesia dicatur Papa, audiat Anonymus ab Ecclesia ipsa Gallicana, quam crebris sermonibus advocare non dubitat in patrocini-um suum, de cujus fide testimonium perhibet eximius, non Curix, sed Sorbonæ Theologus Natalis Alexander, qui dissert. 4. in hist. Eccl. sæculi XV. & XVI. in proleg. num. 1. *Gallicana Ecclesia*, inquit, *et quotquot in Galliis sunt Academiæ, dogma fidei esse censent, quod Romanus Episcopus unus sit jure*.  
 Divi-

*Divino Summus in Ecclesia Pontifex ; cui omnes Christiani parere tenentur ; & qui immediate à Christo non honoris solum , aut dignitatis , sed & potestatis , & jurisdictionis Primatum habeat . Ad universalis etiam Ecclesiæ disciplinam pertinere profitentur , ut majores Ecclesiæ causæ ad Sedem Apostolicam referantur , ut in fidei , ac dubiæ discipline causis consulatur illud Christianæ religionis oraculum ; Ut ad honorandam S. Petri memoriam Appellationes ex toto orbe Christiano ad Romanum Pontificem fieri possint , secundum canones ; ut ipsos canones temperare possit , eorum executionem in omnibus Ecclesiis urgere , promovere ; eorumque infractores , cujuscunque sint ordinis , & dignitatis , pœnis canonicis coercere ; ut casus sibi reservare , Indulgentias concedere , leges ad Ecclesiæ ædificationem condere valeat .*

Petrus de Marca, cui longe magis Anonymus in libello suo addictus est , quàm ille fuerit juribus Apostolicæ Sedis ; quique nullius gratiæ , aut adulationis suspectus esse potest , ut idem ipse loquitur , dum usurpat pro Romana Sede testimonium Patrum Africanorum lib. 1. cap. 2. num. 4. cum eandem fidem Gallicanam multis testibus confirmasset , num. 7. ejusdem cap. ita concludit : *Sane duplici nomi-*



nomine ad retinendam cum Ecclesia Romana communionem Galli obligantur, quia in Romana Sede, tum Universalis Ecclesiae Caput, tum Occidentalis Ecclesiae Patriarchatum suspiciunt. Constat enim illos æque, ac Concilium Aquilejense (cui præerat Ambrosius) totius orbis Romani Caput Romanam Ecclesiam agnoscere, unde in omnes venerandæ communionis jura dimanant. Adeo ut à Concilii Chalcedonenfis societate alienos se esse putarent, nisi juxta sexcentorum illorum Patrum sententiam, non solum SINGULARUM ECCLESIARUM, sed etiam UNIVERSALIS ECCLESIAE CAPUT Romanum Pontificem profiterentur.

Consonat in hac confessione omnis Ecclesia, quæ Privilegium, ac Primatum Romanæ Sedis à Christo concessum, atque fundatum semper agnovit. Hinc Petrus Damianus opusculo 5. exorto murmure in populo Mediolanensi. Non debere Ambrosianam Ecclesiam Romanis legibus subjacere, nullumque judicandi, vel disponendi jus Romano Pontifici in illa Sede competere, his verbis turbas sedavit, & repressit voces, quas Anonymus renovavit, atque regessit: Non ergo qualibet terrena sententia, sed illud verbum, quo constructum est cælum, & terra; per quod denique

*que omnia condita sunt elementa, Romanam fundavit Ecclesiam. Illius certè Privilegio fungitur, illius auctoritate fulcitur. Unde non dubium, quia quisquis cuilibet Ecclesiæ jus suum detrahit, injustitiam facit; qui autem Romanæ Ecclesiæ Privilegium ab ipso summo omnium Ecclesiarum Capite traditum, auferre conatur, hic proculdubio in hæresim labitur; & cum ille notetur injustus, hic est dicendus hæreticus. Fidem quippe violat, qui adversus illam agit, quæ Mater est fidei; & illi contumax invenitur, qui eam cunctis Ecclesiis prætulisse cognoscitur.*

Contra hoc fidei dogma de Primatu Summi Pontificis multifariam peccat Anonymus I. cum universalem curam omnium Ecclesiarum, quam gerere debet Summus Pontifex, revocat ad amplitudinem, non jurisdictionis, sed charitatis. II. Cum negat eam ad officium Summi Pontificis pertinere. III. Cum exæquat auctoritatem Romani Pontificis in alias Ecclesias cum Episcopo Lavellensi, immo cum quolibet etiam laico, cum lege charitatis unicuique mandatum sit de proximo suo. IV. Cum nulla seu Divina, seu Canonica constitutione permissam esse curam rerum nostrarum Romanæ Ecclesiæ affirmat. V. Cum amplissimam Pontificis jurisdictionem appellat vulgato

gato nomine *Usurpationem*; ita ut ejus consuetudinem, & usum, tanquam propriam turpitudinem allegare non possit Romana Curia. VI. Cum pro debita Romanæ Sedi reverentia, valere illam, suasque secum res habere jubet, si aliter non possit nostris se rebus immiscere, nisi nostra beneficia capiendo. VII. Cum mauult, iis legibus nos vivere, quibus vixisse ait, tot sæcula, antequam Romana Ecclesia hanc novam sibi curam assumeret. VIII. Cum contra Pontificiæ jurisdictionis antiquitatem illud ex Evangelio usurpat, quod Novatores pro tessera adhibere consueverunt: *Ab initio autem non fuit sic.*

Certè sic fuit ab initio I. ut Romanus Pontifex particulares Ecclesias, earumque Episcopos à regula fidei, vel disciplinæ deficientes coërceret; quam potestatem Victor I. in Asiaticas Ecclesias exercuit, ut narrat Eusebius *lib. 5. histor. cap. 24.* Neque unquam Irenæus, & Catholici illi, quibus asperior visa est sententia Victoris, defectum potestatis, & jurisdictionis objecerunt. Eadem auctoritate coactus est Dionysius Alexandrinus apud Dionysium Papam fidei suæ rationem reddere: II. ut ad se delatas ex singulis Ecclesiis fidei, & morum controversias suo jure dirimeret. Eapropter Irenæus ab Episcopis Galliæ

Romam missus est, teste Hieronymo, & Polycarpus Apostolis proximus, imo Joannis discipulus ad Anicetum contendit, teste Eusebio *lib. 1. cap. 14. III.* ut ab omnibus Ecclesiis appellationes exciperet. Quo jure restituti sunt à Julio I. Athanasius, Paulus Constantinopolitanus, Marcellus Ancyranus, & alii ante Synodum Sardicensem, cujus canoni appellationes hujusmodi occasionem præbuerunt confirmandi summam illam Pontificis jurisdictionem; *quam cuncta per mundum novit Ecclesia*, inquit Gelasius epist. 13. *quoniam quorumlibet ligata sententiis Pontificum, Sedes B. Petri Apostoli jus habeat resolvendi, utpote quæ de omni Ecclesia fas habeat judicandi.* Hunc eundem totius Ecclesiæ sensum expressit S. Irenæus lib. 3. cap. 3. cum ait: *Ad Romanam Ecclesiam propter principaliorem potestatem necesse est omnem convenire Ecclesiam.* Non charitatis amplitudinem, sed potestatem agnovit Sanctissimus Martyr; neque æqualem Episcopis minimarum Sedium, sed cunctis principaliorem; non precario quæsitam, sed necesse; neque occidentales solum, sed omnem Ecclesiam. Ab initio igitur, & tribus illis, ut ait Anonymus, beatis sæculis, curam habuit omnium Ecclesiarum Summus Pontifex jure suo; neque unquam viximus à paterna illa,

Apo-

Apostolicæ Sedis sollicitudine avulsi.

(45) Universalem etiam Pontificii Primatus jurisdictionem explicat, & confirmat titulus Episcopi *Catholicæ Ecclesiæ*. Catholica enim Ecclesia, non pro particulari aliqua hic accipitur, quæ ad Catholicam pertineat, veluti cum Constantinus Imperator ad Africæ Proconsulem, Carthaginensem Ecclesiam appellat, *Ecclesiam Catholicam*, cui *Cæcilianus præest*; sed pro ea, quæ sub se contineat universas; ut loquitur Innocentius III. in disputatione cum Joanne Patriarcha Constantinopolitano. Aliter igitur particulares, aliter Romana Ecclesia *Catholica* nuncupatur. In illis enim definitur, in hac nec Episcopatus, nec Ecclesia ullis finibus circumscribitur. Quod etiam expresse Pontifices, cum se absolute *Episcopos* inscripserunt; quam nominis vim agnovit Marcus Antonius de Dominis; licet perperam negaverit antiquitatem. Ita certe Liberius epistolæ inscribebat: *Liberius Episcopus*. Titulus igitur *Episcopi universalis*, quo amplitudo jurisdictionis, & Primatus Romani Pontificis explicatur, non modo nullam blasphemiam, sed fidei dogma continet; eoque merito salutati sunt Leo in Chalcedonensi, Agatho in sexta Synodo, Adrianus II. in octava, & ipse ab Eulogio Gregorius; qui non potest-

(45)

Titulus autem, quo Papa dicitur *Catholica Ecclesiæ Episcopus*, etiam Episcopis parvarum Ecclesiarum communis est, nec aliud significat, quam quod sit unus aliquis Episcopus Ecclesiæ Catholicæ, sive universalis, in qua unus Episcopatus à multis Episcopis geritur: *Et si multi pastores sumus, unum tamen gregem pascimus*, inquit Cyprianus epist. 66.

testatem eo expressam, sed verbi factum aver-  
fatus est.

Porro in designandis beatorum sæculo-  
rum finibus parciolem se nobis præbet Ano-  
nymus, quam fuerint hæretici ipsi. Nam  
Adamus Scherzerus in Anti-Bell. disp. 4. agno-  
scit incorruptam Romanam Ecclesiam usque  
ad ætatem Nazianzeni. Eodem recidit sensus  
Heideggeri lib. 3. de Sacram. cap. 1. qui fate-  
tur, usque ad ætatem Ambrosii Romanam  
Ecclesiam fuisse typum Ecclesiæ Christianæ,  
hoc est, usque ad sæculum quintum. Bullin-  
gerus adversus Brentium part. 1. lib. 7. affir-  
mat, sanctam fuisse, & orthodoxam Christi  
ab ipsis Apostolorum temporibus Ecclesiam  
*per integra secula sex, & multo plura*. Im-  
merito igitur Anonymus beatitudinem, hoc  
est, integritatem Ecclesiasticæ disciplinæ intra  
angustos trium sæculorum limites contulit; ut  
proinde exempla Pontificiæ jurisdictionis, &  
Primatus, ultra illos fines edita, videantur  
ableganda ad usurpationem, & tyrannidem,  
non sine turpitudinis nota, ut loquitur, com-  
memorandam. Hæreticos igitur habemus in  
Romanam Ecclesiam indulgentiores, quam sit  
hac in re Anonymus.

(46) Schismaticos etiam, & eorum ante-  
signanos longe superat libellus Anonymi.  
Nam

(46)  
Sed quoniam sub in-  
fucto vocabulo sen-  
sus

Nam Græci infandi schismatis pertinaces, eo progressi sunt, ut affirmarent, Papam cæteris Patriarchis æqualem habere potestatem; neque vero in ea minuenda ulterius processerunt. Unde cum retulisset Christianus Lupus in dict. 20. Gregorii VII. in Romana Synodo, quosdam ex Græcis affirmantes, *omnes Episcopos, præsertim Metropolitans, esse ex divino jure æquales*, addidit: *Quod figmentum etiam cuncti schismaticorum meliores detestantur*. At longe ulterius prolapsus est Anonymus, qui jurisdictionem Summi Pontificis æqualem fecit potestati Episcopi Lavellensis; & sollicitudinem, qua salutem, & disciplinam aliarum Ecclesiarum promoveri debet, cœquavit charitati quorumlibet laicorum: Qui curam Neapolitanarum Ecclesiarum negavit pertinere ad officium Summi Pontificis; quo illi non solum ademit Primatum totius Ecclesiæ, sed etiam jura Metropolitana, & Patriarchalia per totam Italiam, & Occidentem. Quæ quidem ipsi Græcorum schismaticorum signiferi conati sunt, vindicare Romano Pontifici, ut contentus finibus illis, æquo jure cum reliquis Patriarchis uteretur, ut Zonaras, & Theodorus Balsamon ad can. 6. Nicænum.

Ergo Anonymus, ut ab hæretica, & schismatica labe se purget, fateri debet, Ro-

ma-

sus minime parvus contineri potest, titulus Episcopi universalis non est tanta asperitate reprehendendus, ut sit ab hostibus Romani nominis. Sensus autem minime pravus erit, si eo titulo non dicatur Episcopus omnium particularum Ecclesiarum, sed tantum Episcopus, qui amplitudine suæ charitatis excubet pro salute totius Ecclesiæ universalis, quod est necessarium officium cujuscunque Episcopi, & præcipue primarum Sedium, Si vero Papa omnium Ecclesiarum Episcopus, & Clerici Romani omnium Ecclesiarum Clerici dicantur eo, quod Ecclesiæ universali, & omnibus particulis deserviant, falsum est, si hoc ad proprium Papæ, & Romanorum Clericorum officium pertinere quis putet. Si autem eo sensus pertineat, ut Romanus Pontifex, ejusque Clerici, salutem omnium Ecclesiarum

pro

pro virili curare debeant, hoc ad omnes spectat Ecclesias, imo ad singulos, Christianos quoniam mandavit illis unicuique de proximo suo, eccle. 17.12, itaque eo jure Romani nostra beneficia obtinere poterunt, quo Gallica beneficia Clerici Lavellenses.

manum Pontificem Neapolitanæ Ecclesiæ negotiis curam suam impendere debere ex iuncto sibi munere, tum Metropolitico, & Patriarchali, quo Italiam cum adjacentibus insulis, totumque Occidentem orbem administrat, tum etiam Papali, quo reliquos etiam Patriarchas pascit, & confirmat. Ac propterea Cardinales, jure sui Episcopi, ut ipse disputat, & conditione suæ Ecclesiæ, curam, & operam collocant pro Ecclesiis totius orbis, præsertim vero Occidentalibus, & Neapolitanis; & pro sui clericatus officio invigilant gregibus omnium Episcoporum, pro cunctis Ecclesiis militant, colendisque earum vineis laborant; ut proinde illarum fructu, lacte, ac stipendiis alendi sint, argumento Pauli 1. ad Corinth. cap.9.

Et quidem sive divino; sive humano jure, sive ab initio, sive à quarto sæculo, Romana Ecclesia dicatur intendere causis, & disciplinæ Neapolitanæ; sive præscriptione, sive canonum auctoritate eam jurisdictionem in Ecclesias particulares adepta sit, si illa tamen agnoscitur legitima, & jam longo sæculorum curriculo à Sanctissimis Pontificibus jure exercita; legitimo etiam jure Cardinales dicentur Clerici totius orbis. Ac propterea exploratum est ex his, quæ habet Anonymus, bene-



beneficia extranea Romanis Clericis rite conferri posse, si Romani hactenus Pontifices non fuerunt Tyranni, qui potestatem nullo jure sibi delatam invaserint.

Immeritò igitur in vindictis opusculi sui queritur Anonymus, Pontificiæ se majestatis postulari, cum de ea non catholicè modo sentiat, sed ita fuerit passim locutus, ut ipsi Romanæ magnitudinis studiosissimi Scriptores. Sed Romanæ magnitudinis studiosum, qui æquata jura inter Romanam, & Lavellensem Ecclesiam, nec non arreptam ab illa, & occupatam, nulla Dei, vel canonum auctoritate, jurisdictionem in alias Ecclesias, affirmaverit, inveniet profecto neminem. Quid autem, quod vis veritatis voces interdum ab eo Apostolica Sede non indignas expresserit? Nunquid hæreticos, & schismaticos, quos sensimus Anonymo sæpe mitiores, studiosissimos Romanæ magnitudinis habebimus? Aut nunquam desipuit, qui non semper deliravit?

Πολλάκι θεὸς καὶ μετὰ ἀνθρώπων καὶ αἰρίων εἶπεν.

(47) Jam olim Lutherani, cæterique Novatores, ad abolendas Romanas appellationes, eos SS. Patrum locos excerpserant, ex quibus Anonymus consuit appendicem disputationis suæ, hoc est, supremum improvidæ loquacitatis corollarium. Cyprianum ipse, Siricium,

(47) Enimvero Cyprianus epist. 45. ad Cornelium Papam, cum illum laudaret, quod Presbyteros in Africa ejectos non recepisset, illos nec debuisse aut, nec potuit.

N

& Xy-

tuisse à Cornelio recipi, eo quod unusquisque Episcopus curam diocesis suæ gerere debeat, neque se aliarum rebus immiscere: *Cum statutum sit omnibus nobis, & æquum sit pariter, ac justum, ut uniuscujusque causa, illic audiatur, ubi est crimen admissum; & singulis pastoribus portio gregis sit adscripta, quam regat unusquisque, & gubernet, rationem sui actus Domino redditurus; oportet utique, eos, quibus præsumus, non circumcursare, nec Episcoporum concordiam coharentem suam subdola, & fallaci temeritate collidere.*

& Xystum III. ex omnibus selegit, ex quorum testimoniis liquida Romani Primatus jura eliciemus.

Quod attinet ad Cyprianum, constat, cautum fuisse antiqua Africanæ Ecclesiæ consuetudine, & lege, ne Clerici ad transmarina judicia, seu ad Apostolicam Sedem appellerent, quæ lex his postea verbis concepta est Canone 22. Milevitano: *Placuit, ut Presbyteri, Diaconi, vel ceteri inferiores Clerici in causis, quas habuerint, si de judiciis Episcoporum suorum quæsti fuerint, vicini Episcopi eos audiant, & inter eos, quidquid est, definiant, adhibiti ab eis ex consensu Episcoporum suorum. Quod si & ab eis provocandum putaverint, non provocent, nisi ad Africana Concilia, vel ad Primates provinciarum suarum. Ad transmarina autem qui putaverit appellandum, à nullo intra Africam in communionem suscipiatur.* Hoc statutum memorat Cyprianus loco cit. *Cum statutum sit omnibus nobis.* Quo loco ostendit I. Cyprianus illud esse proprium Africanæ Ecclesiæ: *Omnibus nobis.* II. Frequentissimas, & sine more fuisse inferiorum Clericorum appellationes primis temporibus Africanæ Ecclesiæ, qui consueverant circumcursare, & trans mare provocare, ad eludendas suorum Episcoporum sententias; nimi-

nimirum necesse fuit ; ut exundans illa appellationum consuetudo objectis aggeribus coërceretur . III. Solis inferioribus Clericis , hoc est , sub Episcopo constitutis , atque ad portionem gregis , singulis Pastoribus attributam pertinentibus , non verò ipsis Pastoribus , esse interdictas Romanas appellationes Africano statuto , & consuetudine ; cui tamen in manus Gregorii M. cesserunt jam olim Episcopi Africani , ut refert Lupus ad can. 14. Sardicensem ; ut proinde jam ab undecim sæculis etiam Clericorum inferiorum appellationes hoc jure legitimæ sint . IV. Non defuisse Romano Pontifici jurisdictionem , sed consultum oportere dolis , & offuciis eorum , qui illi obrepere , & judicia suorum Episcoporum subvertere moliebantur . *Oportet utique eos , quibus præsumus , non circumcursare , nec Episcoporum concordiam cohærentem sua subdola , & fallaci temeritate collidere .* Si nulla potestate legitima potuisset Pápa retractare Africana judicia , quid profuisset subdola temeritas Clericis ejectis , damnatisque ? Aut quid per totam Africam Clerici effugium ad Romanam Sedem sibi patere credidissent ? V. Africanum statutum non necessitati , sed æquitati esse subnixum , ac spectare ad modum potius exercendi judicii in loco delicti : *Æquum sit pari-*

ter, ac justum; ut uniuscujusque causam illie audiat, ubi est crimen admissum. Nisi malimus intelligere Cyprianum agentem de prima criminalis judicii instantia, secundum eundem Lupum ad dictatum I 6. Gregorii VII. in Concilio Romano. VI. Non pulsari jus appellationis ratione proposita verbis illis: *Singulis pastoribus portio gregis sit adscripta, quam regat unusquisque, & gubernet, rationem sui actus Domino redditurus.* Nam certè ea verba non excludunt jurisdictionem Primatis, ad quem ex statuto, & Canone Milevitano poterant Clerici provocare, & cui proinde rationem reddere unusquisque Episcopus debebat; ergo non negat Cyprianus jurisdictionem Romani Pontificis in Africanas Ecclesias, cum ait, Episcopum Domino redditurum actus sui rationem; præsertim cum Africanæ Ecclesiæ non solum ad Primatum, ut reliquæ omnes, sed etiam ad Patriarchatum Romanum pertinerent.

(48)

Idem docet Siricius, qui, rogatus, ut causam cujusdam Episcopi nomine Bonosi, judicaret, ita respondit, epist. inter Ambrosianas 71. *Accipi literas vestras de Bonoso Episcopo, qui-*

(48) Siricius, cujus nomine edita est ab Holstenio epistola ad Illyricianos, quæ ab aliis tribuitur Damaso, causam Bonosi Naissitani in Dacia Episcopi, quam Concilium Capuanum delegaverat Anycio Thessalonicensi, ejusque Coëpiscopis cognoscendam, ab iisdem ad se delatam repudiavit, quod non putaret ef-

sc

se retractandum sine gravi causa iudicium Capuensis Concilii. Unde Launojo; ex quo hæc promittit Anonymus, suboluerit defectus jurisdictionis in his Siricii verbis, ignoramus. Nam I. Illyriciani, ad Siricium deferentes causam Bonosi, eam jurisdictionem agnoscebant. II. Nemo fuerit adeo demens, ut putet Siricium, aut quemvis alium Romanum Pontificem, saltem post Synodum Sardicensem, si ita placet Anonymo, affirmasse, Episcoporum causas ad se deferri non posse; ac Siricium tam demisse de suo Primatu sentire, cum tamen ipsum nominatim Optatus Milevitanus suo tempore sedentem appellaverit, fontem unitatis, qua totus orbis *in una communionis societate concordat*. III. Si responsum Siricii sensum Anonymi redderet, non solum Siricius Primatum Romanæ Sedis, sed etiam jus metropoliticum abnegasset in Illyricianas Ecclesias, quo solo rite potuisset de Bonosi crimine cognoscere. Siquidem Theodorus Balsamon dux Græcanici schismatis, eam metropolitica jurisdictionem viguisse testatur, tempore Concilii Nicæni: *Romanæ autem Ecclesiæ ditioni eo tempore omnes fere Occidentis Ecclesiæ subiciebantur, Macedonia nimirum, Thessalia, Illyrici, Peloponnesi, & ejus, quæ Episcopus dicitur; ut proinde ad illum provocaciones*

*bus vel pro veritate, vel pro modestia, nostram sententiam sciscitari voluistis. Sed cum ejusmodi fuerit Concilii Capuensis iudicium, ut finitimi Bonoso, atque ejus accusatoribus iudices tribuerentur, & præcipue Macedones, qui cum Episcopo Thessalonicensi de ejus factis cognoscerent; advertimus, quod nobis judicandi forma competere non posset.*

*ex his locis referre sit consentaneum.* Porro Siricium agnovisse metropolitana jura sua ; constat ex Innocentio I. Siricii successore, qui in epist. ad Anycium Thessalonicensem testatur, Anycium ipsum fuisse à Siricio constitutum Vicarium Sedis Apostolicę per Illyricum; quod Achajam, & Macedoniam tunc complectebatur. Nunquam igitur credidit Siricius, deesse sibi jurisdictionem judicandi de Bonoso. IV. ut cum Launojo propius agamus, judicium Synodi Capuensis nihil prorsus derogavit Pontificiæ jurisdictioni, immo videtur ipse Siricius causam Bonosi delegasse in Synodo. Quid enim in Synodo illa posset Siricius, hæc verba ejus ostendunt: *Si integra esset hodie Synodus, rectè de iis, quæ comprehendit scriptorum vestrorum series; decerneremus.* In Synodo igitur Siricius decernebat. V. tantum abest, ut Siricius, repudiando causam Bonosi, derogaverit suæ auctoritati, ut potius ipse fateatur in eadem epist. derogatum iri suæ auctoritati, si causa jam à Concilio delegata, ipse decerneret; videri enim potuisset, auctoritatem judicandi à Synodo accepisse: *Vos enim totius Synodi vice decernitis; Nos, quasi ex auctoritate Synodi, judicare non convenit.* VI. Decretales Siricii epistolæ liquidum faciunt, quantus ille fuerit in exercendo primatu

matu Sedis suæ. In ea enim, quæ ad Himerium Tarraconensem data est, hæc scribit: *Pro officii nostri consideratione, non est nobis dissimulare, non est tacere libertas, quibus major cunctis Christianæ religionis zelus incumbit. Portamus onera omnium, qui gravantur. Et rursus cap. 15. Explicavimus, ut arbitror, Frater charissime, universa, quæ digesta sunt in querelam, & ad singulas causas, de quibus per filium nostrum Bassianum Presbyterum ad Romanam Ecclesiam, utpote ad Caput tui corporis, retulisti, Quod si Damasus, qui Siricio præcessit, tribuatur ea epistola ad Illyricianos, non ille minus jura sua usurpavit; nam epist. 4. ad Episcopos Numidiæ: Cuncta, inquit, quæ possunt aliquam recipere dubitationem, ad Nos, tanquam ad Caput, UT SEMPER FUIT CONSUETUDO, deferre non desinatis.*

(49) Nihil morandum in explicandis verbis Xysti III. Nam, cum decernat custodiri judicium Procli, apertè indicat, qua polleat auctoritate, & jurisdictione. Quod verò nolit injuriam facere cognitioni illius, confirmat ejus judicium fuisse justissimum, quod proinde non esset retractandum. Neque enim necesse est, ut Papa omnium Episcoporum sententias, ad se perlatas rescindat, ut Primatum tenere intelligatur.

In

(49)

His accedit Xystus; qui Proclo Constantinopolitano testatur, nolle se eas causas attingere, quæ ad illius jurisdictionem pertinerent: *Habes recentissimum, nuper habitæ actionis exemplum fratris nostri Idduæ, circa quam tuæ fraternitatis decrevimus judicium custodiri, cognitioni tuæ facere nolentes injuriam.*

Facta quoque antiquitatis ostendunt, tribus illis beatis sacculis nunquam Romanam Curiam alienis negotiis operam adiecisse. Marcioni excommunicato à Patre Episcopo, cum à Romana Ecclesia communionem peteret, responsum est, non posse per Romanam Curiam, quod gestum esset à Patre, retrahari. Fortunatum, & Felicissimum in Africa damnatos ita excepit Cornelius ut ex epist. Cypriani didicimus.

ter antiqua appellationis exempla Marcionem, & Fortunatum, ac Felicissimum, à suis Ecclesiis ejectos, opem Romani iudicii implorantes; sed eosdem ipse obtulit Anonymus, fuerat ingratis suis servire veritati. Certè pervaserat Orientis Ecclesias sententia de jure Romanarum appellationum, cum Marcion medio sæculo II. à Patre excommunicatus Romam contendit, communionem ab Ecclesiarum Matre exoraturus. Nisi enim id illis penitus infedisset, cur Romam longum iter inirent? aut cur Romanum potius, quam Nolanum, aut Puteolanum Episcopum appellarent? Responsum autem tulit Marcion, teste Epiphanio, non posse illi Romanam Ecclesiam injussu Patris sui communionem dare. Vacabat enim tum per obitum Hygini Romana Sedes; ait enim Epiphanius: *Romam post Hygini Papæ obitum se contulit*. Clerus autem Romanus *ante constitutionem Episcopi nihil innovandum* scripsit epist. 31. inter epist. Cypriani. At ab Hygini successore Eleutherio obtinuit communionem Marcion poenitentiam pollicitus, ut ex Tertulliano *cap. 30. de præscript.* Marcionis igitur appellatio illustre monumentum est Apostolici Primatus, & antiquarum appellationum:

Nihilo



Nihilo minus luculentum est factum, Fortunati, & Felicissimi, qui à Cypriano damnati, Romam cum mendaciorum suorum merce navigaverunt, inquit Cyprianus epist. 55. quos tamen à Cornelio de Ecclesia pulsos esse gratulatur. Duo potissimum fuere, quæ Sanctissimum Episcopum Cyprianum impulerunt, ut damnaret illam pervicacium Clericorum appellationem: Primum, quod indignum duceret, homines ob plurima, & gravissima crimina abstentos, ut ipse ait, spe Romanæ communionis sese lactare, nec morari; quin Romanum Clerum, & Pontificem circumvenirent. *Post ista, inquit, adhuc insuper pseudoepiscopo sibi ab hæreticis constituto, navigare audent, & ad Petri Cathedram, atque ad Ecclesiam principalem, unde unitas sacerdotalis exorta est, à schismaticis, & profanis literas ferre; nec cogitare eos esse Romanos (quorum fides, Apostolo prædicante, laudata est) ad quos perfidia habere non possit accessum.* Alterum, quod cum Fortunatus pseudoepiscopus esset, trans mare appellasset contra statutum Africanum, quo solis Episcopis appellationes transmarinæ erant permixtæ, non verò cæteris Presbyteris, & Clericis; unde ait: oportet utique eos, quibus præsumus, non circumcursare; illum videlicet adhuc sibi subje-

atum affirmans, adeoque Presbyterum suum, non verò Episcopum. Dolebat igitur, cum pro Episcopo haberi velle, cum ad Romana judicia Episcoporum more provocaret. Tanta nimirum per tria illa beata secula Ecclesiae principalis potestas erat.

(51)

Quarto primum saeculo animum induxit Osius, ut novum honorem Sedi Petri tribueret, ac statueret, ut si Episcopus damnatus Pontifice appellaret, & hic dignum putaret nova cognitione iudiciū, posset, non quidem ipse cognoscere, sed ipsis illis provincialibus Episcopis causā retractandam delegare, ita tamen; ut unum aliquem, qui illorum iudicio interesset, legare posset. De causis Presbyterorum, deque aliis controversiis verbū nullum. Novum autem illud esse privilegium docuit, cum in arbitrium Patrum id contulit: *Si videtur dilectioni vestra, Petri Apostoli memoriā honoremus.* Cæterum Ecclesia Orientalis canonem illum nunquam

(51)

Quare inter putida mendacia rejicimus, quæcumque de Sardicensi canone pronunciat. I. Opera Osi novum illum honorem appellationum fuisse Romano Pontifici tributum, & quidem his finibus circumscriptum, ut provocante Episcopo; non quidem retractaret iudiciū Papa; sed decerneret, si visum fuisset, oportere ex integro institui iudiciū ab iisdem Episcopis, quibuscum interesse liceret alium iudicem, ab eo legatum. II. De solis Episcopis tributam facultatem illam, non verò de Presbyteris, aliisque causis. III. Orientis Ecclesias semper illi canoni obstitisse. IV. Ecclesias occidentales diū obstrepuisse, & inter Patres Africanos, ac Romanos Pontifices vehemens certamen, nec sine turbis, exarsisse saeculo quinto. Quam errorum struem paucis dispergere instituo.

Norunt omnes quotquot Ecclesiasticas literas lustraverunt, Sardicensi canone represam fuisse Arianam Eusebianorum factionem. Eusebianos autem arietasse jura Summi Pontificis

tificis iis ipsis calumniis ; quas congerit Anonymus , constat ex Sozomeno *lib.3. hist. Eccl. cap.7.* Nam acerbissimè questi sunt , rescissam à Julio I. sententiam , quam ipsi contra Athanasium , & alios in Tyria , & Antiochena Synodo pronunciaverant ; idque traducebant , *Tanquam factum iniquum , & à lege Ecclesiastica alienum , quòd inconcussam habeat auctoritatem qualibet Synodus ; & contumeliosè agatur cum iudice , cujus iudicium ab aliis examinatur .* Ex *epist.4. Julii .* Hunc eundem criminabantur , *quod quæreretur Ecclesiæ principatum , quasi aliquod tyrannidis regnum . . . ut in Concilio Orientales Episcopi quidquid forte statuissent , ab Episcopis Occidentalibus refricaretur .* Talibus dictis inimicorum divinitatis Christi , hæc subjecit Christianus Lupus ad *can.3. Concil. Sardic. Hi sunt magistri , à quibus Wiclefistæ , Lutherani , Calvinistæ ( aliique nonnulli ) didicerunt Romanam Ecclesiam accusare tyrannidis , atque invasæ potestatis .* Ut hanc calumniam dissiparet , & vindicaret romanas appellationes ex antiquo more , nec non Julii Papæ iudicium de Athanasio , cæterisque Episcopis restitutis Synodus Sardicensis tueretur , edixit , ut Romano Episcopo scriberetur , si damnatus Episcopus existimaverit bonam se habere causam . Quo qui-

quam accepit ; Occidentalis verò vehementer oblectata est ; ac sæculo quinto ingentes turbas Africa dedit , & fumosum typhum Cælestino objecit .

dem antiqua jura confirmata sunt, & explicata potestas Petro tradita à Christo Domino illis verbis, *Confirma fratres tuos*, quæ potissimum in jure appellationum continetur; ut probat Nicolaus I. Nam si novus ille honor per Sardicensem canonem esset institutus, neque antea viguissent Romanæ provocationes, ineptissime Julius ad Eusebianos scripsisset: *oportuit secundum canonem, & non isto modo judicium fieri . . . . An ignoratis hanc esse consuetudinem, ut primum nobis scribatur, ut hinc, quod justum est, definiri possit?* At Julium ad se vocantem factiosos judices Theodoretus lib.2. cap.5. ait, secutum esse *Ecclesia Canonem*. Illos eisdem graviter fuisse reprehensos, scribit Socrates lib.2. hist.Eccl.cap.15. *Quoniam Ecclesia Romana Privilegium præter cæteras obtinebat*: Sozomenus verò lib.3. cap.8. *Quia propter Sedis Dignitatem cura omnium ad ipsum spectaret*. Hic Canon, hoc Privilegium, hæc Dignitas Romanæ Sedis ante Sardicensem canonem vigeat.

Neque formula illa verborum Offii, *Si vobis videtur*, novitatem ejus Privilegii, ac Dignitatis ullo pacto præferre cuiquam videri potest. Nam solemnè in Conciliis erat, ut ea ratione decernerentur etiam, quæ ex antiqua lege, vel consuetudine scribantur. Nec  
du;

dubium; quin ante Synodum Sardicensem non liceret suscipere Clericum à suo Episcopo ejectum, quod etiam can. 18. Nicæno confirmatum fuerat, nec Episcopo ab una ad aliam Ecclesiam transire, à temporibus usque Apostolicis; tamen in eodem Sardicensi, cum de iis legibus agitur, eadem formula voluntas Patrum exquiritur ab Ofio: *ἐν τῷ πᾶσι ἀποστόλοις* can. 1. καὶ τῷ πᾶσι ἀποστόλοις can. 13. Cum autem præfatur Ofius, *B. Petri memoriam honoremus*, insinuat, eo jure niti romanas appellationes, quo debitus Petro honor, & reverentia, hoc est, jure divino, quo Petri Sedes est Caput Ecclesiæ. Ita hæc Ofii verba explicantur ab iisdem Patribus Sardicensibus in Synodica ad Julium: *Hoc enim optimum, & valde congruentissimum esse videbitur, si ad Caput, id est, ad Petri Apostoli Sedem, de singulis quibusque provinciis Domini referant Sacerdotes*. Hujus verò epistolæ hoc est initium; *Quod semper credidimus, etiam nunc sentimus. Quæ hic novitatis suspicio oboritur? Quod recens Ofii inventum subolet? Honoratur igitur Petri memoria, cum Sedes Petri agnoscitur Caput Ecclesiarum, quod non Patrum arbitrio, sed divinitus est institutum.*

Falsum est rursus quod affirmat Anonymus, Orientalem Ecclesiam Canoni Sardicensi sem-

semper obstitisse . Siquidem sub ipsa tempora Concilii Sardicensis Eustathius Sebastenus, ab Arianis in Concilio Melitinenſi depositus, à Liberio, quem appellaverat, restitutus est . Sententia in Theophili Alexandrini contra Chrysostomum rescidit Innocentius I. de quo Palladius in vita Chrysostomi: *Ad hac rescriptit Innocentius Papa, communioneque utriusque partis admissa, Theophili iudicium cassum, atque irritum esse decrevit; cum versaretur causa meræ disciplinæ . Mitto Eutychen Abbatem, Flavianum, Theodoretum, aliosque orientales Episcopos, qui suis appellationibus ostendunt, nunquam olim Orientis Ecclesias Sardicensi Canonì restitisse .*

De occidentalibus autem Ecclesiis dubitare non sinunt perpetua appellationum exempla post Synodum Sardicensem, ut Cœlestii, Chelidonii, Contumeliosi, & Adriani Episcopi Thebani, qui repositus est in Sedem suam à Gregorio M., qui titulum Episcopi universalis tantopere detestabatur. Turbæ autem Africanæ cum Zosimo, Cœlestino, & Bonifacio Romanis Pontificibus, inde ortum habuerunt, quod dicerent Legati Papæ Zosimi, Romanas appellationes Nicænis Canonibus subſtineri; cum enim in Nicænis Canonibus nihil ejusmodi legerent Africani, in suspicionem adducti

adducti sunt, appellationes esse eaducas, neque ullis fundamentis innixas. Duplici autem facti ignorance laborabant; tum quod Sardicensem Synodum non aliam agnoscerent, quam Philippopolitanum Arianorum Conciliabulum, quod illi inierant, facta discessione à Patribus Sardicensibus; tum quod nescirent, Canones Sardicenses Nicænorum nomine, censeretur pro more Romanæ Ecclesiæ; ut patet multis quidem aliis, sed præcipuè ex antiquo Codice Canonum hujus Ecclesiæ, quem nuper è tenebris eruit, ediditque Paschasius Quesnellus; quo satisfactum est Petro de Marca *lib. 7. de Concord. cap. 16.* desideranti ad eam conjecturam vetusti codicis auctoritatem. Cum Primùm ex ignorance illa emerferunt Africani, statim fuerunt in potestate Summi Pontificis, & perpetuas appellationum leges ultro coluerunt; ut causa Antonii Fussalensis docet, quam ipsi detulerunt eidem Cœlestino, teste Augustino epistola 261. Quanquam Patrum Catholicorum mens fuit, siquando de retractatoriis judiciis Romanæ Ecclesiæ, & appellationibus transmarinis questi sunt, ut causarentur non defectum, sed abusum potestatis. Ut Augustinus ibid. *Judicia illis, & publicas potestates, & militares impetus, tanquam executuros Apostolicæ Sedis sententiam,*  
*sive*

*sive ipse, sive rumores creberrimi comminantur .... Non sinas ista fieri, obsecro te per Christi sanguinem, Tum mitius Apostolicæ auctoritatis iudicium implorans; Utrique, inquit, misericordiam mereantur tuam. A quibus sensibus non abludit Bernardus lib. 3. de Consid. cap. 4. de Exemptionibus promiscuè non concedendis: Sic facitudo, probatis vos habere plenitudinem potestatis, sed iustitia fortè non ita. Facitis hoc, quia potestis; sed utrum, & debeatis, quaestio est.*

(52)

(52) Amplitudo charitatis, omnibus com-

Non proprium Romanæ Ecclesiæ munus, sed omnium commune Ecclesiæ est, ut excubent ad totius Ecclesiæ, singulorumque ejus membrorum, salutem. Unde Cyprianus ep. 66. ad Stephanum, affirmat, non solius Stephani esse, sed ipsorum omnium, ut occurrant malis per Marcianum Arelatensem Episcopum illi Ecclesiæ illatis. Cui rei nostrum est subvenire, & consilium, Frater charissime, qui divinam clementiam rogantes, & gubernandæ Ecclesiæ libram tenentes, &c. & infra. Sufficiat

munis, non tollit amplitudinem jurisdictionis uni Petro, ejusque successoribus peculiaris. Etsi enim in uno corpore pro invicem sollicita sint membra, capitis tamen est, ut omnia, & singula ad vitam, & salutem totius corporis regat. Aliter igitur ad unumquemque Episcopum, immo verò etiam Christianum, pertinet, charitatem suam ad totius Ecclesiæ felicitatem extendere, aliter ad Summum Pontificem pro traditis sibi Clavibus, & potestate jurisdictionis à Christo Domino commendatæ. Hujus rei testes habemus Cyprianum epist. 66. ad Stephanum, Clerum Romanum epist. 1. ad Cyprianum, & Cœlestinum I. epist. ad Concil. Ephesin. hoc est, testes ipsos, ab Anonymo laudatos iis in locis, quibus ipse abutitur.

Cypria-



Cyprianus igitur in ea ad Stephanum Romanum Pontificem epistola, sic ait: *Dirigantur in Provinciam, & ad plebem Arelate consistentem à te literæ, quibus absento Marciano, alius in ejus locum substituatur, & grex Christi, qui in hodiernum ab illo dissipatus, & vulneratus contemnitur, colligatur. Sufficiat multos illic, &c.* Ubi advertat cum Rigaltio suo Anonymus, non direxisse Cyprianum literas in Provinciam, sed Stephanum, uti dirigeret, rogasse; curam igitur plebis Arelatenſis aliter ad se pertinere, aliter ad Stephanum credebat; seque charitatis lege adactum, ut Stephanum rogaret; Stephanum verò decernendi, & mandandi jurisdictionem habuisse, Deinde ostendere, & profiteri Cyprianum, etiam per tria illa beata sæcula eam fuisse Romani Pontificis potestatem, ut Episcopos alios dejiceret, alios subrogaret; nec certè solam Cypriani, & aliorum charitatem ad rem illam fuisse satis. Ad hunc epistolæ sanctissimi Martyris locum hæc habet Petrus de Marca lib. 1. Concord. cap. 10. num. 8. qui libello Anonymi nostri est prora, & puppis. *Concedamus ingratis illi (Cypriano) fuisse judiciorum in provinciis redditorem retractiones, quamvis Summis Pontificibus non passim, sed aliquo casu essent acceptæ: Sum-*

P

mum

multos illic è fratribus nostris, annis istis superioribus excessisse sine pace; vel cæteris subveniatur, qui superſunt, qui & diebus, & noctibus ingomiscunt, & divinam, ac paternam misericordiam deprecantes, solatium **NOSTRÆ** (non solius Stephani, ut advertit Rigaltius) opitulationis exposcunt. Idcirco enim copiosum est corpus Sacerdotum, concordie mutua glutino, atque unitatis vinculo copulatum, ut si quis ex collegio nostro heresim facere, & gregem Christi lacerare, ac vastare tentaverit, subveniant cæteri, & quasi pastores utiles, & misericordes, in gregem colligant oves dominicas.

*num tamen jus Romana Sedis in sententia de rebus ad se relatis ferenda disertissimis verbis Cyprianum agnovisse. Quod evidentissime patet in causa Marciani Arelatensis Episcopi, &c. Sed illustriora sunt verba, quæ sequuntur, quibus decernendi, & pronuntiandi de re proposita, juxta sententiam Gallicanorum, & Africanorum Episcoporum, potestas Romana Sedis asseritur, eique plenissima executionis cura demandatur: „ Dirigantur in Provin-*  
*„ ciam, & ad plebem Arelate consistentem à*  
*„ te literæ, quibus, abstituto Marciano, alius*  
*„ in locum ejus substituatur „ Nulla Nova-*  
*tores industria hoc testimonium Cypriani ele-*  
*vare possunt. Videat Anonymus, quibus se*  
*adjunxerit, Petro judice; & agnoscat, non so-*  
*la amplitudine charitatis curam omnibus Ec-*  
*clesiis impendere Romanum Pontificem.*

(53)  
 Clerus item Romanus hoc profitetur in epist. 1. ad Cyprian. Omnes enim nos decet pro corpore totius Ecclesiæ, cujus per varias quasque provincias membra digesta sunt, excubare.

(53) Clerus Romanus loco cit. apertè innuit, loqui se de mutuo charitatis officio, quo sollicita pro invicem sunt membra; appositè enim memorat Ecclesiæ membra digesta per varias provincias, ut significet eorum regimen ad Caput spectare, & aliam esse membrorum, aliam Capitis sollicitudinem pro toto Ecclesiæ corpore. Præterea, decere, ait, ut omnes pro corpore Ecclesiæ excubent; ut intelligamus ad charitatis tantum officium, non potestatis spe-

spectare verba illa; nam excubare eum, qui  
 Caput sit, & Primatum teneat, non decet  
 modò, sed omnino oportet. Denique excu-  
 bandi partes, non autem accurrendi, & cor-  
 rigendi, communes omnibus dicuntur; quas  
 quidem excubias obierat S. Cyprianus, nun-  
 cians rem sollicitam de Privato Lambesitano,  
 ut Clerus ait; quasque Episcopi etiam nunc  
 pro se quisque obire debent, Romam nun-  
 ciantes, si quid turbatum fuerit in rebus Ec-  
 clesiasticis. Cura igitur, quæ communicatur  
 cum omnibus Episcopis, disertè ab ea separa-  
 tur, quæ propria est Pontificis Romani ex te-  
 stimonio Romani Cleri. Ut intelligat autem  
 Anonymus, quæ sit Romanorum Clericorum  
 sententia de prærogativa Romanæ Sedis, quo-  
 ad sollicitudinem omnium Ecclesiarum, adeat  
 epist. 3. ejusdem Cleri ad Clerum Carthagi-  
 nensem, ubi longè aliter de cura sibi commen-  
 data loquitur, ac de aliis Ecclesiis; precipuè  
 verbis illis. *Et cum incumbat Nobis, qui vi-  
 demur prepositi esse, & vice Pastoris custodi-  
 re gregem.* Vacabat enim per obitum Fabiani  
 Sedes Petri; illi verò Clericos se totius orbis,  
 quoad sollicitudinem omnis Ecclesiæ apertif-  
 simè ostendunt, non charitate solùm postulan-  
 te, sed officio sui Clericatus, & primatu, ac præ-  
 rogativa suæ Ecclesiæ,

(54) Cœlestinus denique in ep. ad Concil. Ephesin. hoc munus explicat, omnibus Episcopis commendatum. Hæc ad omnes in communi Domini Sacerdotes mandata prædicationis cura pervenit; hereditario in hanc sollicitudinem jure constringimur, quicumque per diversa terrarum loca Apostolorum vice nomen Domini prædicamus, dum illis dicitur: *Ite, docete omnes gentes. Advertere debet vestra fraternitas, quia accepimus generale mandatum, & OMNES id nos agere voluit, quibus in commune mandavit officium; necesse est, ut competenter nostros sequamur auctores.*

(54) Quod ex Cœlestino Anonymus extorquere contendit, planè mirandum est; eum enim paulò superius scripserat monitum à Patribus Africanis, ne fumosum typhum sæculi inferret in Ecclesiam Christi, hoc est, ne appellationes transmarinas assereret, & in Africanas Ecclesias jura Sardicensia vindicaret. Quomodo igitur hic Cœlestinus inducitur affirmans, non aliam sibi esse potestatem in omnes Ecclesias, quàm quæ sit cæteris Episcopis? Quomodo Cœlestini locus ex ea epistola promitur, in qua ille Primatum Sedis suæ maximè exereuit? Qua legatos ad Synodum Ephesinam misit, ut quæ ab ipso jam antea statuta erant, Synodus exequeretur? Cui epistolæ Firmus, Cæsareæ Cappadociæ Episcopus nomine Synodi subjecit: *Apostolica, & Sancta Sedes Cœlestini Sanctissimi Episcopi etiam ante de præsentī negotio sententiam, regulamque præscripsit. Quem excepit Philippus Apostolicæ Sedis Legatus: Gratias agimus Sanctæ, venerandæque Synodo, quòd, literis Sancti, Beatique Papæ nostri vobis recitatis, sancta membra, sanctis vestris vocibus, sancto Capiti sanctis etiam vestris exclamationibus vos adjunxeritis. Hæc est igitur communis membrorum pro toto corpore sollicitudo, ut sancto Capiti sese, adjungant, ejus.*

ejusque sollicitudini obsequantur ; ac latissimè discreta est in hac ipsa epistola Cœlestini charitas membrorum à jurisdictione Capitis. Proinde sentiat Anonymus se testibus suis convictum , atque rejectum .

(55) Ne videatur Anonymus contra Innocentii III. auctoritatem negare amplitudinem Romani Clericatus, summa religione conatur , se ab illius epistola decretali explicare ; & videri cupit rationem habere Innocentii , cum antea parem fecisset Episcopo Lavellensi Romanum Pontificem , eique objecisset usurpationem , & turpitudinem ; videlicet , redutiam curat , ubi medendum est capiti . Nihil igitur in his hærendum , nec trahenda mora in eo , quod in epistola quidem Innocentii , non verò in decretali scriptum sit , quòd electus Ecclesiæ Capuanæ Episcopus, quippe qui Clericus Romanus esset , non debuisset censeri Clericus extraneus ; nos enim non magis à concisis epistolarum fragmentis, quam à liquida mente , & verbis Pontificis rescribentis earum auctoritatem agnoscimus . Sed repetitis ex tota antiquitate monumentis , quid recentia testimonia desideremus ? Quod verò juri naturali, divino, & canonico cedere potuerint Capuani , est prorsus inauditum . Interim intelligat, nunquam se sacrosanctæ religioni fa-

(55)

Locus Innocentii III. in epist. ad Capitulum Capuanum, ex qua sumptum est cap. cum nobis 19. de elect. ubi ait, electum Capuanum Episcopum, quippe qui Romanus Clericus esset, non debuisse exterius censeri, legitur in epistola quidem, sed non in decretali. Præterea valuit illa extranei electio, non quia Clericus Romanus erat, sed quia Capuani, sponte exterius eligentes, cesserant juri, ne exterius Episcopum haberent.

ctu-

aturum satis, nisi verso stylo libellum totum, præsertim verò auctarium prorsus inducat, & obliteret; in quo illud cum primis stomachum facit, quod ipse profiteatur, in gratiam jucundissimi amici fuisse compositum. Itane ludus illi videbatur, insultare Apostolicæ Cathedræ; & Christi Vicarium in ordinem redigere? Itane gratificandum animo fuit, & per ludibria Apostolicæ majestatis genio, & amicis litandum? Sed verendum, ne in paranda amicorum gratia, duces habuerit iniquissimos Christi judices, qui in accusanda Summi Pontificis potestate duces habuit Eusebianos, divinitatis Christi hostes acerrimos.

(56)

Tertium Romanorum argumentum, petitur à diuturna possessione Romanæ Curiae, quæ tot sæcula pro suo jure, & arbitrio nostra beneficia distribuit. Sed quæ ratio ejus possessionis habēda est, cui divina, & naturalia jura resistunt; & quæ vi obtinetur?

(56)

Negat Anonymus Pontificiæ causæ quidquam suffragari possessionem, ut quæ divinis, & naturalibus legibus adversetur, quamque Romana Ecclesia per vim invaserit. Præscriptioni verò obistere, ait, malam fidem. Magna semper fuit auctoritas, & vis consuetudinis, cum in publicis, privatisque rebus omnibus, tum verò maximè in judiciis Ecclesiasticis, quoad causas jurisdictionis. Hoc jure Melitii Lycopolitani audacia repressa est in Concilio Nicæno can. 6. *Antiqua consuetudo servetur*, &c. Eoque Cypriorum causa contra Joannem Antiochenum definita est in Concilio Ephesino: *Si non est vetus mos . . . habebunt*

*bunt jus suum intactum, & inviolatum.* Immo interdum posthabetur consuetudini utilitas, ne mutata consuetudine offendant novitas, teste Augustino cit. epist. ad Januarium: *Ipsa quidem mutatio consuetudinis, etiam quæ adjuvat utilitate, novitate perturbat.* Servetur igitur antiqua consuetudo, ut Summus Pontifex jure suo beneficia conferat, habeatque ex veteri more jus suum intactum, & inviolatum; ne conatus mutandæ ejus consuetudinis novitate perturbent, etiam si in speciem conficta utilitate adjuvare videantur. Utrum autem divina, & naturalia jura eam consuetudinem damnent, ex dictis judicium esto.

(57) Præscriptioni neque titulus abest, nec bona fides. Neque enim ulla esse potest suspicio malæ fidei, ubi cum perspicua canonum sententia omnium Pontificum exempla concurrunt. Titulus verò certissimus, & antiquissimus est, Pastoris, & Episcopi universalis. Neque Gregorius M. (ut eò recurrat oratio, & de mente Sanctissimi Pontificis pressus, & commodius agamus) cum detestaretur arrogantiam Joannis Episcopi Constantinopolitani, damnabat jurisdictionem universalem, sed tumidam appellationem, & titulum ab Ecclesiastica modestia abhorrentem, ut ex ipsius verbis, factisque discimus I., cum obji-

cit

(57) Præscriptionem autem, si fortè obtendant, rejicit mala fides. Nisi enim Curia Romana ignorā se fateri velit principiorum juris naturalis, divini, & canonici, affirmare cogitur, non se ignorasse, possessionem illam abnormem esse, & juri contrariam.

cit Joanni exemplum Petri : *Cunctis*, inquit ;  
*evangelium scientibus liquet, quod voce Domi-*  
*nica, sancto, & omnium Apostolorum Prin-*  
*cipi Petro Apostolo, totius Ecclesie cura com-*  
*missa est. Cura ei totius Ecclesie, & principa-*  
*tus committitur, & tamen universalis Apo-*  
*stolus non vocatur.* Simul igitur affirmat Gre-  
 gorius, Petrum fuisse Apostolorum Princi-  
 pem, & habuisse curam, & principatum to-  
 tius Ecclesie, & tamen non fuisse appellatum  
 Apostolum universalem. Ergo cum negat, Pa-  
 pam esse appellandum Episcopum universa-  
 lem, non negat illum esse Episcoporum Prin-  
 cipem, eumque totius Ecclesie curam habere,  
 præsertim cum se appellet Petri successorem :  
*Nos, inquit, qui, licet immeriti, Sedem Apo-*  
*stolicam vice Petri Apostolorum Principis su-*  
*scepimus gubernandam, ipso Pontificatus offi-*  
*cio cogimur generali hosti, quibus valemus vi-*  
*ribus obviare.* II. quia constat ex Anastasio  
 Bibliothecario in præfat. VII. Synodi, Joan-  
 nem non totius Ecclesie, sed totius suæ dice-  
 cesis universalem se Episcopum appellasse ;  
 Gregorius igitur negabat, illum dici posse  
 Episcopum universalem, etiam illius dicecesis ;  
 in qua habebat universalem jurisdictionem.  
 Restitit igitur illi titulo Gregorius, non ad co-  
 ãrendam jurisdictionem, sed nominis arro-  
 gan-



gantium ; proindeque amplissimæ suæ jurisdictioni non derogat , quòd se neget Episcopum universalem . III. Professus est Gregorius se totius Ecclesiæ servum , assumpta humilitatis epigraphæ : *servus servorum Dei* , qua exprimitur universalis jurisdictioni nihilo minus , ac si dicatur Episcopus universalis . Consueverant enim Episcopi se inscribere , & appellare *servos* Ecclesiarum , quibus ministerium impendebant , obsequentes mandato Christi Matth. 23. *Qui major est inter vos , sit sicut minister* . Quare nihil interest , siue servus ; siue Episcopus totius Ecclesiæ dicatur Papa , quod attinet ad jurisdictionem , licet appellatio servi magis conferat ad modestiæ commendationem . Igitur sicuti stultè quis negaverit Præpositum totius Ordinis Minorum ( ut de medio sumamus exemplum ) habere universalem jurisdictionem in totam illam familiam , quia noluit S. Franciscus eum nuncupari illustri titulo Magistri , seu Præpositi , sed servi , seu Ministri Generalis ; ita perperam Launojus , & cum eo Anonymus plaudit sibi in eo loco Gregorii , qui universalem jurisdictionem explicat modestiori titulo servitutis . IV. Hic ipse Servus servorum Dei , qui blasphemum habuit titulum Episcopi universalis ; plusquam Episcopalem in omnes Episcopos , &

Q

Eccle-

Ecclesias jurisdictionem exercuit ; veluti in causa Januarii Episcopi Malacitani, & Stephani, apud eundem epist. 52. lib. 11. & in restituendo Adriano, injustè deposito ab Episcopo primæ Justinianæ, ad quem hæc scripsit : *Cassatis prius, atque ad nihilum reductis prædictæ sententiæ tuæ decretis, ex B. Petri Apostolorum Principis auctoritate decernimus, &c.* Ita servitutem, hoc est, sacrum, & summum imperium exercebat Gregorius in universam Ecclesiam, seque probavit Episcopum Episcoporum, quo nomine à primis Ecclesiæ sæculis Papa nuncupatus est, teste Tertulliano lib. de pudicit. cap. 1., & Cypriano in Synod. Carthag. Id velim ex Gregorio audiat Anonymus, & memoriæ penitus mandet, quod scribit epist. 42. lib. 11. **APOSTOLICÆ SEDIS REVERENTIA NULLIUS PRÆSUMPTIONE TURBETUR; TUNC ENIM MEMBRORUM STATUS INTEGER PERSEVERAT, SI CAPUT FIDEI NULLA PULSET INJURIA.**

(58) Ultimum pro Romana Curia argumentum est dominium Regni Neapolitani, quod ipsa in feudum nostris Principibus concesserit. Quod attinet ad dominium Regni, certè solo risu excipiendū esset. Sed quid tum, si ad illam pertineat? Bona Dei sub dominium Principum non cadunt. Itaque si Tupinimbis, aut Sinis hoc Regni dominium suaderi posset, non propterea licere crederent, ut Romana Curia nostris beneficiis pasceret Clericos suos.

(58) Ridet postremo loco Anonymus jura Romanæ Sedis in Regnum Neapolitanum, nec aliter, quàm risu excipiendum ait eum, qui dixerit, Regnum illud esse feudum Romani Pontificis, rem nimirum vix extremis barbaris suadendam. Ridere illum sinamus

mus in tanto flagitio ; ac servemus potius Hispaniarum Reges , præsertim Austriacos , jura illa studiosissimè colentes , ac tributis , & monumentis omnibus agnoscentes. Unde Philippus II. in mandatis, pro recta Neapolitani Regni administratione, in primis Proregi Neapolitano sanctè , & graviter præcepit : *Ansi mismo aveis de onrar , acatar , y servir à nuestro muy Sancto Padre , y à la Sancta Sede Apostolica , ansi por la obligacion , que en general para ello todos tenemos , por tener el lugar de Dios en la tierra , como en particular por ser aquel Reyno feudo de la Tglesia Romana , y à esta causa queremos , y assi os lo encargamos , y mandamos , que tengais mucho cuydado de favorecer , y conservar la dignidad , y autoridad Ecclesiastica , nõ dando lugar à que ne manera alguna sea ofendida , ni perjudicada , in tampoco la jurisdiccion, y preminencia Real, procurando que cadauno use , y goxe de lo que debidamente le pertenece : Especialmente tendreis cuydado de cumplir cadauno año lo del Censo , y Acanea , que en riconocimiento del feudo somos obligados à dar à Su Santidad , y que en esto à suis tiempos no aya falta , teniendo co nuestro Embaxador, que residierè en Roma la correspondencia que para esto se requiere , manteniendo con las tierras de le Tglesia*

*mucha paz, amistad, y buena vecindad, guardando, y cumpliendo enteramente por nuestra parte lo que por las Capitulaciones pasadas ansí con Su Santidad, como con la Sancta Sede Apostolica debemos, y somos obligados. &c. Bruxellis 10. Januarii 1559. Vix hæc certè ignorant Sinæ, aut Tupinimbæ; neque ipsum putamus ignorare Anonymum, nisi videri velit, longius à comuni sensu, quàm illi à nostris regionibus, abesse.*

Supereſt ut Anonymum compellemus verbis Augustini lib.2. contra epist. Petiliani, cap.51. *Cathedra tibi quid fecit Ecclesiæ Romanæ, in qua Petrus sedit, & in qua hodie Clemens sedet? Quæ te causæ præcipitem egerunt, ut literas, nomenque tuum, patriæque existimationem maculares? An quo Neapolitanis Ecclesiis, & viris Ecclesiasticis opem ferres? At certè spem bonam illorum, quam in sola Sanctissimi Pontificis clementia ponere potuissent, turpiter evertisti, animo, scilicet, & Clementis, & Caroli vehementer abalienato. Nam, nisi contumeliæ illæ, & errores libelli tui illorum animos exulcerassent, magnæ cum fiducia adjissemus Beatissimum Patrem, & subicientes oculis ejus Ecclesias Regni hujus, partim terræmotibus, partim turbinibus temporum jactatas, excussas, & inopia confectas*

*ſectas*, plurimā Pontificiæ benignitātis argū-  
 menta ſperare potuiſſemus; cum modò vix ro-  
 gare illum ſupplices audeamus, ut credere ve-  
 lit, nos acerbo præ cæteris dolore calumniarum  
 illarum eſſe percuſſos. Carolus verò, ut velit  
 nobis adeſſe officiis ſuis, quos demum ſenten-  
 tia tua offerre poterit Summo Pontifici bene-  
 ficiis, & dignitatibus ornandos? Clericos ne  
 agreſtes ex aratro, an patriæ, & Regis prodi-  
 tores è vinculis evocatos, cujuſmodi Neapo-  
 litanos Clericos eſſe designaſti? At patrono,  
 inquis, fas eſt augere clientis calamitatem, ad  
 ejus cauſæ commendationem. Parronum igitur  
 ſe tibi præberet ſtudioſiſſimum, ſiquis ſtul-  
 titiam, & temeritatem tuam exaggeraret in  
 cauſa editi libelli, idque officii loco habere de-  
 beres. Sed proſectò præſtat, te adverſarium ha-  
 bere, quàm patronum, ſi non aliter clientum  
 cauſas agere poteſ, quam illos, aut ad opus  
 damnando, aut in ergaſtulum conjiciendo.

An verò animum induxiſti, ut ſcriptum  
 emitteres, ductus inani gloria, ut auram elo-  
 quentiæ captares, atque hetruſco ſtylo tuo lau-  
 dem colligeres, reputans potius hominum opi-  
 nionem, quam ſcandalum fratrum tuorum? Jam  
 hoc damnaverat in Eusebianis auctoribus  
 errorum tuorum Julius I. in epiſt. recitata ab  
 Athanaſio apolog. contra Arianos: *Quod ſi elo-*

*quentia ostentandæ causæ; qui epistolam dictavit, ita scripserit, huiusmodi studium ad alios spectat. In rebus enim Ecclesiasticis non specimen eloquentiæ querendum est, sed Canones Apostolici, ac studendum, ne unus quidem ex pusillis, qui in Ecclesia sunt, scandalizetur: Quamquam desint, qui stylo tuo *οὐρανὸν* *Κυρίου*, & *Κακοῦ* *ἡδον* occinant; tibi que rem non aliter processisse putent, quàm ædificatoribus turris Babel, qui linguarum confusione. *coëptis frustra* *tis* non potuerunt ad *destinatum* *impieratis* *sue* *finem* *pervenire*, inquit Philo *lib. de confus. linguar.* Deo puniente *malum affectum*, etiam cui non *successu effectus*; ut de illis ait Augustinus *lib. 16. de Civit. Dei, cap. 4.* Sed nobis ex agro venientibus, quæ facultas esse potest, ut de cultissimis artibus, & studiis iudicemus? Hieronymo quidem gerere morem semper curavimus monenti, ut *piam potius rusticitatem, quam doctam blasphemiam* eligeremus; quippe qui majorem professi sumus in fidei, quàm in sermonis articulis religionem. Propterea linguam Ecclesiæ in causis ecclesiasticis usurpandam duximus; ac Sanctorum Patrum, & Canonum simplicitatem in rebus canonicis, latinitatemque retinendam; præsertim, ne italicum sermonem frequentioribus, & longioribus latino-rum Scriptorum testimoniis obrueremus; quo  
 argu-*

argumento Anonymus Theologus, tuus proculdubio symmystes, Davidium gallicè scribentem latine excepit. Potissimum verò, ne, quod maxime cavendum erat, quodque sacris disputationibus nunquam bene vertit, erepentes è medio vulgo iudices haberemus. Illud tamen unum tibi etiam, atque etiam ingerendum habemus, quod Favorinus ait adolescenti veterum verborum cupidissimo apud Gellium lib. I. cap. 10. *Habe semper in corde, quod à C. Cesare scriptum est; ut tanquam scopulum, sic fugias insolens verbum; ut ne post hac stylum tuum inficias ulla verborum INSOLENTIA.*

Quod verò oblatum tibi conviciorum crimen, & violatæ verbis Apostolicæ dignitatis elevare contendas, exemplo Paulini, est hoc enimvero in sanctissimi viri nomen crimen gravissimum. Nusquam Paulinus cum Siricii superbam discretionem, & Clericorum ejus invidiam vellicaret; aut Primatum illius; aut Ecclesiæ Romanæ auctoritatem attentavit. Neque enim qui hominum vitia carpit, illa eadem Cathedræ impingit. Nunquid Dominus Jesus Christus, inquit Augustinus contra Donatistas loco cit., propter Phariseos, de quibus ait, dicunt enim, & non faciunt, cathedræ, in quæ sedebant, ullam fecit injuriam? Nonne illam Cathedram Moysi commendavit, & illos, ser-

vato

vato Cathedræ honore, redarguit? Hæc si cogitaris, non propter homines, quos infamatis, blasphemaretis Cathedram Apostolicam; cui non communicatis. Sed quid est aliud, quàm nescire dicere, & tamen non posse nisi maledicere? Tu verò cum Clementem commendare videri velis, Cathedræ illius honorem non servas, & jura Ecclesiæ Romanæ pessundas. Quo Paulini, aut sanctorum virorum, ut jactas, exemplo, hoc facinus excuses?

Jam sentis, opinor, quanta firmitate jura Sedis Apostolicæ consistent; iis ipsis argumentis, quibus ab adversariis urgeri solent. Non enim ea versanda suscepimus, quibus sapientissimi viri, Romanæ Ecclesiæ privilegia vindicaverunt, quæ sicut Turris David *edificata est cum propugnaculis; mille clypei pendent ex ea, omnis armatura fortium*; sed hoc nobis negotii sumpsimus, ut errores libelli tui totis ipsius machinis everteremus, nec alia quæreremus præsidia veritatis, quàm malè structa, malèque parata munimenta mendacii. Erit igitur pietatis, & eruditionis tuæ, ut tabernaculum Dei literis tuis ornare studeas, & ad secundum, quod Cyprianus ait ead. ep. 55. felicitatis gradum, errores agnoscendo, festines. Quo cæteris etiam, qui te colunt, & affectantur, exemplo sis, ac doceas, quibus libris, quibus studiis, quibus literis